

# WANTOK

Niuspepa bilong Papua Niugini stret

- 25 yia nau

44 pes

Namba 1095

Wik i stat long Fonde, Jun 22, 1995

50 toea

## Palamentari Jastis komiti egens rifom bil

PALAMENTARI Riferel Komiti bilong Jastis (PRCJ) i tokaut olsem rifom bilong bilong Provinsal na Lokol-Levol Gavman i gat planti asua. Na i laikim olsem palamen i mas rausim dispela rifom bil

Siaman bilong PRCJ na memba bilong Lufa, Mathias Karani tokaut long dispela aste Trinde, Jun 21, taim em i givim ripot bilong Komiti long palamen.

Mista Karani tokaut olsem taim Komiti bilong em i go aut long ol provins long mun Mei long kisim tingting bilong ol pipel, ol pipel i tok-tok long tupela bikpela samting aninit long dispela rifom bil. Dispela

### GODFRIED YASSAFAR i raitim

tupela samting ya em: (1) lo we i karamapim bil bilong kamapim senis na provinsal gavman sistem bilong nau yet, (2) kos o mani bilong karim aut ol wok bilong rifom bil sapos palamen i paitim toktok na tokorait long dispela bil. Ripot bilong PRCJ i tok bikpela na planti saveman na meri na ol risoses i mas go long ol provins na distrik long karim aut wok sapos rifom bil i kisim tokorait bilong palamen. Bikos dispela bai helpim olgeta wok bilong karim aut wok long

givim sevis i go long ol pipel long ol rurel eria.

"Arapela samting tu i olsem sapos rifom bil i kisim tokorait bilong palamen, gavman i mas provaidim ol sevis olsem haus i go long ol pablik sevan long provins na distrik husat bai karim aut wok aninit long rifom," ripot bilong PRCJ i tok.

Na tu gavman i mas putim kamap mani long ol nupela institusen we bai kamap aninit long nupela lejislesen (lo). Sampela bilong ol dispela nupela institusen em Nesenel Investigesen Komiti, Provinsal na Lokol-Levol Gavman

Sevis Monitoring Atoriti, Provinsal Odit Sevis, Nesenel Ekonomik na Fiskel Komisn na Mediesen na Abritesen Traibiunel.

Long nau yet, PRCJ ripot i tok, Ombudsmen Komisn i save was long wok bilong 1,400 lida bilong kantri. Insait long dispela namba (1,400), 450 em ol memba bilong ol provinsal gavman insait long kantri. Sapos palamen i tokorait long rifom bil na i kamap lo, arapela 3,000 lida moa long Lokol-Levol Gavman na Eben Kaunsil bai kam aninit long lukaut na was bilong Ombudsmen Komisn.

Bikos long ol dispela asua na

hevi, Komiti bilong Mista Karani tok i nogat gutpela luksave i stap long lukim nupela sistem bai wok gut o nogat sapos palamen i tokorait long en.

Komiti gat bikpela na strongpela bilip olsem wok bilong kamapim senis i mas go yet. Tasol dispela wok i mas kamap na go het long gutpela na stretpela rot bihainim gutpela wok bilong kisim na skelim tingting bilong ol pipel long olgeta sekta. Komiti no bilip olsem i bin i gat gutpela wok bilong kisim tingting bilong ol pipel i kamap long putim kamap dispela bil bilong kamapim senis.



Hailans kaukau swit moa • Mama ya long Sauten Hailans i salim kaikai arere long haiwe. Kaukau bilong hailans i swit moa. Poto: Michael Monda.

## langalio askim long kamapim mini baset

SEDO Fainens na Plening Minista, Masket langalio i tokaut long dispela wik olsem Chan/Haiveta Gavman i mas kamapim wanpela mini baset.

Dispela em long helpim gavman plening wok bilong em bikos long hevi bilong kantri i nogat inap mani.

Mista langalio i tok Palamen i mas paitim toktok long dispela hevi na mas painim sampela rot bilong helpim dispela hevi. Na tu kirapim bilip long sait bilong mani insait long kantri.

Em i tok dispela 1995 Chan/Haiveta baset i no bin mekim gutpela wok. Olsem na em i tok ol i mas mekim sampela samting hariap long helpim kantri. Em i tok tu olsem

Palamen mas paitim toktok long ol wok na lo bilong Intanesenel Moneteri Fan (IMF) na Wol Beng insait long Papua Niugini. Na tu ol i mas vot long stapim Praim Minista Sir Julius Chan long go het long lukluk long Wol Beng na IMF long helpim PNG. Em i tok Wol Beng na IMF i lukluk long stapim PNG long kisim dinau mani long helpim kantri. Bihainim dispela em i tok long wanem as stret Minista bilong Fainens na

Plening, Chris Haiveta i wok long traim long kisim dinau mani long Taiwan.

**Haiveta bekim toktok**  
Mista Haiveta i bekim dispela askim long Palamen long Tunde olsem Papua Niugini i gat gutpela wokbung long sait bilong salim na baim ol ovasis samting wantaim Taiwan. Na dispela tingting bilong kisim dinau mani em long go het wantaim dispela gutpela wokbung. Em i tok dispela toktok

bilong kisim dinau mani i wok long go het yet. Na sapos i kamap tru, Mista Haiveta i tok em bai tokaut long Palamen. Mista langalio tok Sir Julius Chan i no ken lus tingting olsem Palamen em i wanpela bikpela bodi long paitim toktok long ol kain samting olsem, tasol Sir Julius laik mekim ol samting long laik bilong em yet.

Bihainim dispela Mista langalio i tok Palamen i mas traim na lukluk long ol samting i bin kamap taim Sir Julius i bin stap insait long gavman. Bikos Mista langalio i bilip planti tokorait Sir Julius i bin mekim taim em i bin stap insait long gavman i no bin karim kaikai. Na tu dispela ol tokorait i kamapim hevi nau long kantri.

### LUKIM INSAIT:

- MOA PALAMEN RIPOT - Pes 2 na 3
- Biem ailan holim yet kastom pasin - p13.
- NEKS WIK: MOMASE BISNIS



# DELTA

BIKPELA KEBIN SPEIS

STRONGPELA TRU NA INOPILAI NABAUT TRAK... DSPELA TRAK IGAT BIKPELA SPEIS LONG KEBIN NA TU IGAT BIKPELA SPEIS ARASAIT BILONG KARIM PLANTI KAGO NA OL MANMERI NABAUT. DELTA. ISTAP NAU LONG ELA MOTORS BRANS KLOS TU LONG PLES BILONG YU!

PORT MORESBY 229400 • LAE 422322 • KOKOPO 927983 • MADANG 822188  
GOROKA 721844 • MT HAGEN 521888 • WEWAK 962255 • KAVIENG 942132  
KIMBE 935155 • TABUBIL 589060 • VANIMO 871254 • PORGERA 579367  
ALOTAU : WALTERS WORKSHOP 611174 • ORO MOTORS 297002



Ela Motors

OLGETA HAP LONG  
PAPUA NIUGINI

# Plis RIPOT



## LAIAGAM:

I gat ripot olsem sikspela man i dai long pait bilong wanpisin long hap bilong Laiagam insait long Enga provins.

Provinsal plis komanda Alan Kundi long dispela wik i tok pait ibin stat long las Sarere bihainim dai bilong wanpela man. Dispela man ol i tok i lida long wok bilong ol kriminel long Laiagam eria.

Mista Kundi em i tok man ya ibin dai bihain ol lain Epan wanpisin i paitim em nogut tru. Bihainim dispela ol Waip wanpisin husat i lain bilong dai man ya i kirap na sutim dai tupela man bilong Epan wanpisin. Dispela em long sem de Sarere.

Stat long dispela taim ikam inap nau, tupela wanpisin i karim pait i go het yet.

## ENGA:

Plis long Enga i mekim ol wok painimaut long asua we sampela lain i paitim nogut wanpela mobail skwat komanda plisman. Na tu stilim wanpela hai pawa raifol. Ol man nogut ibin stilim raifol long taim ol i paitim nogut plisman ya.

Plis i ripotim olsem komanda ya i wok long kam bek long Hagen na long bum geit em i bungim birua we sampela man nogut i paitim em na stilim raifol long em. Plis i kisim bek pinis raifol ya tasol ol ino save long as bilong dispela asua.

Long wankain taim tu, plis ibin kukim hap bus klostu long bum geit bikos ol i bilip olsem ol man i save hait long hap na dring bia. Dispela em bihain long ripot olsem ol spak lain ibin paitim plisman ya.

## SIMBU:

Simbu plis long dispela wik i kukim mariwana, ol megesin, buk, vidio teip na piksa nogut na 22 ol gan we ol man yet i wokim long ples. Kos bilong ol samting ya inap long K50 tausen.

Provinsal Plis Komisina long Simbu Edward Kinamun i tok ol smuk nogut i gat long em 121 kilogrem hevi long ol drai mariwana na 557 long ol diwai i gro yet.

Long Simbu provins yet, ol i kalabusim wanpela man bikos em bin bagarapim wanpela wokmeri bilong Kundiawa Hotel.

## BOMANA, Mosbi:

Nainpela strongpela kriminel husat ibin ranawe long Bomana haus kalabus long las mun i stap hait yet.

Plis i mekim strongpela toksave long pablik long lukaut bikos ol dispela lain i karim yet ol samting bilong pait wantaim ol. Plis i laikim pablik long tosava long [lis sapos ol igat save wanem hap tru ol dispela lain i hait long en.

# Wok long Passam/Tuanumbu rot no pinis bikos gavman no baim kampani

## ELIZABETH LENY i raitim

MINISTA bilong Woks Dipatmen, Peter Yama i tokaut long Palamen long aste Trinde Jun 21 olsem wok bilong stretim Passam/Tuanumbu rot long Maprik haiwe long Is Sepik no pinis bikos gavman i nogat mani long baim kampani husat i wokim dispela rot.

Kampani i stretim rot stat long Passam i go inap long ples Tuanumbu tasol. Na i no go olgeta long Maprik.

Mista Yama i mekim dispela toktok bihainim wanpela askim i kam long Rijonal Memba bilong Is Sepik, Sir Michael Somare. Mista Somare i laik save long wanem as tru wok bilong dispela rot i no bin go het.

Mista Yama i tok as bilong nogat mani i bihainim hevi em kantri i nogat inap mani. Em i tok gavman i no bin baim Barclay Brothers kampani long go hetim wok.

Gavman i no bin baim kampani aninit long kontrak bilong wok. Dispela kontrak inap long K13 milien na K39 milien.

Gavman nau i gat samting olsem K6 milien dinau mani wantaim dispela kampani.

Bikos gavman i no bekim yet dispela dinau, kampani i stap long go hetim wok long rot.

Tasol Mista Barter i tok kampani bai go het wantaim dispela wok taim gavman i gat mani. Na em bai toktok long Minista bilong Trempot na Minista bilong Fainens long dispela askim bilong Sir Michael.

Bihainim dispela ol toktok long rot, Minista bilong Provinsal Afees na Viles Sevis, Castan Maibawa i tok i nogat

inap mani long stretim ol rot. Bikos gavman i nogat mani bihainim dispela hevi kantri i wok long bungim long sait bilong mani.

Em i tok gavman i bin givim hap bilong dispela mani i go long ol lokol gavman kaunsil tasol bilong wokim ol edministresen wok bilong ol. Na tu gavman i no bin givim mani bilong wokim ol narapela projek.

Mista Maibawa i bin mekim dispela toktok bihainim askim bilong memba bilong Lufa, Matias Karani.



**Tripela raskol mas raun long Alotau taun • Ol plisman long Alotau i holimpasim tripela raskol bilong Popondeta, husat i ranawe i go stap long hap long tupela wiken i go pinis. Tripela raskol ya i bin drinkim 6 peks bia arere long NBC opis na plisman wantaim helpim bilong ol Semba ov Komes wokman i holim pasim ol. Bihain ol tokim ol mas raun long taun na olgeta manmeri lukim ol.**

## Man Jemani tok PNG yet mas bosim ol risoses

KODINETA bilong pis projek long Lae i bilip ol Papua Niugini manmeri i no inap sot long wok sapos gavman i larim ol yet i wok long risoses bilong ol.

Projek kodineta bilong Moma Kostel Fising Developmen Projek, Peter Jarchau bilong Jemeni i tok ol manmeri long PNG yet i mas bosim ol risoses antap long graun na solwara bilong ol. Na ol yet i mas kisim na salim long kisim mani long lukautim sindaun bilong ol long ples.

Mista Jarchau i tok sapos gavman i sanapim as tingting long ples pastaim long kamapim wok long ol manmeri, bai i nogat manmeri i raun nating long taun na painim wok o kamapim ol trabel long taun.

Mista Jarchau i lukim kain pasin we ol ovasis kampani i kam long PNG na katim ol diwai na kisim ol pis long solwara na i tok dispela i no helpim tru ol manmeri. Ol manmeri yet i mas pulim pis long solwara na katim diwai bilong ol na i go salim long kisim mani.

Bikos PNG i gat tumbuna pasin we ol manmeri i papa long hap graun, solwara, diwai na ol samting long bus na wara. Long dispela as, ol manmeri i papa long risoses bilong ol olsem na ol yet i mas yusim dispela risoses bilong ol long pulim mani i go bek long ol, Mista Jarchau i tok.

Projek kodineta ya i tok planti manmeri i save laik go long taun bikos long ol gutpela samting na sevis bilong taun. Tasol sapos ol manmeri long ples yet i ken pulim mani i go bek long ples, ol i ken gat lait

long haus, frisa na TV na ol arapela samting moa we i stap long taun.

Em i tok planti taim i kam, em i luksave olsem gavman i no stretim asples bilong em pastaim. Em i tingting long wokim mani hariap olsem na em i sanapim sapat na tingting bilong em long taun eria tasol we ol bikipela ovasis kampani bai i kam na stap long en.

Tasol Peter Jarchau i tok Papua Niugini em wanpela las kantri long wol we planti risoses bilong em i stap yet. Olsem gavman i mas tingting nau long sevim ol risoses i stap longpela taim moa o em i laik hariap na pinisim.

Rot bilong sevim ol risoses ya i stap longpela taim liklik em long larim ol manmeri yet i wok antap long graun na solwara bilong ol. Bikos ol bai kisim liklik inap long skel bilong ol long salim. Sapos bikipela kampani i go insait, bai ol i yusim ol bikipela masin bilong brukim bus na i ken pinisim ol risoses bilong PNG hariap insait long sotpela taim tasol, Mista Jarchau i tok.

Peter Jarchau em wanpela teknikel asisten grup bilong Jemeni we gavman bilong Jemeni i salim i kam long wok long PNG long kirapim na sapatim ol liklik projek we ol PNG manmeri yet i ken ranim.

Peter Jarchau i Projek Kodineta bilong Moma Kostal Fising Developmen Projek long Lae. Ol i save wok klostu wantaim ol nambis lain long Morobe na Madang provins long givim helpim bilong ranim pis projek na tu painim maket bilong ol asples i ken salim pis bilong ol long en.

## Sir Julius tokaut long stretim wok bilong Disasta na Imejensi Sevis

PRAIM Minista Sir Julius Chan i tok bai gat bikipela wok bilong stretim edministresen bilong Nesanel Disasta na Imejensi Sevis insait long kantri. Bikos i gat bilip olsem dispela komiti i no mekim gut wok bilong em.

Sir Julius i tok Minista bilong Stet, Arnold Marsipal i wok long lukluk long dispela.

Em i tok tu olsem i mas gat rijinol o provin-sal disasta atoriti i stap insait long ol provins long helpim ol manmeri long ol asples taim ol i bungim hevi.

Dispela i bihainim askim bilong rijonal memba bilong Is Sepik, Sir Michael Somare. Bikos samting komiti bin promis long mekim wantaim mani gavman i bin givim long helpim ol pipel bilong Sepik Wara taim ol i bin bungim hevi long bikipela hai wara long 4-pela mun i go pinis, i no bin kamap.

Sir Michael i tok komiti i no bin wokim wanpela samting long dispela K250,000. Praim Minista i bin givim tokorait long komiti long yusim dispela mani long helpim ol pipel long Sepik Wara.

Sir Michael i tok tu olsem komiti i no bin yusim dispela mani long helpim ol long kisim ol tenk wara long Madang i go long Angoram long sip. Bikos i nogat mani. Em i tok komiti i bin mauswara nating olsem ol bai givim moskito net bilong slip na kontena bilong putim wara. Tasol ol pipel i no kisim dispela helpim.

All departments  
Phone: 25-2500  
Fax: 25-2579

**WANTOK**  
Published Weekly, Thursdays, for  
**Word Publishing Co Pty Ltd**

Printed and published by Anna Solomon  
of Bittern Place, Gordons, at Allotment 2,  
Section 209, Spring Garden Road, Hohola,  
for Word Publishing Co Pty Ltd.  
General Manager and Company Secretary: Ian Fry  
Group Editor in Chief: Anna Solomon  
Editor of Wantok: Leo Wafiwa  
Acting Advertising Manager: Anthony Lilou

Advertising deadlines  
Display bookings: Monday, midday  
Camera ready copy: Tuesday, midday  
Classified advertising: Wednesday 2 pm

PO Box 1982  
Boroko NCD  
Papua New Guinea

Regional office:  
Suite Haus Tisa, Second Street  
Lae, P.O.  
Box 1726, Lae, Morobe Province  
Phone/fax 42-0618  
Phone: 42-1562  
District Manager: Alphonse Pu  
Papers distributed by air throughout PNG.  
Available by airmail subscription within  
Papua New Guinea and overseas.  
Austrian & New Zealand Representatives:  
Tonkin Media Pty Ltd  
PO Box 101 Avoca Beach NSW  
2251 Aust.  
Sydney, James Tokin, (043) 85 1746  
Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it seems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

# Planti ovasis lain rausim mani, olsem na kantri nogat mani

ELIZABETH LENY  
i raitim

TINGTING bilong karimaut wanpela wok painimaut long dispela hevi kantri i wok long bungim nau long nogat inap mani i no gutpela tumas. Bikos hevi ya i no bilong long taim. Praim Minista Sir Julius Chan i mekim dispela tok bihainim askim bilong Memba bilong Kagua Erave, Daniel Tulapi.

Mista Tulapi i laikim bai gavman i putim wanpela komiti husat i ken lukluk long dispela ol hevi kantri i wok long bungim. Em i tok gavman i mas tok stret long wanem samting i wok long kamap insait long kantri. Em i tok ol

pipel i gat rait long save wanem as bilong dispela ol hevi kantri i wok long bungim.

Mista Tulapi i tok aninit long lo bilong Mama Beng bilong Papua Niugini, Mama Beng i no ken larim mani we i mas stap insait long dispela beng long go daunbilo long mak bilong em. Bihainim dispela em i tok em i bilip olsem i gat sampela memba bilong palamen husat i bin abrusim sampela lo bilong beng. Na givim tingting long we bilong ranim Mama Beng.

Dispela Mista Tulapi i tok em wanpela as bilong kantri i sot long mani.

Bihainim dispela toktok, Praim Minista Sir Julius Chan i tok dispela em i no gutpela

tingting. Bikos Mama Beng i gat olgeta ripot bilong em long olgeta wok bilong em. Na sapos husat i laik save long wok bilong Mama Beng, ol i ken kisim long Mama Beng yet. Em i tok Mama Beng i save lukautim olgeta bisnis beng insait long kantri. Na save tokim ol long wanem samting ol i mas na noken mekim.

Sir Julius i tok tripela yia i go pinis, Mama Beng i bin mekim foren eksens em mani bilong ol narapela kantri wantaim mani bilong PNG long stap fri. Bihainim dispela, beng i tokorait long mani inap long K500,000 long lusim kantri long wanwan yia. Em i tok dispela i no as bilong mani i sot

long kantri.

Hevi kantri i wok long bungim nau, em i tok i bihainim mani save lusim kantri na go aut. Dispela ol lain husat i save rausim mani go aut em ol manmeri bilong ovasis kantri wantaim ol bikpela bisnis manmeri.

Em i tok sampela lain i rausim mani long wanem ol i nidim mani. Na sampela em i tok long wanem kankain toktok i save kamap na mekim ol pret. Dispela kain ol toktok olsem kina i nogat moa strong bilong em. Em dispela kain ol toktok i save pusim ol long rausim mani bilong ol i go long ovasis.

## Narokobi laikim komisen was long ol beng

AGRIKALSA na Laipstok minista, Bernard Narokobi laikim olsem gavman i mas putim kamap wanpela Ombudsmen Komisn long was long ol komesel beng na wok bilong ol.

Dispela tingting, Mista Narokobi tok, i gutpela bikos Papua Niugini wok long go insait long wok bilong fri tred. Na ol pipel i mas kisim gutpela helpim i kam long ol komesel beng insait long kantri.

Mista Narokobi putim kamap dispela askim taim em i toktok bihainim 1993 ripot bilong Papua Niugini Benging Koporesen (PNGBC) we Fainens na Plening minista na namba tu Praim Minista, Chris Haiveta i givim long palamen.

I tru olsem PNGBC i gat brens long olgeta provins. Na tu dispela beng em i beng bilong ol pipel bilong Papua Niugini. Tasol sampela brens bilong PNGBC pas bikos long raskol na bikhet pasin.

Minista Narokobi tok em i no amamas long plen o tingting bilong bungim PNGBC na Rurel Developmen Beng (RDB) i kam aninit long wanpela ambrela. Long wanem, sapos i gat sampela asua o hevi kamap long ol rekot bilong PNGBC, wankain samting bai kamap long ol rekot bilong RDB. Bikos tupela beng wantaim i kam aninit long wanpela menesmen.

## Rifom bil no tingim Bogenvil Trensese nel Gavman

BOGENVIL Trensese nel Gavman (BTG) bai no inap i gat ligel faundesen long stap taim palamen i givim tokorait bilong em long rifom bil bilong kamapim senis lo we i karamapim lo bilong provinsal gavman sistem insait long kantri.

Sapos palamen i givim tokorait long dispela rifom bil, dispela nupela lo bai karamapim Bogenvil bihain long 1997 nesenele ileksen. Tasol dispela bai bagarapim o egensim ol toktok na samting we nesenele gavman i kamapim namel long em yet na Bogenvil Trensese nel Gavman long bihain taim bilong Not Solomon Provins.

Bihainim hevi we i wok long stap yet long provins (Not Solomon), ol samting we rifom bil i toktok long mekim o kamapim insait long provins bai no inap wok gut.

Ol dispela samting i stap insait long

wanpela ripot bilong Palamentari Riferel Komiti bilong Jastis (PRCJ) we siaman bilong komiti na memba bilong Lufa, Mathias Karani givim long palamen aste Trinde, Jun 21.

Ol lo na samting we i kam aninit long rifom bil, PRCJ i tok, i no lukluk gut long wok bilong kamapim pis na gutpela sindaun we i wok long go het nau long Bogenvil. Bikos BTG i bin kamap aninit long tupela bikpela astingting. Dispela tupela astingting i stap insait long Mirigini Sata bilong Novemba 1994.

Dispela tupela astingting em: (1) Stretim hevi namel long ol pipel bilong Bogenvil (2) BTG long paitim toktok na stretim ol samting wantaim nesenele gavman long bihain taim bilong Bogenvil.

Sapos palamen i holim namba tri riting na tokorait long dispela rifom bil na i kamap lo, dispela nupela lo i bai

kamapim hevi long Bogenvi long tupela bikpela we o rot. Dispela tupela rot em: (1) lige! faundesen bilong BTG bai bagarap taim nupela lo i kamap. Maski rifom bil i saspenim operesen bilong en i go inap long 1997, em i no sevim operesen bilong ol ligel samting we i kam aninit long BTG i no inap long 1997. Samting tru olsem rifom bil bai rausim Ogenik Lo bilong Provinsal Gavman na olgeta provinsal konstitusen.

Namba tu (2) rot em: Nupela lo o sistem bai bagarapim ol samting we nesenele gavman i paitim toktok na stretim pinis wantaim BTG long bihain taim gavman bilong Bogenvil. Bikos dispela samting i stap insait long Mirigini Sata we Praim Minista, Sir Julius Chan i sainim na Nesenele Eksekutiv Kaunsil (NEC) i tokorait long en.

## Supanuesen Fan no lukautim gut pablik sevan mani

RIJONAL Memba bilong Wes Sepik na Vais Minista bilong Fainens, John Tekwei i tok insait long wanpela ripot bilong em i go long Palamen long dispela wik Mande olsem Pablik Opisas Suparunuesen Fan i no bin mekim gutpela wok long helpim ol pipel bilong dispela kantri.

Em i tok wok bilong dispela ol lain em long helpim ol pablik sevan, ol lain husat i wok aninit long ol gavman ejensi, ol plisman na ol CIS opisa.

Em i tok taim dispela Menesing

Dairekta bilong nau i kisim opis long pinis bilong yia 1990 na makim ol eksekutiv bilong em, i nogat wanpla gutpela wok i bin kamap. Em i tok administresen bilong ol i no mekim gutpela wok. Na tu i bin gat planti ol lain husat i wok i no bin gat gutpela trening long mekim wok bilong ol.

Em i tok tu olsem i no bin gat gutpela plen bilong yusim mani. Na tu i no bin gat gutpela rekot bilong wok ol i mekim. Dispela ripot i karamapim ol wok bilong 1988 i kam inap long yia 1992.

Bihainim dispela ripot, Mista Tekwei i bin givim tu wanpela ripot long wok bilong Rurel Developmen Beng bilong Papua Niugini, em bipo ol i save kolim Agrikalsa Beng.

Mista Tekwei i tok dispela beng i bin mekim samting olsem K3.7 milien i lus mani. Dispela i bihainim sampela wok ol i bin mekim long helpim ol bikpela ks krop olsem kakao na kopi.

Long stretim dinau bilong dispela ol samting.

## ASKIM LOKOL STUA BILONG YU

- Strongpela sop bilong klinim ol samting
- Bilong wasim ol klos, wok bilong haus kuk na tu ol arapela wok na samting



Wanpela sop tasol we yu ken yusim long solwara !!

- Gutpela na strongpela na i ken stap .ongpela talm.
- Isi long yu ken klisim

Distributed by  
**CBChee** LAE: 42 1333 HAGEN: 52 1579  
Bilong Holsel Seving



# WANTOK

NIUSPEPA BILONG OL PAPUA NIUGINI STRET

## Sir Julius traim hat yet

Palamen i sapos long holim namba tri riting long rifom bil long Mande, Jun 20. Tasol nogat wanpela samting i kamap. Orait aste Trinde, taim kuskus bilong palamen i ritim toksave bilong paitim toktok na holim namba tri riting, Lida bilong Gavman Bisnis long Palamen na Agrikalsa na Laipstok ministra, Bernard Narokobi surukim taim bilong holim namba tri riting i go long bihain taim long dispela bung bilong Palamen.

Ol tokwin i kam long gavman na oposisen wantaim i tok olsem Praim Minista, Sir Julius Chan i wok long traim hat yet long kisim bikpela sapot i kam long tupela sait wantaim (gavman na oposisen) long holim namba tri riting.

Dispela rifom bil, gutpela o i no gutpela, i stap long han na bel bilong wanwan memba bilong palamen. Ol memba yet i mas skelim na glasim dispela bil. Na givim politikel sapot i go long Sir Julius long palamen i ken holim namba tri riting. Long wanem, sapos Sir Julius i no kisim bikpela politikel sapot, em bai no inap putim kamap dispela rifom bil long holim namba tri riting.

Long nau yet, ol samting i no klia yet. Bikos oposisen i no givim gutpela ansa long sapotim dispela bil o nogat. Na tu sampela memba long gavman sait i no tok stret ol i sapotim bosman bilong ol Sir Julius o nogat.

Wok i stap nau long Sir Julius. Sapos em i laki, palamen bai holim namba tri riting na tokorait long dispela rifom bil. Sapos em i no strong, i luk olsem namba tri riting bai no inap kamap long dispela bung bilong palamen.

# Togel tok wok bilong painim gutpela sindaun in no isi

ROT bilong painim gutpela sindaun i no pasin bilong sekan, kaikai buai, brukim bunara na supia na kilim pik tasol. Nogat ya. Planti moa samting i kam aninit long dispela rot.

Em ol samting olsem lukluk long ol developmen we bai karamapim laip bilong ol famili long kainkain we.

Dispela em hap toktok i kam long kodineta bilong Bogenvil Pis Komite, James Togel, bihain long Bogenvil Trengisanel Gavman (BTG) i kirapim bek komiti long go hetim wok bilong em long ailan. Bikos long las yia yet, olpela ministra bilong Stet na Bogenvil Afeas, Michael Ogio i bin pinisim komiti ya na wok bilong em.

Mista Togel i tok wok bilong pis komiti i no isi. Tasol ol distrik pis komiti we ol i kirapim tu long wanwan distrik long Bogenvil bai helpim komiti bilong em long go hetim strong wok bilong painim gutpela sindaun i go bek long ailan.

"Namba wan wok bilong mipela em long painim gutpela sindaun. Dispela em ast-

### VERONICA HATUTASI i raitim


ingting bilong kirapim BTG, "Mista Togel i tok.

Tasol pastaim, ol i mas glasim ol bikpela hevi long wok developmen, bipo long trupela gutpela sindaun i pun-daun antap long Bogenvil na ol pipel.

Nau yet laip na sindaun long Bogenvil i stap isi na gutpela tasol. Nogat pait i kamap namel long ol grup insait long ailan.

Mista Togel i amamas long dispela na givim bikpela tok amamas i go long ol memba bilong Bogenvil Revolusinari Ami, ol resisten paitman husat i bin helpim sekyuriti fos long pait egens ol rebel paitman, ol sief, pipel na grup bilong ol meri na yut long gutpela sindaun we i stap long ailan long dispela taim.

Em i tok long nau ol yangpela pipel, maski ol i lain BRA na resisten grup, ol i wok gut wantaim ol sief, ol sios, meri na yut grup na sekyuriti fos memba long lukim olsem gutpela sindaun i kamap long wanwan distrik long Bogenvil.



James Togel

Na dispela em i gutpela mak we em i laikim gavman, ol sios grup na husat moa i gat laik long helpim hevi long Bogenvil i pinis long sapotim.

"Mipela yet ol pipel bilong Bogenvil i bin statim hevi long ailan. Olsem na mipela yet i mas wokhat long pinisim dispela hevi," Mista Togel i tok.

Tasol em i tok moa olsem sapot i mas kam long gavman na ol arapela grup moa, husat i laik helpim stretim sindaun long ailan.

Long wankain taim tu, ol sief bilong Sentrel Bogenvil nau i singaut strong long ol BRA lida long kam aut long

ples klia na helpim wantaim wok bilong kamapim gutpela sindaun. Mista Togel i tok pasin we Damien Damen kago kalt na wanpela strongpela memba bilong Edvaiseri Kaunsil bilong Francis Ona ol (Bogenvil Interim Gavman) i mekim long lusim kaunsil i soim long ples klia olsem sampela belhevi i stap namel long ol top lida bilong BRA.

I gat ripot tu olsem Francis Ona yet i bin rausim Mista Damien long Bogenvil Interim Gavman.

"Em i tru ol man i no wanbel long sampela samting, tasol sapos laip na sindaun na ol samting i go gut olsem long nau, gutpela sindaun bai kamap long olgeta hap long Bogenvil long pinis bilong dispela yia," Mista Togel i tok.

Long askim bilong kirapim bek ol bikpela wok bisnis olsem maining, loging na fishing, Mista Togel i tok em i no longpela taim i go pinis bihain BTG i kirapim wok. Olsem na dispela bai kisim taim long em i kamapim ol gutpela ikononik polisi we, bai ol pipel bilong provins i ken go insait long ol wok bisnis.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
telepon Namba: 25 2500  
Feks Namba: 25 2579

**PE BILONG  
WANPELA YIA  
52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

## Tenge em nupela kot majistret long ailan

### ALOYSIUS SAMI i raitim


I GAT nau nupela sinia kot mejistret long Bogenvil. Man ya em Francis Tenge bilong Wes Nu Briten provins.

Mista Tekei i kisim ples bilong sinia kot mejistret long Buka, Jacob Toroken, husat i bin pinis long wok bilong em long tupela wik i go pinis.

Mista Toroken i gat 65 krismas na i bilong ples Malasang long Buka. Em i bin holim wok olsem

mejistret long 24 yia olgeta. Na i bin lukautim olgeta wok bilong kot long lokol na distrik level wantaim. Mista Toroken i pinis long wok bihainim toktok bilong ol dokta long Rabaul na Sohano, husat i tokim em long kisim malolo long ples.

Bikos em i gat sik long bodi bilong em. Wanpela seremoni i bin kamap long Buka long Fraide Jun 9 long makim henova tekova seremoni we, Mista Tenge i tekova.



Laip i kamap gutpela gen na ol mama i salim kaikai long Buka maket.



## Bogenvil primia go long Australia kibung

PRIMIA bilong Bogenvil Interim Gavman Theodore Miriung i lusim Bogenvil long dispela wik long stap insait long wanpela bung long Kenbera, Australia.

Mista Miriung i no makim provins olsem primia long dispela bung. Em i go olsem wanpela memba bilong Nasioi Kaunsil bilong ol Sief long Not Nasioi Pis Komite insait long Sentrel Bogenvil we em i siaman. Em i go long askim bilong Australian Nesenel Yunivesiti (ANU), husat i save holim bung

bilong ol long olgeta yia. Wanpela samting ol bai paitim toktok long en em long ol hevi wok go het nau long Bogenvil ailan.

Mista Miriung bai toktok long hevi long Bogenvil, na wanem ol wok kamap i go het long bringim gutpela sindaun i go bek long ailan. Memba builong Kunua Keriaka, Gerard Sinato i bin go wantaim Mista Miriung long dispela bung. Tupela bikman bai kam bek long Papua Niugini dispela wiken long Sande Jun 25.

## 5-pela Is Sepik ailan kisim komyuniti gavman

FUZO PAUL i raitim

FAIPELA (5-pela) liklik ailan insait long Is Sepik provins em ol i kam aninit long Suten Ailan konstituensi long Is Sepik Provinsal Asembli kisim pinis komyuniti gavman sistem.

Dispela 5-pela ailan ya em Koil, Vokeo, Ruprup, Kadawar na Biem. Na seremoni bilong 10-pela kaunsela husat i makim dispela 5-pela ailan i bin kamap long June 8 long Biem ailan.

Ol pipel i amamas long kisim dispela nupela sistem bilong gavman. Tasol planti tokaut olsem ol i no save long dispela nupela gavaning sistem.

Ol i tok provinsal gavman na ol lain husat i go pas long kamapim dispela senis i no karim aut inap o bikipela awenes progrem long skulim na kliam tingting bilong ol pipel. Na

tok klia gut long dispela nupela senis.

Ol pipel bilong Suten Ailan konstituensi tokaut olsem planti bilong ol i no save gut yet long dispela nupela senis. Olsem na ol bikman bilong gavman i mas i go kamap long ol ples na komyuniti na stori na toktok na tok klia long ol pipel. Tasol ol i tok ol i gat bilip olsem nupela senis na sistem bai helpim long stre-tim sampela hevi bilong ol.

Presiden bilong Suten Ailan komyuniti gavman na tu memba na Spika bilong Is Sepik Provinsal Asembli, Greg Gibai tokim ol pipel bilong em olsem dispela nupela sistem i mas traim long helpim olgeta pipel.

Mista Gibai askim ol memba bilong komyuniti gavman long yusim gut liklik mani gavman i givim long kirapim ol projek we bai helpim ol pipel bilong Suten Ailan. Na i askim ol pipel long wokbung wantaim komyuniti gavman bilong ol.

## Taim bilong salim meri long man



• Tupela meri bilong ples Tolu long Banz, Western Hailans i bilas long tumbuna pasin stret. Long lephan em Dalam na Josepha i redi long salim wanpela pikinini meri bilong tupela. Long kastom bilong ol meri Wagi, taim wanpela yangpela meri i marit, ol lain bilong em i save bilas long salim em i go long lain bilong man. Foto: Michael Monda.

# Lae Is na Wes pipel no kisim olgeta CIP mani

YAKAM KELO i raitim

MOA long 300 manmeri insait long Lae Is na Lae Wes konstituensi i holim straik long Morobe provinsal gavman long Konstituensinel Impruvmen Progrem mani bilong ol.

Ol dispela manmeri i kisim tasol K15,000 na i no K100,000.

Long 1995 Konstituensinel Impruvmen Progrem (CIP) bilong Morobe provins, wanwan provinsal memba i kisim K100,000 long konstituensi bilong ol.

Tasol dispela tupela konstituensi insait long Lae siti em Lae Wes na Lae Is i kisim K15,000. Long dispela as, ol manmeri bilong tupela konstituensi ya i holim straik i go long opis bilong Morobe provinsal gavman na askim Primia Titi Christian na seketeri bilong Morobe Dipatmen, Aine Sengero long dispela mani.

Primia Titi Christian na seketeri Aine Sengero i no bin go ausait long opis na bungim ol pipel. Na tokaut long wanem as ol i rausim K85,000 bilong ol.

Provinsal memba bilong Lae Wes, Marion Liawong i bringim ol pipel bilong em i go long lukim primia na seketeri.

Mista Liawong i tokim Wantok olsem em i laikim ol pipel yet i kam na primia na seketeri bilong

Morobe i ken tokim ol. Bikos em i save tokim ol pipel tasol ol i no save bilipim em.

Mista Liawong i tok i nogat gutpela as tru long primia na seketeri i mekim olsem long CIP mani bilong tupela konstituensi ya. Olgeta memba i kisim K100,000 bilong ol na Lae Is na Wes olsem wanem, memba i askim.

Mista Liawong i tok primia i noken tok olsem em i givim K1.3 milien i go long Lae Siti Atoriti (LCA) long lukautim tu ol wok insait Lae Siti. Bikos Lae Wes na Lae Is i no save kisim sevim bilong LCA.

Em i tok primia na seketeri i noken tok olsem ol i tromoi K80,000 i go long wokim haus lotu bilong Resereksen n Sios long Lae taun. Bikos dispela projek i nogat ripot o baset bilong em.

Ol mama husat i makim wanwan projek eria bilong ol meri insait long Lae i tok tu olsem ol i gat planti wok bilong ol mama i stap tasol i no gat mani bilong ranim.

Wanpela mama husat i no laik tokaut long nem bilong em i tok ol mama i gat wok bilong samap,

kukim kaikai na wokim flaua, skul bilong lainim gutpela helt na arapela moa i stap. Tasol olgeta taim ol i askim long helpim mani, provinsal gavman i save tok nogat mani. Olsem na wanpela rot ol i ken kisim helpim em long dispela CIP mani bilong ol we memba i ken skelim long ol wok bilong ol.

Pasto Bonny Sinako i tok mipela i save makim ol lida long ileksen taim long karim hevi bilong mipela. Olsem ol i mas wok long sevim ol pipel na stre-tim ol hevi bilong komyuniti.

Pasto Sinako i tok nau ol i gat ripot pepa i stap yet askim long helpim bilong gavman long mekim wok. Na nau provinsal gavman i skelim dispela K15,000 long ol pipel bilong Lae Is na Lae Wes, dispela mani i no inap tru long inap olgeta wok projek bilong ol.

Insait long liklik mini baset bilong Morobe provinsal gavman long las wik, primia i tokaut olsem bai ol pipel bilong Lae Wes na Lae Is i kisim narapela K25,000 antap long K15,000 we ol i bin kisim pinis. Dispela bai kamap olsem K40,000 olgeta. Tasol ol pipel bilong Lae Wes na Lae Is bai askim yet long narapela K60,000 bilong ol bikos olgeta konstituensi i bin kisim K100,000.

# Plis supavisen kos kamap long Wewak

NAMEL long Jun 5 na 16 wanpela Polis Supavisen kos bilong ol polisman i bin kamap long Wewak.

Dispela kos i stap inap long tupela wik. Na 20 polisman, 14 long Wewak taun na 16 long ol aut stesin, insait long Is Sepik provins i bin kamap na stap insait long dispela kos.

Wanpela polis edvaisa bilong wanpela oganaisesen long Australia ol i kolim Australian Intanesenel Developmen Asistens Biro (AIDAB), i oganaisim na ranim dispela kos. Nem bilong dispela AIDAB polis edvaisa ya em Wane Stinger.

Long dispela tupela wik kos, dispela 20 plisman i lainim na kisim skul long menesmen, supavisen, lidasip na pablik rilisen.

Provinsal Fainens na Plening minista, Laura Martin i givim toktok na givim setifiket i go long dispeia 20 plisman long pinis bilong kos.

Long toktok bilong em, Misis Martin i putim kamap wanpela bikipela askim i go long dispela 20 polis long yusim ol save ol i kisim long dispela kos long wok bilong ol.

Em i askim ol tu long yusim dispela save ol i kisim long wokbung wantaim ol arapela wanwok bilong ol. Dispela em long helpim na sapotim wanpela na arapela long karim aut wok bilong lo na oda insait long

provins na komyuniti bilong ol.

Bosmeri bilong wanpela non gavman oganaisesen insait long provins ol i kolim Women Against Violence, Rebecca Alman tu i makim ol meri na toktok long pinis bilong dispela kos.

Misis Alman, long toktok bilong em, i askim ol plisman long karim aut wok bilong ol. Na lukim ol meri no ken bungim hevi long pasin nogut bilong ol man bilong ol na tu ol arapela pipel.

## Rurel developmen prosek kamapim nau aweanes woksoy long Simbu

VERONICA HATUTASI  
i raitim

OL komyuniti aweanes woksoy i kamap nau long ol pipel bilong Not Simbu distrik. Dispela em long painimaut wanem helpim ol pipel insait long ol komyuniti i laikim long go hetim gut developmen insait long wanwan eria bilong ol.

Dispela i kamap bhain tasol long ol i oraitim Not Simbu Rurel Developmen Prosek Implimentesen Dokumen (PID) long go hetim ol wok prosek long provins.

Intanesenel Developmen Staf Sevis (IDSS) i go pas long ol dispela woksoy. Ol i kisim sapot long go hetim ol aweanes na wok progrem long komyuniti na ol wokman meri bilong Prosek Kodineting Yunit long provins yet.

Orait, IDSS i bin laikim bai ol pipel i klia gut pastaim bipo

ol i go hetim PID progrem. Bikos ol i laik givim helpim long eria we ol pipel i laikim tru helpim.

Not Simbu Prosek i bilip olsem long ol developmen prosek na ol arapela kain prosek insait long ol rurel eria long go het, ol i mas sindaun na toktok pastaim wantaim ol pipel. Long wanem ol dispela samting bai i karamapim laip na sindaun long ol na ol pikinini bilong ol long bhain taim.

Dispela kain woksoy na rot we ol i laikim ol pipel i stap insait long ol toktok pastaim bipo long prosek i go het i gutpela bikos ol pipel i gat sans long autim tingting bilong ol long ol samting we bai i karamapim laip na sindaun bilong ol.

Kain rot i gutpela na ol pipel long Simbu husat i bin stap long ol progrem ya i laikim ol lida long nesenel level long bhainim.

## TU MINIT TINGTING

LONG olgeta de yumi save bungim kainkain rot yumi mas bihainim. Yumi save skelim kain kain rot na nau yumi go bihainim dispela yumi laikim.

Em i lo bilong laip.

Long Matyu 7:13.14, Jisas i givim dispela skul long yumi: "Yupela mas go insait long liklik dua. Dua i go long ples bilong lus, em i bikpela. Na rot i go long dispela ples em i op tumas na em i isi long bihainim. Na planti manmeri i save bihainim dispela rot. Tasol dua i go long ples bilong kisim laip, em i liklik tru. Na rot i go long dispela ples em i hat tru long bihainim. Na wanwan manmeri tasol i save lukim na bihainim dispela rot."


Yesa, i gat tupela rot na tupela dua long laip bilong yumi. I gat hatpela rot na rot i isi tumas. Manmeri i bihainim rot i isi tumas, em i no save kisim nem na namba na kamap bikman. Nogat. Olgeta pawa na save na namba i kamap long rot bilong wok tasol. Manmeri

i sindaun nating na i no taitim bun, em bai ros i stap. Yu lukim ol manmeri bilong spot. Ol sempion em ol man na meri husat i taitim bun na i no sindaun nating. Spotman o spotmeri i kisim save na masel long hatwok bilong em. Em i lo bilong win, lo bilong kamap nambaman na nambameri.

I gat tupela rot yumi inap bihainim: sotpela rot o longpela rot.

I no gat sot kat. Yumi inap kisim eksampel long man o meri i trening long kamap jonalis o manmeri bilong raitim nius na ol stori. Man o meri i skul long raitim stori o nius, em i no inap raitim gutpela tok namba wan taim. Nogat. Em i mas stretim pasin rait bilong em, na rausim olgeta mistek na tok nating, na yusim kain toktok i sut stret long mak. Sampela jonalis i save raitim nius stori bilong em inap long 10-pela taim. Em nau! Em i pasin bilong jonalis i laikim wok bilong em.

Gutpela jonalis i save pinis, em i no inap raitim stori bilong em



FRANK MIHALIC i raitim

wanpela taim tasol. Nogat. Gutpela wok i save yusim planti taim na i mas gro isi isi tasol. Sayor i gro hariap, em i karim lip tasol; na aninit long graun em i no karim kaikai. Long dispela na yumi no inap groim gutpela poteto o bitrut o karot long nambis bilong PNG. Bai em i gro hariap tumas

na em i karim planti lip; tasol em i no karim kaikai tru. Olsem tasol long laip bilong yumi, yumi no inap kamap gutpela manmeri insait long sotpela taim tasol. Nogat. Em i wok bilong longpela taim.

I gat tupela kain rot moa bilong bihainim: rot bilong saveman na rot bilong longlong man. Yu laik kisim wanpela samting hariap tasol? O yu laik wet na kisim samting i gutpela moa moa yet? Yu laik winim ten toea nau tasol? O yu laik wet inap wanpela yia na kisim ten kina olgeta? Yu laik kaikai 10-pela pinat nau tasol? O yu laik plantim ol na kisim wanpela bilum pulap long pinat bihain long 6-pela mun? Laik bilong yu. Yu laik wok long kisim amamas inao oltaim long heven? Laik bilong yu.

Nau mi laik pinis wantaim tupela tok i kam long Olpela Tesamen. Long buk Lo 30:15-19, Moses i skulim ol Israel olsem: "Nau mi soim yupela tupela rot. Sapos yupela i bihainim wanpela rot,

yupela bai kisim gutpela laip tru, na bai yupela i stap gut oltaim. Na sapos yupela bihainim narapela rot, bai yupela i kisim taim nogut na bagarap na bai yupela i dai. . . . I gat rot bilong stap gut na rot bilong indai. Orait, yupela i mas makim wanem rot yupela i laik bihainim."

Long Jeremaia 21:8, God i givim dispela tok long profet: "Mi Bikpela, mi tok olsem: nau mi soim yupela tupela rot. Narapela em i rot bilong laip na narapela em i rot bilong indai. Yupela bai bihainim wanem rot?"

Long olgeta de God i save askim yumi tu: "Yu laik bihainim stretpela rot o rot krungut? Yu laik mekim wok isi tasol, o yu laik taitim bun? Yu laik sut long liklik profit bilong tude, o bikpela profit bai kamap bihain long smapela yia? Gol bilong yu em i dispela laip, o em i gutpela laip inap oltaim long heven? Laik bilong yu. Yu no ken sanap nating, yu mas muv, yu mas bihainim wanpela rot.

## Yunaited Sios bai amamasim 200 yia bilong LMS



● Ol Godens Yunaited sios mama i amamas long bilong ol long Murray Bareks, Mosbi. Dispela em long taim ol i bungim mani na givim long sios. Ol bai kamap gen long bikpela amamas long Sir John Guise stadium.

NAMBA 2 de bilong mun Julai, 1995 bai makim 200 yia bilong London Misinari Sosaiti (LMS) i kirapim tru wok bilong em.

Long makim dispela de, Kaunsil bilong Wol Misin (CWM) bai go hetim ol selebren long ol kantri we wok o opis bilong ol i stap long en.

Hia long Papua Niugini, Yunaited Sios bilong PNG na Solomon Ailans bai makim 200 yia bilong LMS wantaim bikpela lotu long bikmoning. Lotu bai kamap long Ela Yunaited Sios.

Bihain long 10 klok moning, bikpela lotu na selebren bai kamap long Sir John Guise Stadium long Waigani.

Yunaited Sios long Mosbi i fomim pinis wanpela ogena-ing komiti long lukautim ol samting we bai kamap long dispela de.

### VERONICA HATUTASI i raitim

Stori bilong LMS

LMS i bin karim lotu i kam long PNG long 1872. Ol misinari bilong Saut Pasifik olsem Samoa, Tonga, Kuk Ailans na Fiji i bin kam olsem long Westen na Sentrel provins.

Isi isi James Chalmers na W.G. Lawes i kisim wok misin i go long ol arapela hap bilong Papua. George Brown i bin kisim lotu i go long Is Nu Briten na Nu Ailan.

Wantaim sampela misinari na tisa bilong Fiji na Samoa, Dokta George Brown i bin sindaun long ol ailan bilong Duk ov Yok. Na bihain ol i karim Tok bilong God i go long ol arapela hap bilong Nu Briten na Nu Ailan.

Sios i bin kirapim wok long Westen Solomons bilong

Solomon Ailans long 1902. Long hap, ol misinari i karim lotu i go long Bogenvil na Buka Ailan.

Long 1950, tripela distrik bilong Metodis Sios i bin kirapim misin long Sauten Hailans. Na long Janueri 1968, Yunaited Sios bilong PNG na Solomon Ailans i kamap.

Olsem na ol sios memba long PNG na Solomon Ailans wantaim bai bung long amamasim 200 yia long kamap bilong lotu na wok bilong Kaunsil bilong Wol Misin Patnasip long Sande Julai 2, 1995.

Long London we hetkwata bilong Kaunsil bilong Wol Misin i stap, ol bai wokim tripela de amamas long tingim 200 yia wok bilong LMS wantaim wokbung bilong ol.

## Ol Katolik sios laik statim sosel spot

### EDDIE SAUNDERS i raitim

OL yangpela manmeri bilong Katolik Asdaiosis long Mosbi i paitim toktok nau long statim wanpela kain sosel spot bilong ol.

Las wik long Sande Jun 18, olgeta Katolik yut insait long Mosbi siti i bung long pilai graun bilong Hohola peris na pilaim kainkain gem.

Tasol tingting bilong ol i moa long sosel gem tasol. Ol spot komiti bilong Mosbi Asdaiosis Katolik Yut Kaunsil i tingting strong long tanim dispela ol pilai i go long pilai resis o kompitisen. Nem bilong dispela resis em ol i toktok yet long en.

Wanpela yangpela meri i go pas long dispela tingting. Meri ya em siameri bilong Yut kaunsil Spot Komiti, Ms Helen Bomena, na em i bilong Hohola Katolik Yut Grup.

Helen i bilong Rigo long Sentrel provins. Em i gat dri-man long bringim ol yut wantaim olsem grup long kristen yut spot feloship. Siaman bilong Katolik Yut Kaunsil, Daniel Mona i sapotim tingting bilong ol yut bilong em long kolim miting bilong skelim kaikai bilong tingting ya.

Ol Katoli yut i wok long paitim toktok nau long mekim dispela tingting i karim kaikai. Las wik long Fonde June 15 long nait, ol i holim wanpela miting long Gerehu peris.

Plantu gutpela tingting i bin kamap insait long dispela miting. Wanpela plisman husat i stap insait tu long komiti bin stap long dispela

miting. Nem bilong dispela man em Jay Jay, na em i bilong Waigani Peris. Mista Jayi toktok long sapotim ol yut long dispela tingting. Em i toktok pinis wantaim sampela praivet bisnis kampani long sapotim ol yut.

Stat long las Sande na long olgeta wik, bai ol yut i go pilai raun long wanwan peris insait long Mosbi.

Ms Helen i tok ol yut long wnawan peris bai i no inap pilai resis long winim sil o tropi. Nogat. Ol bai bung tasol na fomim ol tim long pilai. Na tu bai ol lukluk na makim ol gutpela pilai long soim stail long siti pilai resis.

Em i tok olsem dispela ol pilai raun bai redim ol yut long bikpela spot de bilong Katolik yut long Mosbi Asdaiosis, we i save kamap long mun Novemba long olgeta yia.

Siaman bilong Katolik yut kaunsil, Mista Mona i amamas tru long dispela tingting bilong ol yut. Em i tok em i amamas tru bikos pilai o spot bai bringim planti yangpela manmeri bilong sios insait long siti i kam bung wantaim na save long ol yet. Na tu dispela bai givim sans long ol long lainim gutpela pasin na kamap gutpela manmeri bilong kantri.

Mona i tok olsem em i lukim ol yut grup insait long ol sios i save bung wanwan wantaim tasol. Dispela em long ol taim bilong lotu o taim kos o woksop bilong yut i kamap. Olsem na em ting spot ating bai pulim ol yangpela i bung wantaim klostu klostu.

## Ol Siassi mama givim basket presen long Kaiapit

### PAULUS TALI i raitim

OL mama long Evenjelikel Luteran Sios (ELC/PNG) na arapela sios i gat planti kain kan wok bilong mekim.

Long las wik Sande 18 Jun, 1995, ol mama bilong Ridima paris long Siassi Kompaun long Lae i bin bung wantaim ol mama bilong Topmara paris long Kaiapit distrik. Ol i bin sensim basket na presen mani i go long ol mama bilong Hensi kongrisesen long Kaiapit.

Ol i tok long dispela pasin bilong ol mama long narapela paris i bung wantaim arapela mama na serim ol presen na tingting i bilong helpim ol mama long wok bung na sapotim narapela long wok bilong ol.

Hetmeri bilong Siassi Kompaun, Wendy Kaile i tok mipela i mekim dispela pasin long soim sapot na wok bung bilong mipela ol mama long go het.

Em i tok tu olsem ol i bin sensim basket na givim mani long ol mama long Hensi kongrisesen. Mak bilong mani i bin kamap olsem K424. long helpim wok bilong ol mama Topmara paris.

Mausmeri bilong Hensi kongrisesen, Ruthy Peter i tok em i amamas tru long dispela pasin ol mama long Siassi i kam mekim long ol. Em i tok dispela em wanpela rot ol mama i kamapim we i soim gutpela piksa bilong pasin bung wantaim na sapot long arapela we ol mama i mas kamapim.

Samting olsem 36 Siassi mama olgeta bilong Topmara paris long Hanta. Lae i bin go long dispela raun bilong senisim basket.

Hetmeri bilong Siassi mama i tok ol i bin raun pinis long 7-pela ples na dispela em namba 8 ples ol i raun kamap long en. Ol ples ol i raun pinis em; Yorus long Ridima paris, Gingala ples long Finsafen distrik, Ampan seket Kaiapit, Sangan seket Kaiapit, Hingali ples Butibam Lae, Ampo mama Lae, mama grup long 9-Mail Lae na nau long Topmara paris long Kaiapit.

Mista Kailey i tok ol papa tu i mas luksave long dispela kain wokabaut raun bilong ol mama na sapotim ol long wokabaut wantaim ol. Dispela inap strongim ol mama long bung wantaim moa mama long olgeta hap bilong Morobe provins na tu long ol ausait provins.

## Man PNG em nupela presiden bilong Caritas Osenia

### VERONICA HATUTASI i raitim

DAIREKTA bilong Katolik Komisen bilong Pis na Jastis na Caritas (CCPJ) PNG, Ludger Mond olsem presiden bilong Caritas Osenia.

Caritas Osenia em i nupela han bilong Caritas Intanesenelis (CI) long wol. Na em i kamap namba 7 han long CI long wol.

CI em i stap wok long 7-pela rijon long wol wantaim 156 memba kantri, we i gat CI han i stap wok insait long wol. Dispela em iong ol hap olsem long Yurop, Afrika, Mona (we i karamapim ol kantri long Not Afrika na Midel Is), Not Amerika, Saut Amerika, Esia na nau long Osenia.


Pastaim Osenia i stap olsem hap bilong Esia rijon.

Long planti yia, ol kantri bilong Osenia we i gat long em Australia, Nu Silan na 21 ailan kantri long Pasifik i tok strong long Osenia i kamap olsem wanpela rijon bilong em yet.

Bikos Esia em i bikpela rijon tumas. Olsem na planti taim wari bilong ol Osenia kantri i no save kamap long ples klia long ol i lukluk, na wari bilong ol Esia kantri tasol i save aut long ol bung long lukluk long ol.

Mista Mond i kisim gutpela sapot long kamap presiden bilong Caritas Oceania.

Orait, Caritas em i Rilif helpim bodi bilong Katolik



• Mista Mond tok em bai wok strong long karim maus na wari bilong Osenia rijon.

Sios long wol. Em i save givim helpim long ol trangu lain na pipel taim ol i bungim bagarap long bikpela tait o haiwara, maunten paia, bikpela raunwin, guria na ol arapela birua bilong graun. Grup save helpim tu ol pipel husat i bungim hevi long taim bilong pait.


Tasol long nau, Caritas i helpim tu long kamapim ol developmen program insait long ol komyuniti we han bilong em i stap long en. Long ol program olsem, Caritas i sanapim na lukautim ol skul, vokesinel skul long helpim ol yangpela husat i no inap go hetim skul long ol hai skul, sanapim na lukautim ol et pos na ol program bilong helpim ol yangpela manmeri na grup bilong ol meri, sanapim wara saplai na bringim ol arapela developmen insait long ol ruel eria.

Mista Mond i tok Caritas Intanesenel netwok long wol em i gutpela tru. Na ol i save redi long helpim wanem lain i laikim helpim long singaut bilong ol susa netwok.

Long las yia, Caritas PNG i salim tok i go long Caritas Intanesenel long helpim ol pipel bilong Rabaul long Is Nu Briten we Tavurvur na Vulcan maunten paia i bin bagarapim ol. Ol bin kisim moa long K200,000 na salim i go long Rabaul, Mista Mond i tok.

# YU NO INAP WINIM

## TOYOTA HILUX 4x4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapotim dispela nupela kar.

 **TOYOTA**

**Ela Motors**

# WAN SOLWARA NIUS

## Rausim maus bilong Kwin long Nu Silan o nogat

**WELLINGTON, Nu Silan:** Strongpela tingting long Frans we i tok em bai kirapim bek na go hetim ol nuklia tes insait long Saut Pasifik i kamapim ol kwesten na planti tingting long Nu Silan sapos Kwin bilong Ingran bai i go het yet long stap olsem hetmeri bilong Stet long Nu Silan. Ol gavman minista long Nu Silan ibin mekim ol toktok long dispela samting long dispela wik.

Nu Silan Praim Minista Jim Bolger ibin tokaut long palamen olsem long lukluk bilong em, Kwin bai ino inap long karim maus bilong Nu Silan long tokaut olsem em (Nu Silan) i egensim tru Frans long go hetim nuklia tes insait long Saut Pasifik.

Ol ripot i kam long Foren Opis i tok Ingran ino wari tumas long Frans i go hetim ol nuklia tes long Pasifik. Na Mista Bolger ino wanbel long dispela kain toktok bilong praim we Ingran i mekim.

Wanpela Nu Silan palamen memba Nick Smith ibin askim sapos Kwin husat i makim maus bilong Nu Silan gavman olsem hetmeri bilong stet bai i tokim Frans olsem Nu Silan i egensim tingting bilong ol.

Mista Smith i tok sapos Kwin em ino karimaut dispela askim em ino lukim watpo tru bai Nu Silan i larim Kwin olsem het bilong stet. I gutpela moa long makim wanpela man Nu Silan yet long holim dispela wok, em i tok.

Orait, Mista Bolger em i tok i luk olsem Kwin bai ino inap karim maus na tingting bilong Nu Silan na dispela iken mekim ol pipel bilong Nu Silan long tingting strong long larim wanpela Nu Silan lida yet i kamap olsem het bilong stet na ino Kwin.

Tupela Bolger na Smith i saptim ol toktok long Nu Silan i kamap wanpela ripablik.

## Frans Polenisia i les tru long ol toktok bilong Australia we i egensim Frans nuklia tes.

**PAPEETE, Tahiti:** Lida bilong gavman long Frans Polenisia Gastron Flosse i mekim strongpela toktok long ol atoriti na niuslain bilong Australia long pasin we ol i mekim long egensim tingting bilong Frans long kirapim bek gen ol nuklia tes bilong em long Pasifik.

Mista Flosse i tok em i les tru long gavman na midia bilong Australia long ol planti toktok egensim we ol i mekim long Frans i stop long karimaut ol tes long Muroroa Atol.

Em i sutim tok long midia bilong Australia long strongim tingting bilong grup we i laikim Polenisia i kisim indipenden long go egensim sentrel gavman na ol kokol opisa husat ino wanbel wantaim tingting bilong ol.

Mista Flosse i tokim ol niusman olsem em i pret long ol dispela grup bai i kamapim trabel.


Flosse em i sapota bilong Frans Presiden Jacques Chirac husat long las wik bin tokaut long karimaut 8-pela moa nuklia tes long Muroroa Atol. Ol arapela Pasifik kantri i tokaut pinis olsem ol i egensim tru Frans long samting we em i laik mekim.

Long Australia yet sampela wok manmeri long Frans embasi ibin bungim trabel long han bilong ol lain man husat i egensim Frans long karimaut ol tes.

Lida bilong Frans Polenisia i sutim tu tok long Australia long givim strongpela tingting long ol Pasifik Ailan kantri long witdro long ol pilai long Saut Pasifik Gem's we bai i kamap long Papeete long mun Ogas bilong dispela yia. Samting olsem fo tausen pilaia bilong 15 Saut Pasifik kantri bai i stap insait long ol pilai ya.



- Antap: Ol manmeri bilong Sarajevo i painim ples na go hait bihain long wanpela bikpela woa ka bilong Frens. Dispela em bikos ol birua bilong Bosnia i tromoi ol bom na birua samting we i bagarapim planti haus na samting bilong ol.
- Rait: Tupela Frens ami i karim wanpela memba bilong ol i go aut long ambulens husat i kisim buria long lek bilong em long Sarajevo long Fonde 8 Jun, 1995.



• Pailot bilong bikpela roket i go long mun, Norman Thagard i toktok long roket bilong em i go bek long wanpela miting ol lain Rasia i holim long graun. Balus bilong Norman brukim rekot bilong tripela Amerika long 1974. Roket bilong Norman i ron 84 de, 1 aua, 16 minit.



• Ol plisman bilong Mosco long Rasia i holim wanpela man insait long hotel bihain long ol i kisim ripot olsem sampela lain i haitim spak brus na ol sotgan long hotel ya.





• Antap: Wokmeri bilong intanesenel paia briget i helpim wanpela pikinini na mama bilong em i bung gen long fran bilong Sarajevo haus sik long Trinde.

• Rait: Wanpela man bilong Saut Koria i bikmaus na karim ol pepa we i egensim gavman bilong Japan long bikpela de bilong tingim hevi bilong Japan long wol woa 2.



## OL LIKLIK NIUS

### Ol ami bilong Irag statim pait

AMMAN: Wanpela spesel fos bilong Irag Ami i mekim bikpela pait na kilim ol rebel lain husat i laik traim na pait egensim gavman. Long dispela pait tu ol lida bilong ol rebel ya i lukim olsem ol i lus pinis na ol i kilim ol yet.

Wanpela man husat i no laikim nem bilong em long kamaut i tok olsem tupela spesel fos bilong Spesel Invensen Fos i mekim dispela atek long Mande na banisim gut tru dispela ol rebel lain. Insait long dispela operesen ol ami bilong Irag i mekim em ol i holim 850 rebel manmeri olgeta na sasim ol.

### Meri bilong danis i dai

SHANGAI: Wanpela meri bilong wanpela danis grup bilong Saina i dai taim ol lain manmeri husat i wok long lukluk long em i paitim em i go inap em i dai. Ol manmeri husat i lukluk long meri ya i danis i laikim em long rausim olgeta klos bilong em na danis nating. Dispela grup bilong meri ya i wok long danis long ples Mumian long Wosohu siti long Sauten provins fran long moa long 1000 manmeri. Wanpela bikman bilong ples i komplek long bos bilong ol lain i danis olsem dispela so i no gutpela tumas na em i laikim olsem olgeta meri husat i danis mas rausim klos bilong ol na danis nating. Na sapos ol meri i no rausim ol samting bilong ol, ol i no nap baim ol na ol bai statim pait wantaim ol lain husat i danis. Taim dispela askim bilong ol i no kisim wanpela bekim, lida ya wantaim ol sampela lain i ron i go antap long stage na paitim ol meri husat i danis.

### Guria kilim 10-pela

GREECE: Wanpela bikpela guria tru i kamap long Tunde moning taim long Greece long wanpela liklik ples ol i kolim Egion na kilim 10pela manmeri olgeta. Guria ya i kamap long traipela moning yet taim planti manmeri i silip yet. Ol haus ol manmeri ya i silip long em i pundaun kamdaun na karampim ol olgeta na 10-pela olgeta i dai.

### Rok Sta i dai

LONDON: Rok sta bilogn Ireland husat i save singim ol Blues tu Rorry Gallagher i dai long wanpela haus sik long London long Tunde moning wanpela wokman bilong em i tok. Rorry husat i gat 47 krismas tasol em planti i save tok olsem em i wanpela gutpela gita pilaia na wanpela namba wan man long wollong singim ol Blues singsing. Em bin silip long haus sik bihain long ol i planim wanpela liva long em inap em i dai. Wokman bilong em i tok olsem em i dai long King College haus sik long London long Tunde bihain long em i no nap pulim win gut.

# CONCENTRATED CLEANING POWER

**STRONGPELA PAWA  
BILONG KLINIM,  
NAU IKAM LONG  
LIK LIK FAB BAR**





**LEPHAN:**Ol sumating na ol tisa bilong Madang Tisa koles i wokim wanpela bikpela klinap insait long Madang taun piksa i soim ol i malolo bihain long bikpela wok.

**ANTAP:** Wanpela notis bod long Alotau taun i save helpim gut tru ol pipel long toksave long wanem ol samting i kamap long hap. Dispela poto isoim wanpela bikman bilong Milen Be provins Tom Ilaisa i lukim ol notis long bod. Poto James Kila




• Ol dispela lain i bilong Kagos na Pangia distrik long Sauten Hailens provins, tasol ol i stap long Banz long pikim kopi olsem ol leiba. Long taim bilong kopi ol planti Sauten hailens manmeri i save go long Westen hailens long wok kopi. Poto Michael .Monda



• Ol sumating long Fatima Haiskul i yusim wanpela kain stail bilong dringim wara wantaim raba hos Poto Michael .Monda



•Ol yangpela manki bilong Kowengil long lalibu i sanap arere long rot wantaim ol pos bilong wokim hausman. Ol kain pos i pinis long bus klostu na ol yangpela ya i kisim long longwe hap i kam. Poto Michael Mondo



• Minista bilong Agrikalsa i luk luk long ol sipsip wantaim ol bikman bilong DAL.

# Wau Biaru kisim K35,000 CIP mani

## ARI GUH DANDEE i raitim

OL pipel bilong Wau Biaru konstituensi i kisim K35,000 na redi long tromoi i go insait long ol wok projek.

Dispela mani em provinsal memba, Kaibe Mauri i kisim insait long Konstituensi Impruvmen Progrem (CIP) fan bilong em we olgeta Morobe provinsal memba i gat bilong ol. Olgeta memba i kisim K100,000.

Morobe provinsal gavman i tok orait pinis long K35,000 olsem namba wan hap mani we Mista Mauri bai kisim bilong kirapim wok insait long eria bilong em.

Arapela K65,000 i stap yet long ol pipel

bilong Wau Biaru i kisim.

Insait long wanpela kibung bilong ol komiti tupela wik i go pinis, ol i sindaun na luksave long dispela mani na tok orait long karim aut ol wok long en.

Insait long dispela K35,000: K17,000 bai i go long ol wok bilong rot projek. Wandumi Bitoi rot K3,000, Elauru Winima Tekadu rot K8,000, Kwenbu bris K1,000, Lemeng bris K2,000, Kobiak bris K1,000, Iwali bris K1,000 na Wara bung bris K1,000.

Narapela K18,000 bai i karim aut ol dispela wok. Wau Kaindi rot K6,000, DPI Nemnem rot K2,000, DPI Wandumi rot K2,000, Wau Bulol Eskep rot K5,000, Grin Hil rot K1,000, Kaisenik skul rot K2,000,

Kaisenik Kwembu rot mentenens K5,000 na Wau Nami rot mentenens K2,000.

Ol komiti i wanbel olsem dispela wok mentenens i mas kamap hariap bai ol i ken kisim hap mani bilong ol long provinsal gavman hariap. Hap mani i stap yet em K65,000.

Komiti i wanbel na amamas olsem dispela mani bai helpim tru long mekim sampela wok insait long konstituensi na dispela i gutpela tru bikos planti yia i go pinis nogat wanpela mani olsem i save kamap long pipel. Nogat wanpela provinsal o nesenel memba i save kamap wantaim dispela kain mani long mekim ol dispela wok projek insait long komyuniti.

## SBDC skulim ol opisa long wok menesa

### EDDIE SAUNDERS i raitim

OL rijonal menesa na sinia bisnis saveman bilong Smol Bisnis Developmen Koporesen (SBDC) i kisim moa skul long ronim opis blong ol long wanwan provins.

Ol menesa na opisa i bin kamap long olgeta SBDC rijonal opis insait long kantri. Na stap insait long kos em i bin kamap long Lamana Motel long Mosbi. Kos i bin stat long Mande Jun 5 i go inap long namba 9 de.

Wanpela opisa blong Intanesenel Leba Ogenaisem (ILO) nau i wok wantaim SBDC i givim skul long dispela kos.

Ol opisa i lainim we bilong wok menesa na raitim ol ripot.

Dispela nupela stail em ILO i disainim na save yusim long raitim ol teknikel o bikpela ripot.

SBDC i wok long yusim na bihainim moa ILO bisnis kos buk long mekim wok bilong ol insait long Papua Niugini.

Ol buk olsem SYOB (start your own business) na ol arapela buk tu.

Menesing Dairekta blong SBDC, Alois Lavu i amamas long ol opisa blong em i kamap long kos o wok-sop ya.

Tasol em i tokim ol long kisim dispela save na mekim wok bilong ol gut. Na helpim ol PNG bisnismen na meri long wanem hap ol i wok.

Mista Lavu i laik lukim ol provinsal na rijonal ripot i kam long em na het opis blong SBDC long Mosbi. Na bai ol i ken skelim na givim gutpela moa sevis long ol pipel, wantaim tu save bilong statim na ranim bisnis. Na tu ol arapela polisi na lo i gutpela long bisnis bilong ol pipel.



**Wetim ka long baim blain** • Ol pipel bilong ples Lakowaru long lalibu, Sauten Hailans i putim was long ol ka long baim blain bilong ol. Blain em i wanpela namba wan rot bilong kisim mani. *Poto: Michael Monda*

## CIC na Koiari helpim long kamapim top kopi

### ELIZABETH LENY i raitim

SAMPELA kantri husat i save baim kopi bilong Papua Niugini i amamas long senis bilong gutpela kopi i wok long kamap long ol yia i go pinis. Dispela i soim gutpela wok bilong Kopi Industri Kopresen (CIC), na ol lain husat i save wok wantaim em olsem Koiari Divilopmen Atoriti.

Koiari Divilopmen Atoriti (KDA) long Sentrel provins i bin kamap long 1993 bihain long wanpela grup insait long Koiari i bin kisim wari bilong ol i go long gavman.

Ol i bin gat wari long gavman i wok long yusim planti graun na wara bilong ol long helpim developim Mosbi Siti. Na ol yet i no kisim wanpela helpim.

Bihainim dispela, gavman i bin kirapim KDA.

KDA wantaim sampela man bilong ples Koiari yet husat i bin kamap ol eksekutiv bilong KDA i bin mekim wanpela wok painimaut. Bihain long dispela wok painimaut, ol i painim olsem kopi em i wanpela gutpela projek. Long wanem dispela kain projek i save givim tingting long planti manmeri long helpim ol yet.

### CIC Goroka helpim Koiari Divilopmen Atoriti

Na long kamapim gutpela kopi na planti kopi moa yet, KDA i bin kisim ol saveman bilong Kopi Industri Kopresen opis long Goroka, Isten Hailans provins i kam helpim ol aninit long wanpela wok kontrak. Nau yet CIC i gat opis long Mosbi. Na save lukautim ol fama husat i save lukautim kopi long ol provins olsem Sentrel, Galp na Oro.

CIC i save helpim dispela ol pipel husat i gat kopi pinis long lukautim gut kopi bilong ol. Na tu soim ol lain husat i nogat kopi, na i laik planim long stret-

pela we bilong planim kopi.

Long mun Me 1994, KDA wantaim CIC aninit long wanpela tokorait i bin holim wanpela trening progrem kos.

Insait long dispela kos, ol i bin lainim ol manmeri husat i kam long dispela kos long stretpela we bilong rausim pikinini kopi long diwai taim i redi. Ol i lainim tu stretpela rot bilong klinim kopi na redi long salim.

Tripela mun bihain, ol i holim wanpela kos gen. Long dispela taim ol i lainim ol long we bilong planim kopi. Bihain long dispela kos, ol viles kopi menesa, em ol lain husat i bin kam long dispela kos i bin kisim sampela samting bilong helpim ol wok long lukautim kopi.

Ol i bin kisim ol samting olsem ol beg bilong putim ol kopi. Ol i no bin kisim setifiket. Long wanem CIC na KDA i bilip long pasin bilong givim ol samting long helpim long go het wantaim wok bilong lukautim kopi em i wanpela gutpela we bilong helpim.

### Koiari kamapim 8,772.5 kg kopi

Bihain long dispela tupela kos, CIC Eria Menesa, Andrew Borita i tok dispela ol manmeri i bin kamapim kopi inap long 8,772.5 kilogram olgeta. Long dispela, ol i bin kisim samting olsem K10,521.40. Em i tok em i bilip olsem ol bai kisim planti moa mani long dispela yia. Long sait bilong ol KDA, progrem menesa Charles Gadei i bin tok i gat samting olsem 85 tan kopi em ol pipel i kamapim.

Bihainim dispela, gavman i bin givim laisens long KDA long kirapim wanpela kopi mil. Long kirapim wanpela kopi mil em i wanpela astingting bilong KDA. Tasol wok bilong dispela kopi mil i no go het yet. Long wanem kantri i wok long bungim hevi long sait bilong mani.



# TELIKOM

## TOK

### PTC Telikom sainim kontrak wantaim Instalcomm

Siaman bilong PTC Bod, Mista Steven Eka i tokaut long K31.0 milion Turnkey kontrak em i sainim long tude wantaim opsenel kontrak long K15 milion i go long Engineering Pty Ltd. Consortium bilong Australia bai sensim olpela maikrowev redio sistem long PNG meinlen. Nupela sistem bai bungim Mosbi, Alotau, Hagen na Wewak wantaim.

Long Me 31, 1995, Minista bilong Fainens na Piening, Chris Haiveta i tokaut olsem em i orait long givim PTC 552 Turnkey kontrak i go long Instalcomm Engineering Pty Ltd. Consortium.

Mista Haiveta i tokaut long mun Me olsem em i givim tok orait long Post na Telikomyunikesen Kopresen (PTC) long kisim \$A35.0 milion Australia dola long Ekspot Fainens na Insurens Kopresen bilong Australia (EFIC) na Australia Ejensi bilong Intanesenel Divilopmen (Aus AID) long sapotim dispela projek.

Instalcomm Engineering i gat ol saveman husat i gat eksperiens long kamapim bikpela turnkey telikomyunikesen projek long Papua Niugini.

Mista Eka i tok total kos bilong PTC 552 projek i olsem K49 milion. Em i tok moa olsem dispela kos i kam long turnkey kontrak we i kos K31.0 milion, EFIC fi long K1.7 milion, intenel projek kos long K1.0 milion na opsenel turnkey na saplai kontrak long K15.0 milion.

Mista Eka i tok tu olsem turnkey kontrak bai go inap tripela krismas na bai kamapim ol bikpela, strongpela, redio link na ol wok bilong bungim Hagen, Wewak, Maunt Lawes, Alotau na Boroko, Maunt Lalibu rut wantaim liklik saplai pawa bilong go insait long ol haus na kamapim gut Goroka na Madang redio sistem. Em tok moa olsem opsenel turnkey na saplai kontrak bai stap long han bilong PTC long saplain na stretim Rurel Telikomyunikesen wok long olgeta hap we maikrowev ripita i stap long en namel long Wewak na Alotau.

Ol papagraun husat bai kisim helpim long ol dispela sevis em ol papagraun bilong Maunt Kegum, Maunt Embi, Maunt Burgess, Maunt Townsend, Maunt Turu, Maunt Ariari, Maunt Obree, Maunt Safia, Maunt Waterholes, Maunt Kainguma, Maunt Dimodimo, Maunt Lalibu, maunt Murray, Maunt Favenc, Maunt Purari, Maunt Eruki, Maunt Yule na Maunt Loabata.

Konstraksen bilong dispela projek bai stat insait long 9-pela mun.

*Nau mipela i tok tok!*

# Papua pipel laikim stet gavman bilong PNG stret

INSAIT long wanpela kibung bilong ol lida bilong Papua rijn long las wik, i gat wanpela tingting olsem stet gavman bai gutpela moa long dispela senis i bin kamap long ol provinsal gavman.

Bikos ol i bilip olsem ol lain husat i go pas long kirapim dispela senis i no bin lukluk na skelim laik bilong ol Papua pipel.

Ol i bilip tu olsem dispela kain pasin i no gutpela tumas. Long wanem nogut long bihain taim bai ol i no inap lukluk long rait bilong ol pipel we i stap long mama lo. Dispela em rait bilong ol pipel long giving tingting na paitim toktok wantaim gavman.

Wanpela mausman bilong dispela kibung em Ted Diro, olupela gavman ministra. Em i tok ripot bilong dispela ol komiti husat i go pas long dispela senis bilong provinsal gavman i no bin kisim tingting bilong ol pipel sapos ol i laikim wanpela narapela kain sistem o nogat.

Em i tok taim ol lida bilong bipo i bin raitim mama lo bilong kantri, ol i bin putim sampela lo long senisim sampela lo bilong mama lo long bihain taim ol samting insait long kantri i wok long senis.

Bihainim dispela, Mista Diro i tok planti senis i bin kamap. Dispela em ol gutpela na nogut senis wantaim. Tasol em i tok gavman i no bin lukluk gut na skelim

## ELIZABETH LENY i raitim

planti samting we i ken helpim ol pipel na kantri.

Bihainim dispela em i tok ol Papua pipel i bilip olsem rijn bilong ol em wanpela rijn we i gat liklik developmen stret. Em i tok ol i bin givim planti helpim long kantri long sait bilong ol wokman husat i gat save long mekim wok. Ol i wet longpela taim inap pinis.

Olsem na em i tok ol i bilip olsem stet gavman em i wanpela gutpela sistem i ken helpim ol. Ol i gat inap risoses, na tu long we provins bilong ol i stap, Mista Diro i tok stet gavmam bai gutpela moa. Tasol em i tok i tru olsem dispela kain sistem i ken givim ol pipel kainkain tingting. Dispela ol kain tingting bilong kirapim kantri bilong ol yet. Olsem na ol i mas lukaut gut. Mista Diro i tok dispela tingting bilong kirapim stet gavman i no bilong givim rong tingting long ol pipel tasol long painim narapela ol wei long dispela senis bilong provinsal gavman. Long wanem em i bilip olsem dispela senis long provinsal gavman i no nap helpim ol.

Em i tok sapos ol i kirapim dispela stet gavman, dispela stet gavman bai i no inap olsem bilong ol Australia. Dispela stet gavman bai bihainim we bilong Papua Niugini.

Bihainim dispela, wanpela Politikel Sains Leksara long Yunivesiti bilong Papua Niugini, Nao Badu i tok dispela sistem bilong stet gavman i gutpela.

Tasol em i tok dispela kain ol senis insait long dispela kain kantri olsem Papua Niugini husat i wok long bungim planti kainkain hevi, i ken givim tingting long ol pipel long bruk bruk i go blong ol yet.

Narapela Politikel Sains Leksara, Dokta Ray Anere bihainim dispela tingting i tok dispela sistem bilong gavman nau i wanpela sistem we i gat wanpela bodi tasol i gat bikpela pawa. Na ol provinsal level gavman i gat liklik pawa.

Em i tok dispela kain sistem i no inap givim wankain pawa i go long ol narapela level bilong gavman olsem provinsal gavman. Tasol em i tok sapos i gat stet gavmam, dispela bai givim olgeta level bilong gavman wankain pawa.

Na tu em i tok aninit long dispela sistem nau, ol pipel i gat rait long makim ol lida bilong ol. Tasol em i tok ol i nogat rait long rausim ol lida bilong ol sapos ol i no laikim em. Dokta Anere i tok long dispela stet gavman sistem, ol pipel bai gat rait long makim lida bilong ol na tu rausim lida ken sapos ol i no laikim dispela lida long makim ol moa.

## Ol NGI primia kamapim aidia long 1992

TINGTING bilong kirapim stet gavman i bin kamap taim toktok bilong senisim provinsal gavman i bin kamap long 1992. Dispela tingting i bin kamap namel long ol Niugini Ailan rijn lida. Insait long wanpela semina bilong ol lida bilong Papua rijn, ol primia tu i bin stap na tingting ya i kamap.

Dispela em ol lida olsem Primia bilong Manus Steven Pokawin, Primia bilong Nu Ailan Samson Gila na Primia bilong Is Nu Briten Sinai Brown. Moa long 500 bikman meri i bin kamap long kibung ya.

Sir Charles Maino, wanpela bilong ol spika insait long dispela semina i bin tok insait long ripot bilong em olsem i nogat rong long kamapim stet gavman. Na i nogat wanpela samting i ken stapim ol Papua long kamapim wanpela stet gavman bilong ol. Em i tok taim toktok bilong dispela senis bilong provinsal gavman i bin kamap, i bin gat sampela senis long mama lo long mekim kamap dispela senis.

Bihainim dispela Sir Charles i tok sapos i gat wanpela ileksen tasol bilong nesenel na stet gavman bihain long 5-pela yia, bai gat gutpela wokbung wantaim namel long

nesenel na stet gavman. Bikos ol primia bilong stet gavman bai gat rait aninit long mama lo long paitim toktok insait long Palamen. Dispela Sir Charles i tok i ken kamap bihain long ol i mekim sampela senis long mama lo.

Gavana bilong Sentrel Beng long bipo, Sir Mekere Morauta i tok tu insait long ripot bilong em olsem ol Papua rijn i bin givim planti risoses bilong ol long helpim ikonomi bilong Papua Niugini. Tasol i no bin kisim inap long helpim ol yet. Em i tok insait long kantri namba bilong ol Papua pipel i no bikpela olsem bilong ol arapela rijn. Tasol rijn isave mekim moa mani bilong kantri.

Long 1994, Papua i bin mekim samting olsem K1.64 bilien. Na kantri i bin mekim K2.7 bilien long olgeta samting bilong rijn em salim long ol ovasis kantri. Dispela Sir Mekere i tok i soim olsem Papua i save mekim planti mani bilong kantri moa long ol arapela provins. Em i tok Papua i gat gol, kopa, silva, wel na ges long olgeta 4-pela provins insait long rijn. Dispela em long ol projek olsem Ok Tedi, Misima, Kutubu na Haid. Na tu i gat 4-pela bikpela minerel na petroleum projek insait

long rijn. Insait long nesenel forestri indastri long 1994, ol i wokim mani inap long K111 milien. Na tu ol projek insait long Papua i save givim planti mani i go long gavman.

Tasol ol sevis ol i save kisim long gavman i no wankain olsem mani ol i save givim long gavman. Nogat inap rot na tu ol rot i stap i wok long bagarap. Em i tok gavman i no bin wokim wanpela gutpela samting long ol Papua.

Insait long 1995 baset, Papua gavman i makim long kisim K80.7 milien we wanwan provins bai kisim 4.4 pesen. Dispela Sir Mekere i tok i bihainim sistem bilong gavman yumi gat nau we ol provins i gat liklik pawa na nogat mani. Sir Michael Somare husat i bin givim toktok long dispela semina i tokim ol Papua lida long kirapim wanpela sistem we i ken kirapim gutpela sindaun bilong pipel bilong ol.

Em i tok em i no ting rifom i nogut. Rifom em i tok i gutpela tasol dispela rifom i no gutpela tumas. Bikos i gat planti samting i no gutpela long dispela senis ol bai vot long palamen long wok bilong provinsal gavman. Olsem na em i tok ol i mas lukluk gut skelim rifom pastaim.



## Ol Imbongu'u strong long maket

● Tupela man bilong ples Imbongu'u Tukupangi i soim basket bilong tupela long taim bilong maket. Graun bilong wok gaden i no gutpela. Na planti pipel i save kisim mani long wokim ol basket olsem. *Poto: Michael Monda.*

## Nu Silan bai lukluk long helpim Bogenvil

NU SILAN bai lukluk long askim bilong ol pipel long Bogenvil husat i laikim helpim wantaim ol prosek insait long ples long kamapim gut sindaun na laip bilong ol.

Nu Silan Hai Komisina John Clark na lain bilong em long las wik i bin limlimbur i go long planti hap bilong Bogenvil olsem Wakunai, Arawa, Buin na Siwai long lukim tru wanem ol prosek na progrem ol i ken helpim ol pipel wantaim.

Long wanpela bung bilong ol wantaim Not Solomons Primia Theodore Miriung na ol bikman bilong Bogenvil Trengsienel Gavman, bos bilong Bogenvil Bisnis Asosiesen, Aloysius Sami, ol lain i makim ol interim atoriti, ol meri, yut na komyuniti lida, askim i bin go long ol lain long sampela bikpela helpim we ol pipel long ples i laikim tumas. Na ol i laikim grup bilong Nu Silan long helpim ol. Mista Clark i tok Nu Silan bai helpim wantaim ol prosek bilong

ol yangpela, ol meri, skul, haus sik na ol arapela progrem moa sapos ol i kam aninit long aid o helpim progrem bilong ol. Tasol em i tok em i noken mekim ol tok promis nating long amamasim bel bilong ol pipel. Nogat. Ol bai galsim ol prosek pastaim na lukluk long ol bipo long ol i givim tokorait long givim helpim.

"Gavman bilong mi bai givim sapot na helpim sapos em i lukim olsem ol pipel i wokhat," Mista Clark em i tok.

Mausmeri bilong ol meri long Bogenvil, Agnes Titus i bin askim sapos Nu Silan Hai Komisen i ken helpim long go hetim wanpela taiping prosek bilong ol meri we ol i laik kirapim long Buka.

Nau yet 6-pela meri i yusim opis bilong Bogenvil Bisnis Asosiesen opis long Katsingkuri long skul taip. Bikos ol meri i nogat mani long go hetim dispela prosek. Mista Clark i tok opis bilong em bai lukluk long askim bilong em.

Ol Katolik yut insait long Mosbi i bin bung na tenkim wanpela yangpela man husat i bin wok olsem yut lida. Nem bilong dispela man em Peter Jimmy, husat i go bek long ples bilong em Kayan insait long Bogia distrik, Madang. Peter i go bek bikos papamama long ples i laikim em i go bek long hap eria bilong em. Peter i bin stap long wok voluntia long Mosbi katolik Asdaiosis olsem yut lida long peris, dineri na daiosis. Em i

bin wok olsem siaman bilong Sen Joseph Boroko Katolik yut, siaman long Dineri Wan and Siaman bilong Tumbuna Singsing long Asdaiosis Katolik Yut Kaunsil (ACYC).

Peter tok taim em i stap long Mosbi, em i bin wokhat tru. Na lukim olsem ol sios memba na lida i no save helpim ol yut i yangpela manmeri. Em i tok ol ekseyutiv bilong ACYC i save painim hat tru long karimaut ol yut progrem insait long Mosbi

siti, Sentrel na Oro provins. Em tok sapos sios i wok no pasim ia i go long ol yut bilong ol, bai husat i kisim sios wok long bihain long taim bilong ol yangpela. Olsem na em i askim ol manmeri na ol sios lida long lukim wok bilong ol yut.

Long lephan em ol lain i tenkim olupela ACYC Siaman em Gabriel Maroa, Peter Jimmy, Pater Paul Guy na yut kodineta Sista Emhee. *Daniel Mona i raitim.*



Mosbi katolik yut lusim siaman

# PAWANG LAIP STAIL

## Kokonas strong bilong ol Biem ailan pipol

*“tasol nau ol kokonas wok long dai nating”*

IS Sepik Provins i gat planti liklik ailan. Ol dispela ailan i no stap longwe tumas long biktaun bilong provins Wewak. Wampela bilong ol dispela ailan em Biem ailan.

Biem ailan i stap namel long maus bilong bikipela Sepik wara long bodamak bilong Is Sepik na Madang Provins. Sapos yu stap long Bogia distrik bilong Madang Provins na i laik go long Biem ailan, em bai kisim yu samting olsem tupela aua.

Tasol long sapos yu kisim spit bot long Wewak taun na i laik go long Biem ailan, em bai kisim yu samting olsem 7-pela aua.

Taim em bai kisim yu long go kamap long Biem ailan i stap long “gutpela” taim na taim “nogut.” Dispela i min olsem sapos i nogat win na solwara i no rap, yu ken kisim olsem 6-pela aua. Sapos win i kirap na solwara i bikhet, em bai 7-pela aua o moa.

Biem em i wampela volkenik ailan. Bikos em i stap moa klostu long Manam ailan bilong Madang Provins.

Long taim bilong drai sisen, Biem ailan i save bungim bikipela hevi long nogat wara. Long taim bilong rain wara i save pulap.

**FUZO PAUL i raitim**

Bikos wara i save kam daun long maunten long ol liklik ston wara.


Na ol pipel i save yusim long kukim kaikai, waswas, wasim klos na mekim ol arapela samting. Long drai sisen, wara i save drai olgeta. Na ol pipel i save painim hat tru long kisim wara.

Bikos long dispela hevi, ol pipel i save yusim solwara long waswas na wasim ol klos. Na long wara bilong kukim kaikai na dring, ol pipel i save wokabaut sampela kilomita long kisim hot wara bilong maunten paia.

Ol i save pulumapim na kisim i go long ples. Na taim hotpela wara bilong maunten paia i kol, ol i save yusim. Dispela wara i no wankain olsem trupela kol wara. Nogat. Wara ya i sol liklik.

Tasol i gat wampela diwai stap we i save sevim laip bilong ol pipel bilong Biem ailan. Dispela diwai em kokonas.

Ol pipel i save kisim kokonas na yusim wara bilong en long kukim kaikai na dring. I gat bikipela luksave i stap olsem kokonas i bin sevim na lukautim



● Wampela man bilong ailan i wasim ol kolos bilong em long tenk wara.

ol pipel bilong Biem long taim bilong tumbuna bilong ol i kam inap long nau yet.

Long ailan, yu bai no inap lukim planti bikipela diwai

kokonas. Bikos ol pipel i save yusim kokonas tu long wokim haus bilong ol.

Ol i save yusim namel bilong kokonas long wokim pos bilong

haus na lip olsem morata long karamapim het bilong haus.

I kam inap long las tupela yia i go pinis na tu long dispela yia, ol pipel i luksave olsem ol kokonas bilong ol i wok long drai na dai nating.

Na dispela i mekim ol pipel i wari. Bikos laip bilong ol i stap long kokonas.

Ol kokonas i wok long senisim kala i go kamap yelo. Na i no longtaim i go kamap braun na olgeta nupela pikinini kokonas i pundaun.

Na diwai kokonas i drai. Tasol ol pipel i no save wanem samting i kamapim dispela sik long ol kokonas bilong ol.

Kaunsela bilong ailan, Joe Mala i tokim Wantok Niuspepa olsem em wantaim pipel bilong em bai bungim bikipela hevi sapos olgeta kokonas i drai na dai.

Bikos namba bilong ol pipel i wok long kamap bikipela. Na sapos ol kokonas i dai, ol bai painim hat tru long kisim wara long taim bilong drai sisen.

Long nau yet, Kaunsela Mala i laikim olsem Divisen bilong Praimeri Industri long Wewak, i mas salim sampela saveman o opisa i go long ailan long sekap long watpo na ol kokonas i wok long drai na dai.

# Ol Biem holim yet tumbuna pasin

**FUZO PAUL i raitim**

KLOSTU kantri bilong mipela bai winim 20 yia long stap olsem wampela independen kantri na tu kainkain save na wok bilong waitman i kam insait long kantri, kastom pasin na kalsa bilong mipela long planti ples i wok long stap strong yet.

Plantu bilong ol dispela kastom pasin na kalsa i stat na kam long taim bilong ol tumbuna bilong mipela. Na tude mipela i wok long holimpas yet ol dispela samting. Sampela i gutpela na ol arapela i no gutpela. Tasol bai mipela i mekim wanem samting. Mipela i mas holim yet. Bikos olgeta samting i kamap long taim bilong ol tumbuna.

Plantu ples i bilip na i gat stori bilong ol i toktok long rot ol i kamap. Sampela i gat stori bilong masalai bilong diwai, raun wara, maunten, wel pik, ston na ol arapela samting. Ol pikinini na tumbuna bilong nau i wok long holim na bihainim yet ol dispela stori. Tasol long sampela ples, plantu kastom pasin na kalsa i wok long luslain nau bikos long save na laipstail bilong waitman.

Wampela ples we i wok long bihainim na holim strong yet pasin tumbuna bilong ol em Biem ailan long Is Sepik Provins. Ol pipel bilong dispela ailan i gat strongpela bilip olsem hetman bilong ples em *Kukurai*. Na olgeta pipel i kam aninit long em. Olsem na ol i mas luksave long dispela samting na givim rispek long dispela lidman bilong ples.

I no longtaim i go pinis, long Jun 5,



ol pipel bilong Biem ailan i bin wokim wampela bikipela kaikai na holim wampela seremoni.

Dispela seremoni save kamap bihainim long samting olsem 50 o 60 yia. Dispela i min olsem dispela wankain seremoni bin kamap long Jun 5 long dispela yia, bai kamap gen long wankain taim bihain long 50 o 60 yia.

Dispela seremoni bin kamap long Jun 5. Kukurai bilong Biem ailan i givim taitel bilong Kukurai go long pikinini man bilong em. Bikos em i lapun na pikinini man bilong em bai

kamap nupela Kukurai. Na em bai kisim ples bilong papa bilong em long lidim ol pipel bilong Biem. Aninit long kastom ma tumbuna stori bilong ol pipel long Biem ailan, ol i gat bilip olsem tumbuna bilong ol i kamap long wampela masalai bilong maunten paia bilong ol.

Dispela stori tok olsem dispela masalai nem bilong em *Boadanai*, bipo long taim bilong tumbuna, i bin senisim em yet. Na kamap olsem man tru na lusim maunten paia na i go daun long ples long kamap hetman bilong ples. Na i bin kamap olsem namba wan kukurai bilong Biem ailan. Na ol pasin em i save wokim bipo, oi pipel i kisim na bihainim i kam inap long tude. Pastaim long kukurai wokim dispela bikipela kaikai, em i mas kamapim ples bilong em. Na taim olgeta samting i redi na pilai i kamap, olgeta pipel bai bung na bungim ol bilum kaikai bilong ol. Na serim i go i kam namel long ol yet.

Taim kukurai laik wokim pilai, em bai tokim ol bikman long ples long pasin lip bilong target long hamas pik ol pipel bai pasim. Taim em i luksave long namba bilong pik, em bai tokim ol pipel long wokim gaden long planim kaukau bilong putim kamap dispela pilai. Pastaim long dispela pilai kamap, ol pipel bai no inap kilim pik, kisim buai, katim banana o kisim drai kokonas. Olgeta kaikai mas stap na redi long dispela bikipela de bilong wokim kaikai. Ol pipel bai stap tasol long ples na singsing na wetim ol kaikai long redi. Dispela bai stap inap tripela mun olgeta.

Insait long dispela tripela mun, nogat wampela man i mas pait, kros o mekim trabel na hambak pasin long ples. Sapos wampela man o meri wokim wampela rong pasin, em i mas pasin pik na givim i go long kukurai (long bipo, sapos man i no pasim pik na givim long kukurai, em bai dai).

Taim ol kaikai long gaden i redi, kukurai bai makim wampela man. Dispela man i makim masalai Boadanai. Wok bilong dispela man em long go na spai long ol kaikai long gaden. Sapos em i lukim ol kaikai redi, em bai tokim kukurai. Na kukurai ken makim wampela de long holim dispela bikipela bung. Taim olgeta kaikai redi, kukurai bai tokim ol pipel long wokim tripela bet. Dispela tripela bet i makim tripela klen grup bilong Biem ailan. Bihain kukurai bai tokim ol meri long kisim ol kaikai long gaden. Taim ol i kisim na redim pinis, ol bai bilas long repela pen bilong ol tumbuna na singsing na bringim ol kaikai go long ples. Ol man bai stap long ples na paitim garamut na singsing.

Bihain long ol kaikai kamap na stap long ples, ol meri bai wokim wampela singsing ol i kolim *Moas* i go inap tula. Long moning ol memba bilong tripela klen bai bung. Na tilim kaikai long tripela bet wantaim. Na ol man bai paitim garamut na singsing. Nem bilong dispela singsing em *Barber*. Long arapela de, ol pipel bai bilasim pik na putim ol presen long het bilong pik long givim i go long man husat i laik kisim het bilong pik bilong ol.

Taim ol pik i redi, ol man bai paitim

garamut na singsing Gurambi long brukim bet. Na tilim ol kaikai long bet. Long wankain taim, kukurai bai bilas gut tru na holim sampela buai na daka long han bilong em. Dispela i makim namba wan tumbuna bilong ol pipel bilong Biem ailan Boadanai. Dispela em kukurai redi long skelim ol kaikai. Taim em i skelim kaikai pinis, lida bilong wanwan bilong dispela tripela klen na bung. Na ol bai skelim kaikai long wanwan bet bilong ol i go i kam long wanwan famili aninit long klen bilong ol.

Bihain long olgeta samting i pinis, kukurai bai toktok na tokaut long ol pipel olsem pikinini man bilong em bai kisim ples bilong em. Na em (pikinini) bai stap olsem lida bilong ples.

**LONG NSAIT**

- Ritim Kanage long pes 15.
- Painim pren. Pes 14.
- Lukim Birua Man komit. Pes 17.

# Planti tok provinsal gavman i gutpela

VERONICA HATUTASI i raitim

LONG dispela taim planti senis i wok long kamap long kantri. Na moa bai i kamap yet taim 109 memba bilong palamen i vot long billong go hetim senis.

Ol senis ya i bikpela samting long laip na sindaun bilong ol pipel long Papua Niugini.

Nau yet tupela bikpela toktok i stap long dispela. Em long senis iong provinsal gavman sistem we long go hetim, gavman i laik pinisim 19 provinsal gavman long kantri na kirapim wanpela sentrel gavman sistem.


Narapela samting we planti pipel long kantri i egensim em long ol senis we tupela mani maket long wol em long Wol Beng na Intanesenel Moniteri Fan (IMF) i laikim gavman long kamapim long PNG. Dispela em long traim daunim hevi bilong mani we kantri i gat long dispela taim. Ol senis ya ol i kolim ol long Strakserel Adjasmen Program (SAP).

Narapela toktok tu we i karamapim mipela long PNG bikos mipela i hap bilong ol wansolwara (Saut Pasifik) kantri em long nuklia tes o tes bilong pairapim ol marasin nogut long ol samting bilong pait we Frans i laik kamapim bek gen long Mururoa Atol, wanpela liklik ailan long Tahiti. Na dispela hap em ol i kolim long Frans Polenisia.

Ol liklik ailan long hap i kam aninit long lukaut bilong Frans. Olsem na Frans i ting em i gat rait long karim aut ol tes long Mururoa Atol. Orait, marasin nogut i kamap bihain long ol i karimaut ol nuklia tes long solwara bilong mipela insait long Saut Pasifik. Na dispela bai i kamapim bagarap long ol abus insait long solwara we i bun bilong ol pipel insait long ol liklik ailan kantri.

Tasol pastaim yumi askim sapos ol grasrut lain bilong mipela long ol ples longwe long taun i klia long ol dispela bikpela toktok na senis we bai i kamap long kantri na bringim senis long laip na sindaun bilong ol.

Tru ol man long taun na insait long ol ruel eria dispela husat i save harim redio na ritim niuspepa i gat save na ol i klia long wanem samting em provinsal rifom, SAP na nuklia tes. Na wanem rot dispela ol samting bai i kamapim senis long laip na sindaun bilong ol. Olsem long nau i gat planti tok egens i kamap long ol dispela nupela senis long ol Non Gavman Ogenaiseseri, ol sios, grup bilong ol meri na ol arapela grup husat i save wanem samting bai kamap



• Ol memba bilong Melanesian Solidariti Muvmen i bung long kam aut bilong kempen bilong ol egens muv bilong IMF na Wol Beng.

long kantri na long ol pipel, sapos ol senis ya i go het.

Planti pipel long ol ples longwe long taun, na tu insait long ol setlemen i no klia tumas long ol senis na ol bikpela samting we bai kamap long laip bilong ol. Sampela NGO na sios grup i karim aut ol aweanes kempen long skulim ol pipel long ples, ol papagraun na husat moa long klia gut long ol samting, raitsbilong ol long ol samting insait long graun, bus na wara. Na ol imas noken larim ol bikpela ausait loging, maining na wel kampani long go insait long graun bilong ol na yusim nabaut ol samting insait. Na bagarapim graun, bus na wara wantaim ol samting i stap insait.

Planti lain i no egensim ol senis i kamap long provinsal gavman. Sampela senis i mas kamap yet long sait bilong lukautim na ronim wok edministresen na mani insait long wanwan provinsal gavman.

Planti i tok provinsal gavman sistem i gutpela. Bikos dispela em i wanpela rot we ol provinsal lida husat i makim maus bilong ol pipel long ples em ol risoses ona long mekim ol disisen long ol samting we ol i papa tru long ol. Wanem samting i no stret. Na dispela i kamapim hevi bilong paulim mani na nogat gutpela wok kamap insait long ol wanwan provins em sot long ol gutpela fit na saveman long go hetim ol wok long ranim edministresen, kipim rekot long rot na wanem samting tru provinsal gavman i yusim mani long en.

Bikpela samting we ol grup i no laikim bai i kamap aninit long ol provinsal rifom em long transferim pawa we ol provinsal lida i save

holim nau i go long Waigani. Ol nesenel lida husat i gat bikpela pawa pinis bai i kisim moa pawa gen. Na ol pipel insait long ol ruel eria i mas klia gut long ol dispela samting nogut ol i tok yesa nating na bihain ol ino amamas long samting we ol ino nap wanbel i long em i kamap.

Bil o lo bilong rausim o larim ol provinsal gavman i stap nau long han bilong ol nesenel lida bilong mipela long go hetim insait long palamen bung we i stat pinis long dispela wik.

Tasol long bung bilong planti grup long las wik i kam inap nau, ol i laikim stet na rijonal gavman olsem kain we ol lida bilong Niugini Ailans i laikim. Bikos ol i lukim olsem long dispela kain gavman ol pipel bai i gat pawa na maus yet long rijonal level long makim ol long taim bilong mekim ol bikpela disisen we i karamapm ol.

## IMF na Wol Beng

Program bilong Wol Beng na IMF we aninit long tokoraut bilong ol yet, PNG gavman i mas kamapim ol senis na helpim long daunim hevi PNG i gat wantaim mani nau i kamapim planti toktok egensim i kam long ol pipel long planti hap na grup long kantri.

Planti saveman na ol NGO grup i lukim wanem samting tupela mani maket i kamapim long ol kantri ol i go insait na sanapim strong mak bilong ol long en. Bikos long ekspirians bilong sampela Tet Wol kantri long Afrika, Saut Amerika na ol sampela Esien kantri, laip na sindaun bilong ol pipel wantaim wok ikonomi bilong ol i go nogut moa taim tupela mani

maket i go insait. Na ol strongpela toktok i kamap olsem tupela mani maket i no tingting tumas long helpim ol pipel long daunim ol hevi tasol ol i interes tasol long ol kantri i peim bek dinau mani bilong ol. Olsem na mipela long PNG imas tingting gut pastaim bipo long mipela i salim mipela yet i go long tupela bikpela mani maket we sampela grup i lukim ol olsem ol monsta husat bai i kaikaim ol risoses bilong kantri.

## Frans nuklia tes

Orait, planti bilong mipela insait long taun na ol ples longwe long taun i no klia long nuklia tes na wanem rot em i afektim sindaun na laip bilong mipela.

PNG em i wanpela long ol kantri husat i egensim tru kantri Frans i kirapim bek nuklia tes o pairapim ol samting long pait wantaim insait long wansolwara bilong mipela.

Sampela long mipela iken tok Mururoa i stap longwe long PNG na ol nuklia tes ino inap kamapim bagarap long mipela. Tasol dispela em ino stret. Bikos long kikbek bilong ol nuklia tes, posin marasin bai i bagarapim ol abus olsem pis na ol arapela samting long solwara bilong mipela, ol pisin, graun na bus samting wantaim tu hap bilong ol pipel long waswas na kisim pis long em. Olsem na PNG i sanap strong long posisen wantaim ol arapela wansolwara kantri nau long egensim nuklia tes we Frans klostu i laik kamapim long Mururoa Atol.

Gutpela long mipela olgeta pipel long klia long ol dispela samting bipo mipela iken sapatim o egensim ol bikpela senis na isu olsem.

## Painim penpren

Nem: John Willson

Krismas: 20

Adres: Kavui AOG Church, Box 534, Kimbe, West New Britain Province.

Save Laikim: Ritim Baibel, go long lotu, pilai musik insait long haus lotu, autim tok bilong God, na harim musik bilong Max Manimbi, wanpela gospel singa.

Nem: Steven Ken

Krismas: 20

Adres: Box 658, Konedobu, N.C.D., Papua New Guinea.

Save Laikim: Mi laik mekim pen pren wantaim ol meri long raitim leta i go i kam.

Ol samting mi save laikim long mekim long fri taim bilong mi em senisim poto o piksa na presen wantaim ol pren, na harim gospel musik.

Nem: Noel Kiawa

Krismas: 18

Adres: Kapiura Plantation, PO Box 451, Bilomi Division 2, Kimbe, West New Britain Province.

Save Laikim: Mi laik mekim pen pren wantaim ol yangpela manmeri bilong Papua Niugini.

Mi save laikim long pilai soka, ragbi tas, basketbal na volibal. Ol arapela samting mi save laikim long mekim em lukim vudio na televisen, harim musik, wok gaden, go long lotu, tok pilai wantaim ol pren, ritim ol pas bekim, na senisim presen wantaim ol pren.

Mi bai amamas tasol long bekim olgeta pas em mi kisim.

Nem: Andy Taylor

Adres: Talidig Vocational Centre, PO Box 672, North Coast Road, Madang Province.

Save Laikim: Pilai soka na volibal, harim reggae musik, raun wantaim ol pren na mekim pani.

Nem: Miss Matilda Abban

Krismas: 23

Adres: PO Box 360, Nurses Flats, Oguua District Region, Ghana, West Africa.

Hobis: Swim, lukluk raun long ol ples o turis eria, go aut na autim gutbius bilong God, pilai volibal, na painim wanpela gutela yangpela man bilong maritim.

Nem: Miss Cynthia Macauley

Krismas: 21

Adres: PO Box 858, Christ the Kings Hall, Oguua C/Region, Ghana, West Africa.

Hobis: Baibel Riting, kukim kaikai, pilai kainkain spot, lukim muvi na laikim painim wanpela gutpela pren bilong maritim.

Nem: Stephen Evans Baidoo

Krismas: 30

Wok: Tisa

Adres: PO Box 425, Agona Swedru, Ghana.

Hobis: Senisim ol pepa mani, kukim kaikai, pilai kainkain spot, lukluk raun na mekim pren long bed. Mi bai bekim olgeta pas em mi kisim.

Toksave kam long edita: Bekim pas bilong dispela tupela meri na wanpela man Ghana long Tok Inglis.



■ Pikinini man bilong Kanage Junia i wokim gred 3. Wampela taim tisa i askim Junia wantaim ol klas meit bilong em long sampela samting. Tisa i askim husat tru i wokim ol na ol i tok Papa God i wokim ol. Taim em i askim husat i wokim San, ol i tok God. Taim em i askim husat i wokim solwara ol i tok God. Olgeta samting tisa i askim, ol i tok God i wokim.

Tisa i askim i go na kamap long pawa. Em nau tisa i kirap na askim ol sumatin long husat i wokim pawa.

Pastaim long ol klas meit bilong em i bekim, Junia i kirap sanap na tokim tisa: Tisa Elkom i wokim pawa. Na taim tisa i tok God i wokim pawa, Junia i strong tru na tokim tisa bilong em olsem Elkom i wokim pawa.

Taim Junia Kanage i tok olsem, tisa bilong em i kirap na tokim em: Junia, man mi no save olsem save i kilim yu wan sait stret.

**Pawa Man  
LAE**

□ Pikinini meri bilong Papa Kanage, Monica i wokim gred 6. Na wampela taim tisa bilong em, wampela yangpela meri Tolai, i askim Monica wantaim ol arapela sumatin long mining bilong wampela hap tok long tok Inglis ol i kolim "Adultry." Dispela hap tok i min olsem wokim pasin pamuk-yangpela man/meri paulim maritman/meri na wokim pekato (pasin nogut).

Ol arapela sumatin i givim mining bilong dispela hap tok na tisa bilong ol i nogat. Sampela i tok: Mekim pasin nogut long tudak, paulim meri o man bilong arapela man o meri, slip wantaim na wokim samting bilong kisim amamas na pasin pekato ausait long marit.

Monica i sindaun tingting i go nogat na em i putim han bilong em i go antap. Na tisa i makim em long tokim mining bilong adultery.

Em nau Monica i kirap sanap na tokim tisa olsem: Tisa, mining bilong adultery i olsem "two wrong people doing the right thing." Long tok Pisin dispela i min olsem: Tupela rong pipel i wokim raitpela samting.

**Joke Chief  
MOSBI**

**MOA TOK PILAI  
LONG PES 19**

# Wales gat ol gutpela samting bilong lainim



• Leo Wafiwa (sanap namba 4 long lephan i go) wantaim ol arapela niusman bilong Esia, Pasifik rijon husat i kamap long kos. Ol i bung long greduesen nait bilong ol long wampela hotel long Cardiff Siti.

**I KAM LONG LAS WIK**  
*Ripota Leo Wafiwa i stori long wampela mun lukluk raun bilong em i go long kantri Ingran na Wales, taim em i go mekim wampela mun kos bilong em long hap.*

Wales em i wampela kantri long Yunaited Kingdom we bikpela wok bilong painim kol i bin kamap bipo.

Bipo em ol save dikim hul i go daun aninit tru long graun. Na ol wokman save go daun aninit long graun na dikim long painim kol. Na bihain bai karim i kam antap.

Planti pikinini save joinim papa na kandre bilong ol na go daun wok aninit long graun. Dispela em ol pikinini krismas bilong ol i stat long 12 samting na go antap.

Bikos bipo i nogat gutpela sekap samting bipo ol wokman save go aninit long graun long painim kol, planti bin lusim laip bilong ol.

Na tu long dispela taim bikman bilong ol kol main i no

"Tude ol bisnis wok i go insait nau long ol dispela eria wantaim turis bisnis. Dispela em wampela bikpela skul Papua Niugini i ken bihainim".

save hamas wokman i stap wok aninit long graun.

Bikpela samting em ol bosman bilong main i no gia sapos wokman i dai aninit. Bikpela samting ol bai wari sapos i dai em hos bilong helpim ol long wok.

Wampela hap long not bilong Wales em Rhonda, we bikpela kol main i bin kamap.

Wok bilong painim kol i pinis long hap long sampela yia tasol i go pinis. Na nau ol i yusim dispela hap olsem bilong ol turis na yangpela manmeri na pikinini long go lukluk raun, na lainim long laip bilong ol wokman long kol main taim bipo.

Ol saveman i plenim gut tru we ol turis i ken go daun aninit

long graun long masin ol i kolim eleveta.

Na bihain bai bihainim aninit long hul bilong graun i go, na opisa bai soim wanen kain we em ol main woka save mekim.

Bipo long mi wantaim ol arapela 13 niusman r i niusmeri i go daun, opisa i tokim mipela olsem mipela bai go daun aninit long graun long plani tausen fit. Aninit long graun i kol nogut tru.

Mipela go daun lukluk raun long long samting olsem wampela aua olgeta. Planti bilong mipela i pret olsem sapos gurua i kamap nau, mipela olgeta bai indai aninit long ples bilong waitman.

Tasol taim mipela i kam aut gen long graun, mipela painimaut olsem mipela i go daun long 100 mita tasol.

Bikpela samting em kol main i bin bagarapim tru kantri sait bilong Wales. Olgeta hap i bin luk blak na i no gutpela tru.

Tasol bikpela wok i go insait long planim ol gras, diwai na sanapim ol turis senta.

Ol samting i kos moa mani, tasol hatwok i kisim bek plani hap graun em i ken stap nating

sapos nogat kain hatwok i kamap.

Tude ol bisnis wok i go insait nau long ol dispela eria wantaim turis bisnis.

Dispela em wampela bikpela skul Papua Niugini i ken bihainim.

Wantaim planti samting bilong graun na solwara we i no bagarap yet, na tu kainkain developmen i wok long kamap nau olsem bilong maining, katim timba na painim pis, ating mipela mas redi nau long lukautim envaironmen.

Mipela mas developim ol dispela risoses long kisim mani na developim kantri.

Wampela longlong man bai tok olsem mipela i no inap developim ol.

Tasol mipela mas lainim tu na redi long kisim bek ol dispela samting olsem planim diwai, lukautim wara long ol pis i kamap gen na kisim gen ol bus graun em maining wok i bagarapim.

**Cardiff kamap olsem turis senta**

Bris bilong Cardiff siti em ol sip save sua i bin bagarap na stap nating. Ol olupela haus wantaim ros ain nabaut i stap yet.

Tasol wok i kamap nau long ol dispela hap olsem wampela bikpela turis eria bilong bihain taim. Ol bikpela haus kaikai, haus slip, ples bilong ol pikinini long pilai na lukluk raun na sampela moa bai kamap long hap.

# Lukautim na klinim Mosbi

## Em i dua bilong Papua Niugini

YUMI olgeta save olsem Mosbi em i bikpela siti bilong Papua Niugini. Na tu em dua bilong go insait long Papua Niugini.

Olgeta manmeri husat i save kam long PNG, mas kam long Mosbi pastaim bihain ol i ken go long ol arapela ples insait long kantri. Olsem na yumi mas save olsem wanem samting dispela ol lain i lukim long Mosbi, ol bai kisim dispela tingting olsem olgeta hap bilong Papua Niugini i wankain olsem Mosbi.

Nau long dispela taim, Mosbi i no luk olsem wanpela kapitel siti. Long wanem olgeta hap yu lukluk pipia i pulap. Skin bilong buai, ol plastik plai nabaut na ol kainkain pipia i slip aobaut arere long rot. Fran, baksait na arere bilong ol stua i pulap long spet buai na ol kainkain grafiti.

### ELIZABETH LENY i raitim

Bai yumi mekim wanem. Larim dispela ol samting long go het na siti bilong yumi bai bakarap moa? Sapos yumi lukluk gut ating i no long Mosbi tasol, biktaun bilong olgeta provins i wok long bungim dispela kain hevi. Bikpela tru i stap long Mosbi.

Insait long siti i gat moa long 160,000 manmeri na pikinini istap. Dispela i no ol asples Motu Koitabu pipel tasol. Nogat. Em ol lain long olgeta provins bilong Papua Niugini. Na tu dispela siti i gat planti moa manmeri bilong narapela kantri husat i kam stap na wok long PNG.

Traim tingim wanem samting dispela ol ovasis lain i save tingting na tok taim ol i save kam lukim bikpela siti

bilong yumi i deti olsem. I tru olsem sampela bai tok dispela em i no Australia, em Papua Niugini ya, yumi ken stap olsem yumi laik.

Yes em i tru. Tasol tingim 1995 bai kantri i amamasim 20 indipedens bilong en. Dispela min olsem waitman pasin i kam stap inap 20 yia pinis. Na em i taim yumi save long pasin bilong klinim ples, lukautim ples, lukautim yumi yet na lukautim ol developmen na projek i wok long kamap insait long ol ples bilong yumi. Tasol i luk olsem pasin waitman i no kisim yumi gut yet.

Sait bilong helt tu em wanpela bikpela samting. Pasin bilong tromoi ol pipia nabaut em wanpela bikpela hevi tru. Wanpela piksa em long ol maket ples bilong yumi. Dispela ol maket olsem Tokarara, Koki,



• Sief bilong NCDC Parks na Gadens, Sibona i givim presen i go long NCDC Deputi Siti Menesa, Kumaraswamy Arasaratnam. Ol arapela wokman bilong NCDC i sanap lukluk.

Godens na ol arapela maket insait long

Mosbi.

Long Tokarara bai yu lukim ol pipia i kam ausait olgeta long rot.

### PNG laki long nogat bikpela sik

Papua Niugini i laki tru olsem nogat ol bikpela sik i save kamap namel long ol pipel. Yes em i tru.

Tasol i gat wanpela taim sapos wanpela bikpela sik i kamap, bai i no long taim bai olgeta manmeri i kisim dispela sik. Sik i ken spred long dispela ol pipia nobaut. Flais na win em tupela rot bilong bilong kisim sik. Olsem na moabeta yumi traime long lainim ol pipel long lukautim siti na long wankain taim yet lukautim ol yet.

Nau em i taim taim we yumi mas kirapim dispela pasin bilong lukautim siti na ol ples yumi stap long em. Kirapim pasin bilong tromoi pipia long stretpela ples. Kirapim pasin bilong wokim ol wok luksave long wanem gutpela samting bai kamap sapos siti na ples yumi stap long em i klin. Na long wankain taim yet ol pipel i ken lukautim ol yet.

Sampela ol grup i kirapim pinis dispela ol kain wok. Ol siti hol husait i save wok aninit long NCDC. Dispela ol lain i save lukautim siti long planim ol diwai, plawa, rausim ol pipia. Bihainim dispela ol wok

bilong ol, ol i bin kisim namaba wan prais long Stetori eksibit long Mosbi So. Las wik ol i bin presentim dispela prais i go long namba tu siti menesa bilong NCDC long putim long bod rum bilong ol long soim gutpela wok bilong

pipia. Tasol sapos ples i gat pipia, ol pipia bai tromoi moa pipia long wanem ol bai tok ples i deti pinis na mi ken tromoi pipia. Yumi mas traime stapim dispela kain ol tingting na kirapim tingting bilong lukautim siti na ples

**Kirapim pasin bilong tromol pipia long stretpela ples. Kirapim pasin bilong wokim ol wok luksave long wanem gutpela samting bai kamap sapos siti na ples yumi stap long em i klin.**

Ol arapela grup husat i save wokim dispela ol wok em ol yut na ol studen. Dispela ol lain i save mekim gutpela wok long klinim siti na mekim i kamap gutpela bilong olgeta manmeri. Tasol planti bikman meri i no save luksave long dispela kain ol wok ol yut na ol studen i save wokim. Na tu planti ol pipel i save tromoi pipia yet long ol rong hap.

Bai yumi lukim olsem sapos ples i stap klin ol pipel bai no nap tromoi pipia. Ol gat dispela tingting olsem ples i klin na mi no ken tromoi

bilong yumi.

Wanpela gutpela samting em i ken kamap sapos yumi gat klinpela siti na ples em bai yumi kisim planti turis i kam insait long kantri. Long dispela wei bai ol i kam lukluk raun na bringim planti mani i kam insait long kantri. Na bai yumi kirapim planti gutpela samting insait long kantri. Long dispela taim we yumi wok long bungim hevi long sait bilong mani. Na long wankain taim yet yumi helpim yumi yet long sait bilong helt.

## Baha'i Faith

### Stap 40 yia olgeta long PNG

Long 1960's em i nambawan taim tru mi bin harim olsem Bahai Bilip long Baluan Ailan na tingting bilong mi i bin pas olsem i gat dispela lotu i save skulim olgeta lain na ol manmeri wankain. Ol manmeri i bin lukim mi go na kam na kaikai wantaim ol waitman na ol i tingse mi long long tasol long dispela taim em ol kiap, bisnisman na misinari ol tambuim ol blakman na waitman long bung wantaim. Baha'u'llah singaut long ol manmeri long bihainim law bilong en maski pastaim i bin gat liklik lain harim tok bikos long taim i kam olgeta pipel bai bihainim tok olsem tasol long ol lotu we i bilong God i bin kam pastaim.

Mi bin laik tru long statim Bahai bilip long Baluan tasol ol pipel i bin tokim mi olsem i gat lo i stap long ol nupela lotu. Bihain taim mi bin go long Kavieng na Rabaul mi save olsem dispela tok i no tru. Mi bin go bek long Lorengau mi baim \$6.00 na registerim Bahai bilip long Manus Province em mas long 1965.



Silikara Buai,  
Baluan, Manus Province

Long 1992 ol bin askim mi long markim ol Bahais long Papua Niugini long olgeta hap long dispela world bai bung wantaim long amamasim 100th Annivesari long Baha'u'llah em holi yia bilong Bahai. Dispela em wanpela bikpela trip mi bin raun na laikim tru mi save long laif bilong mi. Mipela i bin raun long olgeta hap long Israel na lukim ol ples i holi na ol narapela bikpela ol lotu tu. Bahai long olgeta hap long kantri long dispela graun bin bung long Vineyard of the Lord em long Mounten Carmel. Mipela lukim ol holi ples bilong Baha'i bilip wankain olsem ples heven long dispela maunten i singautim olgeta pipel long dispela world long kamap wanpela.

*Wanpela God \*Wanpela Man \*Wanpela Lotu*



# Ol meri mas daunim pasin bilong bel nating

## ELIZABETH LENY i raitim

NAU long dispela taim insait long ol bikipela institusen na long ol hai skul bilong mipela, planti bilong mipela ol meri i no save pinisim gut skul. Long wanem mipela i save kisim bel nating na lusim skul.

Bai yumi mekim wanem? Larim dispela pasin long go het? Dispela pasin i wok long kamap olsem wanpela samting nating. Na i wok long kamapim ol narapela hevi long sait bilong edukesen na helt. Bihainim dispela, i gat brekdaun long edukesen long sait bilong ol meri. Na tu i wok long givim hevi long sait bilong helt tu.

### Marit no kamap gut

Bai yumi lukim olsem planti ol lain husat i save bungim dispela kain hevi long skul i no save marit gut. Planti bilong dispela ol hevi i save kamap insait long ol bikipela skul bilong yumi i go inap long ol liklik meri long hai skul.

Yumi save karim hevi i go bek long trangu papamama bilong yumi. Na i luk olsem planti papamama nau insait long Papua Niugini i wok long tingting tupela taim long salim pikinini meri bilong ol i go long skul.

Ol papamama long ples tu i no

laik salim pikinini meri go long skul. Bikos ol i nogat bilip long ol pikinini meri bilong ol. I luk olsem em i wanpela samting tu i wok long kamapim dispela hevi bilong brek daun long edukesen insait long kantri bilong mipela. Taim pikinini meri i no go long skul na i go bikipela na marit, em i no inap long lukautim famili bilong em gut. Dispela em long pasin bilong lukautim famili gut long abrusim sik sua, kaikai gutpela kaikai na ol kain samting olsem.

Insait long wanpela bung bilong ol nes, i bin gat wanpela wok painimaut olsem planti meri husat i save kisim pikinini bilong ol i go long haus sik i no save long ol liklik samting long helpim stapim pikinini bilong long kisim sik.

Insait long wanpela wok painimaut em wanpela grup bilong ol meri i bin karimaut, ol i painimaut olsem pesen bilong ol meri husat i marit i winim gred six tasol. Dispela i min olsem plantimeri i no save winim gred 6 na i save marit.

Dispela em i wanpela bikipela hevi tru. Bikos planti bilong dispela ol meri i no save long dispela ol liklik samting olsem famili helt. Na taim ol i no inap helpim famili bilong ol yet na abrusim sik, yumi

save gat planti ol sikman meri na pikinini.

Em nau gavman i save tromoi mani long baim marasin. Olsem bai yu harim planti ol lain i save tok

**Na i luk olsem planti papamama nau insait long Papua Niugini i wok long tingting tupela taim long salim pikinini meri bilong ol i go long skul**

long inglis olsem "prevention is better then cure". Olsem na sapos ol meri i laik helpim ol yet, ol i mas traim na daunim dispela ol hevi na kirapim bilip bilong papamama bilong ol.

I nogat rong long toktok na skelim ol hevi i wok long bungim yumi

ol meri bilong dispela taim. Long wanem yumi yet husat bai kamap ol mama na lida bilong bihain taim Ol meri mas daunim dispela pasin bilong kisim bel nating. Long wanem em i wok long wokim yumi kamap olsem ol samting nating. Ol meri i no ol samting nating. Bikos ol i strong bilong famili.

Taim yumi toktok long helt bilong ol meri, yumi no toktok long ol mama tasol. Nogat, yumi toktok long olgeta meri. Ol dispela stap long skul, ol wokmeri, ol mama stap long haus na ol mama na ol yangpela meri i stap long ples.

Na taim yumi toktok long helt, yumi no toktok long pasin bilong lukautim skin bilong yumi tasol. Yumi toktok long ol wanem kain tingting yumi save gat. Tingting bilong sindaun gut, tingting bilong skul gut, tingting long soim gutpela pasin long ol arapela. Em dispela olgeta bungim wantaim yumi kolim helt bilong ol meri.

Long dispela taim, olgeta samting i wok long senis. Ol tumbuna pasin bilong yumi i wok long senis.

Tingim kain samting olsem prenamel long tupela yangpela manmeri long taim bipo em i wanpela bikipela samting tru. Tasol nau long dispela taim, dispela ol samting i olsem samting nating.

## Stiam ol pikinini long stretpela rot

Long wanem ol pikinini i lukim long televisen, ritim long niuspepa na harim long redio. Bai yumi mekim wanem? Yumi no inap stapim ol pikinini bilong yumi. Yumi mas traim helpim ol long go long stretpela rot. Tokim ol long mining bilong dispela ol samting na stretpela tingting bilong ol, em wanpela wei bilong helpim ol yangpela pikinini. Na taim ol i go bikipela ol save long lukautim ol yet gut. Taim i wok long senis na moabeta ol papamama i toktok wantaim ol pikinini bilong ol long dispela kain ol samting. Long wanem taim yumi wok long haitim dispela ol samting long ol pikinini, ol yet i bai traim painim as bilong dispela ol samting. Em nau ol i save bungim hevi.

Taim ol niupela wei na olpela wei i kam bung wantaim, planti hevi i ken kamap. Olsem na edukesen em i wanpela bikipela samting. Em i bikipela tru long sait bilong ol meri long wanem long olpela wei, ol meri em ol samting nating. Na sapos ol meri i nogat gutpela edukesen long wanem wei bai ol i kirapim ol gutpela famili? Long dispela taim ol meri i gat rait long kisim edukesen olsem ol man. Olsem na ol meri i no ken karim ol narapela samting i banim rot bilong yupela long kisim senis.

# BIRUA MAN

## MAN LONG GIVIM BIRUA LONG OL RASKAL

SIMON NA DANIEL KISIM SKUL RIPOT PINIS NA RAITIM SAMPELA PAS LONG PAINEM WOK LONG TAUN...



SIMON EMI HAMAMAS ...

MI LAIK SAVE HAU MAS MONI MI BAI KISIM ...



DANIEL EMI BEL HEVI

MI INAP LONG PAINEM WOK O NOGAT



TUPELA MANKI I SELIM OLPAS IGO...



...NA WET LONG OL KAMPANI LONG BEKIM PAS ...

STORI LONG NEKS WIK... WANPELA PAS LONG TAUN...

# MUSIK NA TELEWISEN

## PAPUA NIUGINI



# TRIBESMEN

Basil Greg na Robert Oeaka bung gen

NEVILLE CHOI i ratim

**TAIM ROBERT OEAKA** i lusim Hollie Maea pawa ben bilong Mosbi long stat bilong dispela yia, em i go na bung gen wantaim olpela fran man bilong Hollie Maea Basil Greg na tupela i kamapim wanpela nupela grup em ol i kolim Tribesman.

Ben ya em ol ibin kamapim long las yia na ol i save rekot aninit long CHM studio long Mosbi. Tribesman i kamap gut tru wantaim ol nem musikman olsem Oscar Kairi (olpela Hollie Maea), Stev Kairi (olpela Hollie Maea) Garry Vaibua na david Vaive na Ray Akiss bilong B Jaccs, ol lain ya i bin raun long Nu Silan long las yia long indipendens na pilai long planti ol bikpela show. Greg wantaim Oeaka yet i stap long singim olgeta singsing.

Bihain tasol long ol i pilai long Mosbi Show, grup ya nau i stap long vanuatu long tripela wik raun bilong ol. Raun bilong ol i go long vanuatu i kamap tru taim ol lain bilong Christian Council Project bilong Vanuatu i


askim ol long go pilai long mekim mani bilong Bislama baibel bilong ol.

Grup ya i bin go daun olsem long Brisbane na go olgeta long Port Vila na taim ol i kam bek bai raun i wankain.

Namba wan pilai bilong ol i bin kamap long las wik long Korma Stadium na planti manmeri tru i bin kamap long lukim. Bihain long dispela ol bai pilai long olgeta hap long vanuatu olsem Tanna, Malekula, Santo Twon, Vila Ailen na tu ol bai raun na lukluk long Yasur Ailen. Ol bai kambek long PNG long July 3.

As tingting bilong ben ya long raun bilong ol em long mekim musik bilong PNG i go bikpela long ol nara-pela hap bilong Pasifik. Ben ya tu i singaut long ol narapela musikman insait long kantri long traun na mekim ol yet i kamap bikpela na autim stail bilong ol.

Ol ben lida, Basil Greg i tok; "Olgeta man i gat sans long go long ovasis. Yu mas soim strong bilong yu yet long musik na yu gen go. Nogat wanpela samting i hat. Olgeta



samting em bilong traun tasol.

Man husat bai go wantaim ol tu em Vincent Greg husat i senisim laip pinis na em bai pilaim bes gita bilong ol long putim gospel musik i go insait long raun bilong ol tu.

Grup ya bai makim wanpela taim yet wantaim CHM long katim namba wan kaset bilong ol maski Basil na Oeaka i solo atis. Bilong wanem na ol i

kisim dispela nem tribesman, ben ya i tok olsem ol i gat kainkain kalsa.

Basil Greg i tok olsem kain musik ol bai lukluk em Reggae long wanem dispela i wok long kamap bikpela nau insait long kantri.

Dispela tupela man Greg na Oeaka bai mekim planti manmeri moa i laikim kaset bilong Tribesman taim tupela i bung wantaim.

# I KAM LONG Ela Motors OL WIL BILONG NESEN

### AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- 1 (1) Another Night M.C Sar and the Real McCoy (BMG)
- 2 (2) The Hit List Cliff Richard (EMI)
- 3 (10) Dookie Green Day (WARNER)
- 4 (5) No Need to Argue The Cranberries (ISL/POL)
- 5 (1) Hi Fi Way You Am I (roo/WAR)
- 6 (4) Smash Offspring (SHOCK)
- 7 (9) The Celts Enya (WARNER)
- 8 (6) Pulp Fiction Soundtrack (MCA)
- 9 (12) Vitalogy Pearl Jam (EPI/SONY)
- 10 (3) Janet Janet Jackson (VIR/EMI)

### LONDON TOP TEN SINGLES

- 1 (1) Think Twice Celine Dion/Epic
- 2 (5) Don't Give Me Your Life Alex Party/Systematic
- 3 (2) I've Got A Little Something For You MN8/Columbia
- 4 (16) Push The Feeling On '95 Nightcrawlers/ffr
- 5 (21) The Bomb! (These Sounds Fall..) Bucketheads Positiva
- 6 (3) No More I Love You's Annie Lenno/RCA
- 7 (8) Reach Up Perfecto Allstarz/Perfecto
- 8 (7) Set Me Free N-Trance/All Around The World
- 9 (4) Bedtime Story Madonna/Maverick
- 10 (-) Wake Up Boo! The Boo Radleys/Creation

### USA TOP TEN SINGLES

- 1 (1) Creep TLC LaFace Gold
- 2 (2) On Bended Knee Boyz II Men Motown
- 3 (3) Another Night Real McCoy Arista Gold
- 4 (4) Take a Bow Madonna Maverick-Sire
- 5 (4) Always Bon Jovi Mercury Gold
- 6 (7) You Gotta Be Des'ree Music
- 7 (8) Before I Let You Go Blackstreet Interscope
- 8 (9) Sukiyaki 4 PM Next Plateau
- 9 (6) Here Comes the Hotstepper Ini Kamoze Columbia Platinum
- 10 (10) I'm the Only One Melissa Etheridge Island

# EMTV TELEWISEN

# PNG TOP TWENTY

THURSDAY 18TH MAY, 1995


FRIDAY 19TH MAY, 1995

SATURDAY 20TH MAY, 1995

5.30 STATION OPEN  
5.47 TRANSMISSION OPEN  
6.00 ITN NEWS  
6.30 DAYBREAK NEWS  
7.00 TODAY SHOW  
9.00 STATION CLOSE  
9.01 PROGRAM HIGHLIGHTS  
2.57 TRANSMISSION RESUMES  
3.00 KIDS KONA  
4.00 THE BOOK PLACE  
4.30 HOT SCIENCE  
5.00 WONDER WORLD  
5.28 EMTV TOK SAVE  
5.29 EMTV NEWS BREAK  
5.30 HOME AND AWAY (G)  
6.00 NATIONAL EMTV (G) NEWS  
6.30 A CURRENT AFFAIR (G)  
7.00 SALE OF THE CENTURY LOTTO DRAW  
7.28 NEIGHBOURS  
8.00 FIZZ  
9.00 CATS & DOGS  
9.30 THE FOOTY SHOW  
10.30 A CO PRACTICE  
11.57 MEDITATION WITH PASTOR WALO ARNI  
12.00 STATION CLOSE

5.30 PROGRAM HIGHLIGHTS  
5.47 STATION OPEN  
6.00 ITN NEWS  
6.30 DAYBREAK NEWS  
7.00 TODAY SHOW  
9.00 STATION CLOSE  
9.01 STATION RE-OPEN  
2.53 TRANSMISSION RESUMES  
3.00 KIDS KONA  
4.00 THE BOOK PLACE  
4.30 HOT SCIENCE  
5.00 WONDER WORLD  
5.30 HOME AND AWAY  
6.00 NATIONAL EMTV NEWS  
6.30 A CURRENT AFFAIRS  
7.00 SALE OF THE CENTURY LOTTO DRAW  
7.28 NEIGHBOURS  
8.00 AUSTRALIA'S FUNNIEST HOME VIDEO SHOW  
8.30 FRIDAY NIGHT FOOTBALL  
10.52 EMTV TOK SAVE  
11.00 RAVEN  
12.00 NATIONAL EMTV NEWS REPLAY  
12.27 MEDITATION WITH PASTOR WALO ARNI  
12.30 STATION CLOSE

11.00 PROGRAM HIGHLIGHTS  
11.27 TRANSMISSION OPEN  
11.30 THE WONDERFUL WORLD OF DISNEY  
12.30 CENTURY 21 REAL ESTATE GUIDE  
1.00 WIDE WORLD OF SPORT  
5.00 BEYOND 2000  
6.00 NATIONAL EMTV NEWS  
6.30 HEY HEY ITS SATURDAY  
8.30 NCDC NEWS  
9.00 WRESTLING  
10.00 GILLETTE  
10.30 MARRIED WITH CHILDREN  
11.00 LOVE & WAR  
11.57 MEDIATION WITH PASTOR WALO ARNI  
12.00 STATION CLOSE  
SUNDAY 21ST MAY, 1995  
7.20 PROGRAM HIGHLIGHTS  
7.50 TRANSMISSION OPEN  
7.52 CHIT CHAT WITH SIR PAULIAS MATANE  
8.00 BUSINESS SUNDAY  
9.00 SUNDAY  
11.00 WIDE WORLD OF SPORTS



12.00 THE FOOTY SHOW  
1.00 GOLF SHOW  
1.30 'LUMEN 2000  
2.00 MUSIC AND THE SPOKEN WORLD  
2.30 MAGAZINE PROGRAM  
3.00 BONANZA  
4.00 SPORTS SUNDAY  
6.00 NATIONAL EMTV NEWS  
6.30 SUNDAY NIGHT FOOTBALL  
7.30 60-MINUTES  
8.30 SING WITH JOY  
9.00 SUNDAY NIGHT MOVIE  
10.50 CHIT CHAT WITH SIR PAULIAS MATANE  
11.57 MEDITATION WITH PASTOR WALO ARNI  
12.00 STATION CLOSE


AS AT 20/5/95

NO.	SONG	ARIST
3	(1) Rama Eno	Tarikana
1	(2) Confuse Mangi	Jr. Kopes
9	(3) Butterfly	Hollie Maea
2	(4) Rabaul I Tapnang	Charles Kitovon
5	(5) Tariga Iau	Painim Wbk
4	(6) Dust Over Rabaul	Wong/Bowman
6	(7) Kantri Blong Yumi	Reks Band
14	(8) Red Eyes	JR Kopes
7	(9) Pulim Win	Greg/Telek
10	(10) Wopa Country	Bongas
11	(11) Rabaul Town	Barike
8	(12) Elisa	Sauga Band
12	(13) Swit Heart	Painim Wbk
13	(14) Gomang Na	Bongas
15	(15) Lalohadai	Dokona
16	(16) Bagawauraidia	Dokona
0	(17) Rabaul Mi Cry	Basil Greg
17	(18) Ia Anna	Raymond Rangatin
19	(19) Hungara Singa	Crew 5
20	(20) Askom Askom	Chako Chako

\* Ratings based on requests on Radio Kalang and not cassette sales.

# ELA MOTORS - OL WIL BILONG NESEN

# Masalai pulim meri tru



BIPO bipo tru long bikples Supa i gat planti manmeri tru. Olsem na ol pipel i bruk i go long tupela hap na kamapim tripela liklik ples olgeta ol i kolim lwam.

Long lwam namba tri i gat wanpela yangpela kum katim meri stret. Nem bilong dispela mer me Oilmill. Planti yangpela man i save askim laik long maritim Oilmill. Tasol Oilmill i nogat laik long ol.

Oilmill i gat laik long wanpela yangpela man insait long ples. Tasol em i no autim tingting bilong em.

Planti mun yia i go pinis na man ya i kamap bikpela. Oilmill aksim laik long man ya. Man lewa bilong dispela man i pas olgeta.

Man i no wet, hariap tru em o tokim famili na ol i redim bikpela kaikai tru. Na kisim i go long lain bilong Oilmill.

Dispela nait em i martim Oilmill na ol i mekim bikpela pati tru i go inap tulait.

Bipo long taim bilong tumbuna em ol masalai bilong bus i save wokabut ples klia. Ol manmeri i gat kain kain pawa.



Klostu long ples i gat wanpela masalai man husat i save stap long wanpela raun wara long Bakraleh. Nem bilong masalai i bihainim nem bilong dispela raun wara.

Dispela masalai man tu i save putim ai stret long Oilmill. Nai i laik martim em stret.

Em i no wari olsem Oilmill i maritim pinis long narapela man. Yu save pasin bilong ol masalai ya, ol i gat wara nogut bilong pulim meri.

Orait wanpela de olgeta manmeri long ples i bung na i laik mekim bikpela pati. Bipo long taim bilong tumbuna em pati i save kamap klostu klostu.

Na Oilmill i bin sik mun o kisim sik bilong meri long dispela taim. Em wanpela i kirap na go insait long bus long painim lip bilong wel banana na go bek long

haus.

Na masalai man nogut i lukim em pinis na bihainim. Em bihainim i go kamap long ples na tanim olsem man bilong meri ya. Dispela taim em tudak pinis.

Isi tasol em i go insati long haus na slip wantaim Oilmill. Oilmill ting olsem em man bilong em.

Bihain long dispela, olgeta nait masalai man i save kam long nait na Oilmill. Bikos man bilong Oilmill i save slip long haus boi wantaim ol arapel aman.

mekim i go na wanpela taim Oilmill i gat bel. Na olgeta nait taim man bilong Oilmill i laik slip wantaim meri bai meri i krosim em na tok, "Man yu save les tu o olsem wanem? Olgeta night yu save slip wnataim mi na mi les pinis. Mekim na mi gat bel nau.

Man bilong Oilmill i harim olsem na kalap nogut tru. Em kros na paitim nogut tru Oilmill. Bihain long dispela em lusim haus na go slip long haus boi.

Narapela de long san em redim gut tru tumbuna spia wantaim bunara na ston tamiok bilong em. Em redim pinis na wetim tudak.

Tudak i kamap na isi tasol em i go putim was long haus meri tasol i save stap long en. Em putim yau na harim oslem Oilmill i stap wantaim wanpela man.

Em i go sanap long dua na opim. Man em i kalap nogut long lukim het bilong wanpela bikpela snek i was i stap. Na tel bilong snek ya i wok long pilai wantaim meri ya.

Em guria na lusim olgeta spia wantaim bunara na ston tamiok bilong em. Em spit i go

kamap long haus boi na kirapim olgeta man. Ol i kam bek tasol masalai man ya husat i bin tanim olsem snek i lus pinis.

Isi tasol ol i go bek na slip. Long moning Oilmill i kirap na pilim sem nogut tru. Em save pinis olsem wanpela masalai man i save kam slip wantaim em na i no man tru bilongem.

Olgeta bikman long ples i pasim tok na bungim kaikai. Ol bungim kaikai pinis na kisim Oilmill wantaim ol kaikai i go kamap long raun wara masalai man i save stap long en.

Ol i putim olgeta kaikai pinis na givim wanpela retpela bal bilong wanpela wel diwai. Long tokples mipela save kolim dispela diwai oslem pandi.

Olgeta manmeri i go bek long ples. Wanpela man tasol i stap bek. Man ya i go antap long wanpela diwai na lukluk i stap. Oilmill i holim retpela wel bal na sanap arere long raun wara.

Em sanap i go na i no longtaim hai wara i kamap na kisim em. Na wel bal i trip antap long raun wara. Man antap long diwai i lukim na save pinis olsem masalai man ya i kisim pinis Oilmill.

Isi tasol em kam daun na wokabut i go bek long ples na tokim ol manmeri.

**Thomas Kere  
Box 21 Kimbe.**



■ Kik resis bilong Momase Rijonol Soka Tonamen i kamap long "Ples bilong Paradais" (Vanimo) na Kanage lusim ples bilong em long Wali Kantri long Madang na go long lukim kik resis bilong tonamen. Kanage em i nupela tu long Ples bilong Paradais. Na em i go stap wantaim wanpela kasen susa bilong em. Em i go stap na long arapela de em i go lukim pilai.

Em lukluk long pilai stap na lukim wanpela kum katim sansain sitisen bilong Ples bilong Paradais i wokabut arere long pilaigraun. Taim Kanage tupela ai bilong Kanage i pas long pes bilong dispela kum katim resa ya, em i lusim tingting long nem na pes bilong prenmeri bilong em long Wali Kantri. Mekim na Kanage no inap tru long sindaun gut na lukim pilai. Ai bilong em i pas stret long meri ya.

Mekim i go nogat na Kanage strongpela skin, tingting na blut bilong em na wokabut i go stret long meri ya. Na tokim meri ya: Susa, plis mi nupela man long hia. Olsem na taim mi lukim yu, mi tingim stori bilong tumbuna man bilong mi tokim mi olsem Wes Sepik em ples bilong paradais. Na taim san i laik go daun, ples i save paia lait stret. Wankain tasol, nau yu kukim mi stret wantaim dispela paia bilong san.

Meri ya sanap isi tasol na harim toktok bilong Kanage. Taim Kanage i pinisim toktok bilong em, meri ya i tokim Kanage: Yu no man ya. Kisim stret bun bilong papa bilong yu na yu bihainim stori bilong tumbuna bilong yu na yu kam kamap long ples bilong san i ret. Tasol mi mas tok klia stret long yu olsem: Taim rot bilong san i op long i go daun, ples i save ret na hot. Olsem yu yet skelim nau, yu laik ekspiensim orait em samtling bilong yu.

Kanage kirap na tokim meri ya olsem: Plis, no yu ken tok olsem. Nogut hotpela paia bilong san i kukim poret bilong mi na bai mi dai na stap insait foreva.

**Kanage Yet  
VANIMO**

□ Kanage i bilong Manus. Wanpela nait em i paulim prenmeri bilong wanpela boi Tolai. Na boi Tolai painim aut na tupela i mekimsave long kros i go i kam. Prenmeri bilong boi Tolai ya em i hapkas Manus na Tolai. Tupela i no isi isi long kros na tok nogut. Tupela pinisim tru olgeta tok nogut tupela i save na i ken tingim. Mekim na planti manmeri tru i kam bung na lukluk long tupela i stap.

Tupela kros i go na boi Tolai ya kirap na tokim Kanage: Yu harim, yu wanpela lus man stret. Yu save long lus, em ya, wankain olsem lus mutrus na smok ya. Kain bilong yupela ol Manus. Mauswara nating nating na ol man bai ting olsem yu wanpela fit manki. Samting tru, yu wanpela wawa (geligeli). Kanage sem nogut tru long boi Tolai ya i tok olsem long em. Na Kanage kirap na tokim dispela boi Tolai: Yu save pinis, manki Manus em i no save wau. Maski paia bilong maunten paia i ret na hot ol saveman bilong maunten paia i pret long go insait na sekim, boi Manus i gat nem. Em i go insait tru long maunten paia na sekim olgeta samting pinis. Boi Manus i no go insait nating. papagraun bilong maunten paia yet i tokorait na opim dua bilong maunten paia na em i go insait.

**Tambarang Nogut  
MANUS**

## Promis bilong marit em i wanem samtling?



**Dia Laiplain,**

Plis inap longpela tok klia long mi long wanem samtling em i promis na pasim toktok long marit. Bikos planti yangpela pipel i save toktok long dispela tupela samtling.

Mi gat wanpela boipren na mitupela i wokim wanpela promis long wanpela na arapela.

Planti yangpela meri save wokim promis long boipren bilong ol. Tasol sampela i save wokim promis na wokabut raun wantaim ol arapela yangpela man. Wankain samtling i save kamap long tokorait bilong marit.

Dispela tupela samtling i min wanem samtling?

**Dia pren,**  
Tingting bilong promis na pasim toktok long marit i narakain long

wanwan eria long tredisen bilong Papua Niugini. Papamama i save stretim toktok na

ol samtling bilong marit taim ol i save olsem tupela yangpela i gat bikpela tingting long marit. Traim na toktok long papamama bilong yu na painim aut tupela i ting wanem long dispela tupela samtling.

Tude, ol yangpela pipel i save lusim tingting long tredisen bilong ol. Taim wanpela yangpela man na meri save long tupela yet longpela taim na tupela i luksave olsem tupela i gutpela long kamap patna bilong wanpela na arapela, tupela i save pasim toktok na tokorait long marit. Namba wan samtling, tupela i save toksave long famili na ol arapela lain wanpisin

bilong tupela olsem tupela i gat plen o tingting long marit.

Kristen promis i save kamap taim wanpela yangpela man na meri tokim God long fran bilong wanpela sios minista, pater o pasto na tu long pablik olsem tupela i givim laip bilong tupela long God. Na tu tupela i givim tupela yet long wanpela na arapela inap long laiptaim bilong tupela long dispela graun.


Taim wanpela man na meri gat bikpela na strong tingting na plen long marit, dispela i min olsem tupela bai marit. Wanwan bilong tupela i nogat tingting long painim arapela patna.

Sapos tupela i wokim promis long taim tupela i yangpela yet, tupela i ken wokabut raun wantaim ol arapela yangpela manmeri. Tasol dispela i ken kamapim ol hevi.

Olsem na em i moa gutpela long ol yangpela manmeri long no ken wokim promis inap long taim ol i gat strongpela tingting na laik marit na stap pas wantaim patna bilong ol. Dispela i ken kamap sapos tupela i bungim planti arapela man/meri na painim aut na skelim husat tupela i laikim tumas long kamap patna bilong tupela.

**Mi Laiplain**

**Sapos yu gat hevi, rait i kam long LAIPLAIN, P.O. box 6047, Boroko. o yu ken ring i kam long dispela namba 26 0011. Mipela bai no inap putim trupela men bilong yu.**



# Big Bro **REBO**



TONY HANGERE TRU NA INO ISI LONG KAIKAI...

BAI YU DRING TU? BIA I STAP!

WET! MI KAIKAI PASTAIM YAH!



AAH! NDU MI REDI TRU LONG DRING BIA..(WHEW) BELI TAIT YAH!

EM NAU!



HEY, AUDA! KARIM TRIPELA KOL BIA I KAM... ANKOL TONY I REDI NAU LONG DRIN!

OKE PAPS!



3-PELA KOL BIA I REDI NA KAM NAU!!



LIMN! GULP! BIA TU I GO DALIN CUT TRU, YAH!

22 MAN! OLSEM WARA STRET!

GLUG! GLUG!



HEY, AUDA! KARIM WANPELA I KAM... DIPELA I GAT HUL YAH?

!?!



# Spak **MAIK**



ESTA TOKIM MAIK OLSEM TUPELA MAS GO LOTU...

TUMORA EM SANDE, YUMI TUPELA MAS GO NA HARIM CUT NIUS BILONG GOD!

SNIFF!... WAI NA MI BON...!



NEKS DE... ESTA I FOSIM MAIK NA TUPELA GO LOTU LONG FESTAIM TRU...

MILES! MI LES PINIS LONGEM!!



INSAIT LONG HAUS LOTU MAIK I SINDALIN NA AI SILIP...

UH-HO... YAWN...



INO LONG TAIM NA BAGIA I STAT LONG PULIM WIN...

222  
222  
222



NAU EM DRIMAN...

... MINISTA MAIK EM I GUTPELA MAN... EMI SAVE HARIM TOK..



INSAIT LONG DRIMAN EM I LUKIM ESTA I KARAI ANTAP LONG WANPELA BOKS INDAL...

SOB... SOB... LEWA... WAI NA YU LUKIM MI... SOB...

ESTA...?!

# 60 manmeri kisim skul long Menyamya

VERONICA HATUTASI i raitim

PLANTI lain long Papua Niugini i nogat save long rit na rait. Na dispela em wampela as bilong developmen insait long kantri i no go het hariap.

Long nau, planti sios, meri, yut, NGO na ol arapela grup moa long kantri i wok hat tru long kari-maut ol awenes na progrem bilong givim skul long ol bikipela manmeri.

Long Menyamya distrik insait long Morobe provins 60 manmeri i redi nau long go aut na kirapim skul bilong ol bikipela manmeri long ples bilong ol.

Dispela em bihain long ol lain ya i pinisim wampela Literesi na Awenes kos bilong skulim ol bikipela manmeri we i kamap long Aseki insait long Kapau Sab distrik long las mun.

Menyamya seket wokmeri, Yakam Basi i bin go pas long kodinetim dispela kos wantaim helpim bilong Menyamya Asisten Komyuniti Developmen opisa, Sabine Schmidt.

Kos ya i bin sut long skulim ol lain long kamap tisa bilong ol bikipela manmeri na tu bilong lainim ol long daunim hevi long ples.

Kos ya i bin kamap gut tru na nau ol lain bai i kirapim 29 skul bilong ol bikipela manmeri insait long hap bilong ol.

Het tok bilong kos ya em "Presen Bilong mi em long Helpim Wantaim Rit na Rait."

Pasto Gelam bilong Luteran Sios long Kapau i bin pasim kos na putim gutpela stia long tok strongim ol nupela tisa ya long nupela nupela wok ol bai go bek long ples na mekim.

Tripela hetmeri long dispela kos em long Misis Schmidt, Morobe provinsal Literesi Kodineta, Bing Sawanga na Menyamya seket wokmeri Yakam Basi i laik strongim wok bilong ol meri. Pastaim ol i laik kamapim kos bilong ol mama tasol planti i sem yet na tu sampela man i no wanbel long ol meri i stap insait long kain kos long ples. Ol skul awenes tu i mas stap insait long rit na rait skul olsem helt na sevis bilong ol mama.

Olsem na long tripela de bilong tisa trening kos, ol kodineta na ol lain bilong Aseki sab helt senta i bin wokim skul bilong nutrisen o gutpela kaikai long famili, daunim sik long ples, lukautim gut bodi na skin, STD na sik nogut AIDS. Ol meri i bin gat bikipela laik tru long harim ol toktok long dispela awenes skul.

Long neks ya, wankain kos bai i kamap gen.



• Ol manmeri husat i kisim trening long skulim ol arapela long rit na rait long Menyamya, Morobe provins.

## Jiwaka pipel lain rausim blek maket

MICHAEL MONDA i raitim

WANPELA bikipela kempen i bin kamap long Jiwaka eria long Westen hailans provins long stapim ol manmeri long no ken salim bia long blek maket.

Dispela em bikos Westen hailans provinsal gavman i stapim bia insait long provins tasol planti manmeri i wok long go het na salim bia hait long ol blek maket.

Mausmeri bilong ol wimens grup insait long provins, Maria Mek Toroso i askimol manmeri husat i wok long salim bia long stapim dispela kain bisnis. Planti famili i wok long bagarap na planti skul pikinini i no kisim gut kaikai na slip gut long haus bikos long spak pasin i kamap bikipela.

Kiap bilong Banz distrik, Mista Nalan i askim ol

manmeri bilong Jiwaka long lukaut gut long wok-about bilong ol taim ol i holim botol bia.

Em i tok piksa olsem moa long 10-pela yia ol manmeri i wok long kontrolim bia long Simbu bikos ol spakman i no givim hevi long ol pablik manmeri long rot. Olsem na bia i stap longpela taim long Simbu provins.

Kaunsil Pita Ak i askim ol manmeri long Warakar insait long Banz eria long helpim ol loman na holim ol blek maket bisnis long Warakar.

Em i tok sapos ol manmeri i no hepim long stapim kain pasin bilong sampela gridi manmer husat i wok long hait na salim bia, bai planti trabel na hevi i kamap yet.

Dispela hevi tu i bringim wari long ol lidaman bilong Jiwaka eria olsem na ol i askim ol manmeri long wok bung wantaim ol loman long stapim dispela kain blek maket pasin.

## Moa sapot yet long senisim provinsal gavman

MOA sapot i kapsait yet long nesene gavman i mas senisim provinsal gavman sistem na kamapim lokal level gavman.

Wampela plisman long Gembol insait long Simbu provins, Juanis Wamuru i tok nesene gavman i mas rausim dispela provinsal gavman sistem. Bikos dispela sistem i no helpim tumas ol manmeri bilong Papua Niugini.

Mista Wamuru i tok moa long 10-pela krismas nau planti provinsal gavman sistem i kamap na stap. Tasol nogat wampela bikipela sevis o developmen ol i kamapim long ol pipel.

Em i tok olgeta yia nesene gavman i save brukim baset i go long wanwan provins. Tasol provinsal gavman i save holim gen ol dispela mani na brukim gen i go liklik na i no save inap ol hevi na wok bilong ol manmeri. Olsem na long dispela as,

provinsal gavman sistem i blokim sevis na developmen long go long ol pipel.

Plisman ya i tok sapos nesene gavman i pinisim provinsal gavman, nau bai ol manmeri i ken lukim mani i kam stret long ol long mekim ol wok wantaim. Na mani bai inap stret long het bilong wanwan manmeri long olgeta provins.

Em i tok provinsal gavman sistem i bin kamap na stap longpela taim pinis tasol ol provinsal memba i save westim mani na tromol mani long helpim ol yet. Ol tu i laik kamap olsem ol nesene lida na ron long gutpela ka, raun long hotel na ovasis na planti arapela kain amamas moa ol i laik kisim.

Nau sapos dispela senis i kamap, ol pipel yet bai bosim ol yet long sait bilong wokim disisen long brukim mani long ol wok helpim na projek bilong komyuniti.

## Eks plisman laikim pinis pe

PAULUS TALI i raitim

TUPELA olpela plisman i askim plis minista long lukluk insait long hevi bilong ol eks sevis plisman long kantri.

Tupela lapun plisman ya i tok nau planti olpela plisman i stap long ples na wetim yet pinis pe bilong ol tasol ol i no kisim yet.

Tupela i tok ol eks ami tasol i stat long kisim pinis pe bilong ol na ol plisman i nogat.

Tupela lapun ya em Peter Banande bilong Bogia long Madang

provins na Tom La'ai bilong Aitape long Wes Sepik provins. Tupela i bin stap long plis fos long 1959 na stap long plis fos inap 18 krismas olgeta bihain long tupela i risain na stap long ples nau.

Lapun Bananai i bin stap plisman long Goroka long 1958 na La'ai i stap plisman tu long Kila Bareks long Mosbi long 1959.

Tupela i tok ol yangpela plisman long tude i save kisim gutpela pe long potnait. Ol trangu i save kisim tasol K2.71 we i no inap tru long wampela samting. Tasol ol i save pasim tingting

tasol na go het long wok bilong ol.

Tupela i tok ol plisman i bin mekim bikipela wok tru long wol woa 2 long karim kago na samting long wanwan ples insait long kantri. Ol i mekim bikipela wok tru long mekim dispela kantri i kamap olsem nau.

Tupela i tok i no gutpela long ol ami tasol i kisim olgeta pinis pe bilong ol na ol lapun plisman i no gat yet.

Tupela i askim minisita bilong plis long lukluk insait long dispela hevi na stretim ol liklik pinis pe bilong ol eks plisman tu long kisim.

## Moa skul long rifom mas kamap

PROVINSAL memba bilong Kaironk long Madang provinsal gavman, Philip Gris i sapotim provinsal gavman rifom tasol em i laik ol komiti i mas go long wanwan ples na skulim gut ol manmeri long senis ya.

Mista Gris i tok em i kisim pes bilong ol Kaironk manmeri na tok rifom em gutpela. Tasol siaman bilong grup, Ben Micah na grup bilong em i mas mekim moa raun i go long ol ples na skulim planti manmeri moa long dispela senis.

Em i tok turangu ol manmeri ples i no klia olsem na Micah komiti mas tingting gut na no ken pusim rifom ya hariap. Bikos dispela rifom em bikipela samting tumas we bai i

kamapim bikipela senis tru long laip na sindaun bilong ol manmeri long Papua Niugini. Long dispela as, olgeta manmeri i mas save gut tru long wanem senis ol bai i go insait long en.

Mista Gris i tok i gutpela long kamapim rifom long sampela seksen bilong provinsal gavman tasol bikipela samting em awenes i mas go pas bai ol pipel i save long dispela senis.

Em i tok no ken ting long nau tasol na hariap muvim kain lo olsem long strongim interes bilong wan wan lain. Bikos kain senis i ken kamapim bikipela hevi long kantri long longpela taim bihain.

# Gavman yet salim Papua Niugini

**Dia Edita,**

Mi laik autim wari na bel hevi bilong mi i go long Praim Minista, Sir Julius Chan long pasin em i wok long mekim long ranim dispela kantri bilong mipela.

Long niuspepa mi ritim olsem Praim Minista bilong Papua Niugini i bin go raun long Australia na bungim Praim Minista bilong Australia long askim long helpim mani. Em i askim long kisim K40 milion antap long narapela K40 milion we i bungim kamap K80 milion olgeta.

Mi lukim dispela nius na mi sem tru bikos dispela i soim olsem kantri bilong mipela, Papua Niugini i no sanap long lek bilong em yet olsem independens kantri. Mipela i wok long krai yet long sapot na helpim i kam long ol arapela kantri.

Sir Julius Chan yet i as bilong

mani i sot long kantri na em yet i as bilong kamapim hevi long kantri long tude.

Mipela ol manmeri long Hagen i bin kisim bikpela taim tru long taim Sir Julius Chan na gavman bilong em i daunim strong bilong kina long kantri. Taim mipela i raun long stua, prais bilong ol kaikai na samting i go antap tru abrusim olpela prais. Na dispela i kamapim bikpela hevi tru long mipela ol liklik manmeri bilong Papua Niugini.

Mi save tingting planti gen bikos gavman i daunim strong bilong kina na apim takis na olgeta samting long kantri long traun pulim bek mani long ranim kantri.

Tasol watpo na Praim Minista i go raun gen long Australia na askim Australia long helpim wantaim K80 milion?. Nau gen Praim Minista i go raun long IMF na

Wol Beng long kisim moa dinau long ranim kantri.

Dispela i soim olsem Praim Minista bilong mipela yet i laik salim dispela yangpela kantri bilong mipela i go long han bilong ol bikpela ovasis kantri long ranim.

Dispela kain pasin gavman bilong mipela i mekim bai daunim ol planti manmeri bilong kantri i stap olsem nau yet. Ol bai wok hat long painim mani tasol ol bai sot long mani olgeta taim. Ol bisnisman bai stap bisnis lain yet na ol gras rut bai stap gras rut yet.

Em tasol wari bilong mi na husat arapela i gat ol gutpela tingting moa long tromoi antap em welkam tasol.

**Tanu Wati  
HAGEN**

## Ol Morobe brukim kristen pasin

**Dia Edita,**

Mi no amamas long wanpela pasin nogut i kamap insait long famili na komyuniti long sampela hap bilong Morobe provins. Olsem na mi laik autim long ples klia long ol man iken lukim na givim tingting bilong ol long em.

Mi save olsem ol sampela arapela manmeri, sios na gavman lain i save tu long dispela kain hevi i stap.

Orait, long Hube, Dedua na Mape pasin nogut i kamap we ol pipel ino tingim pasin kristen. Tasol ol i tingting long amamasim ol yet.

Planti famili long dispela tripela eria imekim pasin olsem ol animel.

Dispela em long man i slip wantaim susa, pikinini meri, pait kros na tok resis long daunim narapela famili. Pasin we ol dispela lain i mekim i soim long ples klia olsem ol ino pret long God na gavman. God i samting nating long ol.

Mi laikim ol lida bilong sios long luklukim pasin bilong ol kain lain olsem na kisim ol i go long han bilong plis na ol loman. Husat arapela manmeri i gat toktok long dispela samting, rait ikam tasol long *Wantok Niuspepa* na mi bai lukim

**Mutane Mantomirik**

**Tabubil**

**Westen provins.**

## Kukim gut kaikai na salim

**Dia Edita,**

Mi laik komplem long pasin we ol man i save mekim long Jeksens ples balus haus kai.

Wanpela wiken mi go raun long epot na mi baim K1 sips long snek ba bilong ol. Taim mi sindaun long kaikai, mi painaut olsem planti

doti i stap long ol sips ya. Ol hap skin bilong poteto i stap yet wantaim ol arapela doti.

Mi no amamas bikos dispela em i pablik ples we planti manmeri na pikinini i kam long baim ol kaikai. Olsem na yupela imas wasim gut na sapim poteto na

lukim olsem han bilong yu i was na klin taim yu kukim ol kaikai long pablik ples olsem.

Save i stap wantaim yupela, tasol tingim, helt bilong ol man i bikpela samting.

**Moi Kumbit**

**Mosbi**

**NCD.**

## Stapim pait long Kainantu

**Dia Edita,**

Mi wanpela manki Kainantu tasol nau mi stap long Rabaul taun. Longtaim yet mi harim bikpela pait istap long Kainantu namel long tupela liklik ples Otara na Babara we ol i yusim ol sotgan long pait.

Mi harim dispela nius long 1992 tasol dispela pait i stap yet inap nau na planti man tu i dai long tupela ples wantaim. Nau pait i stap yet na ol i save kilim man na katim bodi na nus pes bilong ol olsem pik na dok.

Mi lukim dispela pasin i no gutpela tru na dispela i soim olsem yumi i stap yet long pasin tudak bilong ol tumbuna. Pasin bilong ol tumbuna long kilim na na kaikai. Olsem na mi rait long niuspepa long gavman i ken lukim tu na traun long stapim dispela pait na bungim ol lain manmeri ya long sindaun gut wantaim. Yumi mas sindaun gut nau na wok bung wantaim long kirapim kantri bilong yumi. Dispela kain pasin bilong pait i stap na blokim planti gutpela developmen na sevis long kamap.

**Nau Aita  
RABAU**

## Daulo memba em tru lida

**Dia Edita,**

Mi laik bekim pas bilong brata Kefea Murikuwe i bin tok egensim nesanel memba bilong Daulo, Sowa Gunia long makim brata bilong em yet long lukautim ilektorel opis bilong em.

I tru olsem brata Kerea Murikuwe i tok egensim nesanel memba bilong Daulo tasol yu no save long wok politik olsem na yu wok long tok beksait long memba Sowa Gunia. Mipela olgeta manmeri na pikinini long Daulo ilektoret i bin luksave pinis long olgeta han mak bilong memba Sowa Gunia olsem na mipela bai amamas long em yet. Mi ken tok olsem yu Kefea Murikuwe i bin komiti bilong wanpela kandidate husat bai resis wantaim memba long 1997 nesanel ileksen.

Tasol mipela ol pipel i no save lukim developmen long las 15 krismas i go pinis na nau wantaim Sowa Gunia, mipela ol pipel yet i lukim pinis han mak bilong em. Olsem na olgeta toktok bilong yu i no gat kaikai bilong em.

Em tasol na husat i laik bekim orait bekim tasol na bai mi ken lukim.

**Oifa Bob  
GOROKA**

## Ol Buka les long tok' yu karim ya

**Dia Edita,**

Mi wanpela meri husat ino wanbel long ol man in yusim dispela hap tok "Yu karim ya".

Mi sapotim pas bilong John Kipas we ibin kamap long Wantok Niuspepa long Me 18. John ibin tok dispela hap tok em ino gutpela na mi sapotim em. Mi no amamas long harim planti lain long Buka i yusim dispela hap tok long dispela taim.

Long mi yet, mi tok ating sapos yu husat manmeri i save go aut long narapela provins na harim ol kain tok ino stret olsem, noken kisim ikam long ples bilong mipela. Em bai yu skulim gen ol manmeri na pikinini long ples nogut toktok.

Mi raitim dispela pas long wanem mi save harim planti manmeri long Buka i yusim dispela tok, yu karim ya. Na mi no amamas.

**Veronica Tsirang  
Buka NSP**

**Sapos yu laik raitim pas i kam long Edita, rait long dispela adres,  
P. O. Box  
1982,  
Boroko, NCD.**

## Prais bilong kaikai antap tumas

**Dia Edita,**

Mi wanpela man long ples na mi save wok long gaden. Mi save salim liklik kaikai long maket na liklik mani we mi kisim ino inap long baim wanpela gutpela kaikai o klos long stoa.

Mi lukim prais bilong ol samting igo antap na mi wari tru. Na bikpela belhevi bilong mi em i go long ol bisnis man na ol manesa bilong ol bikpela stoa long Wewak long daunim prais bilong ol samting i kam daun liklik.

Belhevi bilong mi i go tu long primia bilong Is Sepik long toktok wantaim ol manesa bilong ol bikpela stoa bikos mipela or grasrut i painim hat tru

long baim ol samting long stoa.

Mi ken tok olsem ol manmeri long olgeta hap bilong Is Sepik i apainim hat tru long baim wanpela tinpis bikos prais i go antap long K1.96 na prais bilong wanpela trausis em K16.95.

Mi autim belhevi long yupela ol provinsal na nesanel memba long mekim wanpela samting kwiktam long stretim hevi we mipela ol grasrut manmeri na pikinini long ples i bungim.

**Amos Yemi**

**Wewak**

**Is Sepik provins.**

## Brukim Ambunti na Drekkier i go tupela

**Dia Edita,**

Mi laik autim wanpela bikpela wari em mi save olsem ol manmeri bilong Ambunti na Drekkier long Is Sepik provins bai lukim na sapotim. Wari bilong mi em olsem olgeta taim mipela i save gat dispela nem Ambunti/Drekkier long distrik o long konstituensi na ilektoret bilong mi.

Mi lukim dispela nem i no gutpela bikpela tupela ples ya i no stap klostu wantaim. Drekkier i stap longwe tru long long Ambunti olsem na dispela nem we i joinim tupela ples ya i no gutpela tumas.

Mi askim ol lain bilong makim bandri long graun o ples long go long Wewak na stat katim graun na wokim baundri o mak bilong brukim dispela tupela nem.

Sapos ol i brukim mak, ol i mas kolim Ambunti Gawi bai i gutpela bikos ol ples ya i stap long wanpela hap tasol. Drekkier i stap longwe tru long hap bilong Wasara long hap bilong ol haiwe lain.

Mipela em ol Sepik Wara olsem na mi askim gavman long luksave long dispela na brukim mipela i go olsem long tupela distrik o ilektoret em gutpela.

Ambunti Gawi em gutpela tru

bikos mipela i stat long maus bilong Sepik wara long Rupar na go long Ama Mei.

Mipela ol lain bilong Sepik Wara stret. Mi askim ol lain bilong makim bandri long mekim dispela samting hariap bikos taim bilong 1997 nesanel ileksen i kamap klostu na bai bikpela pasin paul i kamap long sait bilong givim vot long ol kendidet husat bai sanap long ileksen.

Planti man i winim ileksen pinis long dispela sans bikos long nem Ambunti/Drekkier.

**Jimlee Maskemba**

**MOSBI**

## Memba bilong Nawae brukim promis

**Dia Edita,**

Mi laik autim komplem bilong mi i go long nesanel memba bilong Nawae Ilektoret, Yamandi Amos.

Long 1992 nesanel ileksen, Mista Amos i bin mekim planti gutpela na switpela promis tru long ol manmeri bilong Nawae long traun winim dispela ileksen. Na giaman promis bilong em i karim kaikai we em i win long ileksen. Tasol nau ol manmeri i no moa amamas

bikos dispela olgeta promis bilong em i lus nating. Em i tok long wokim rot na bringim sevis i go insait long Nawae ilektoret tasol inap nau, i no gat wanpela senis i kamap yet.

Klostu 1997 taim bilong nesanel ileksen na Mista Yamandi Amos bai kamap gen na grisim ol manmeri long votim em.

Mi laik tok olsem long 1997, bai i gat sampela bikpela senis i kamap. Long hap bilong Nabak,

bai vot i bruk bikos planti manmeri bai i no inap votim yu moa. Ol bai votim ol nupela man na sampela bai i no inap long makim vot.

Mi askim ol komiti bilong Amos Yamandi long lukluk insait long ol tok promis bilong memba na tokim em harim long stretim ol promis bilong em long dispela liklik taim nau. Nogut yupela olgeta bai bel pen long 1997.

Mi lukim Amos Yamandi i go long haus

palamen na i sindaun olsem wanpela hap diwai. Em i no mekim wanpela nois liklik long ol manmeri bilong Nawae. Olpela memba Timothy Bonga i gutpela liklik bikos em i save tok pait na tu em i save long politik.

Tasol dispela nupela memba i olsem liklik pikinini husat i sindaun tasol na harim tok na bihainim.

**Pitom Jay**

**LAE**

## Ambunti memba tromoi mani long Kimbe

**Dia Edita,**

Mi laik komplek long memba bilong Ambunti Drekikir, Judah Akasim long pasin em i wokim long kamap long Kimbe, Wes Nu Briten na yusim mani long mekim wok long hap.

Mi stap long Kimbe na mi lukim memba ya i givim K10,000 i go long Yarmase Siping Kampani long mekim wok na mi no amamas tru bikos dispela em mani bilong ol pipel long Ambunti long Is Sepik provins long kisim na mekim wok wantaim.

Na watpo tru yu kamap long narapela provins na givim dispela mani i go aut. Dispela em EDF mani bilong wanwan ilektoret insait long kantri.

Mi no amamas tru long lukim memba i mekim dispela pasin na mi askim ol manmeri bilong Ambunti Drekikir long kwestenim Mista Judah Akasim long wanem kain pasin em i

mekim long givim dispela mani bilong ol Is Sepik pipel i go long Wes Nu Briten provins.

Mi yet bilong Ambunti Drekikir na mi stap long Kimbe taim memba i kamap long Kimbe na mekim dispela kain pasin. Yu no ken kisim pasin bilong lapun Somare long givim helpim i go long olgeta kain kain hap bilong Papua Niugini na ol pipel bilong em yet i no gat.

Ol pipel bilong Ambunti Drekikir i votim yu olsem na mani o helpim nesenel gavman i givim i mas i go stret bihainim vot bilong ol. I no Wes Nu Briten provins i votim yu. Ol yet i gat memba bilong ol yet long givim kain helpim olsem long ol.

Em tasol na mi bai amamas long sapot bilong ol arapela.

**Jonney Peter  
KIMBE**

## Tok "yu karim" inap bringim birua

**Dia Edita,**

Mi laik komplek long dispela hap toktok nau i bikpela tru long olgeta hap bilong hailans provins.

Olgeta hap long hailans bai yu harim ol manmeri i singaut, Yu karim ya, Bos o, Kain bilong yu tasol. Ol dispela toktok i no gat gutpela mining bilong em tasol planti manmeri i save toktok na i mekim i kamap olsem wanpela bikpela toktok tru bilong olgeta manmeri pikinini wantaim.

Mi harim dispela ol toktok na mi no save sapos planti manmeri i save amamas long ol arapela manmeri i tromoi ol toktok ya long ol. Mi yet i pilim olsem dis-

pela toktok i no gutpela tru bikos planti manmeri i ken kisim tingting nogut long en.

Mi ting dispela hap toktok i mas stat long Goroka na raun long olgeta hap bilong Papua Niugini bikos long Goroka yet bai yu lukim planti manmeri i save karim na raun long olgeta hap kona bilong taun na tu long lain kopi gaden.

Dispela hap toktok tu i pulap nau long het bilong ol trangu liklik pikinini husat nau tasol i kamap. Yupela ol bikpela manmeri husat i save karim na raun i bagarapim het bilong ol liklik pikinini pinis.

Long dispela kantri yumi gat tupela kain

manmeri husat i stap. Wanpela lain manmeri i no save laikim arapela manmeri i mekim tok pilai o kain kain toktok nabaut long ol.

Arapela lain i save laikim tok pilai. Olsem na taim yu tok pilai raun, lukluk gut long wanem kain man yu tromoi tok pilai ya i go long en.

No gut yu bai kirap nogut long em i tromoi han antap long yu na yu bai givim siksti i go long plis stesin.

Em tasol komplek bilong mi na husat arapela i laik bekim o egensim em laik tasol long rait i kam na mi ken lukim.

**Joseph Tau  
MENDI**

## Mipela laikim anaunsa bilong Mekim Musik

**Dia Edita,**

Mi laik bekim pas bilong brata Gozu Yapu i bin kamap long Wantok long Fonde 18 Me, 1995. Brata Gozu i komplek long EM TV Mekim musik i save pilaim ol wankain musik tumas.

Yes brata mi sapot long dispela hap poin bilong yu bikos mi yet i save les tru long lukim ol wankain musik tasol i kamap long mekim musik olgeta taim. Planti manmeri tru long olgeta hap bilong PNG i sindaun na lukim dispela musik program i stap olsem na EM TV i mas pilaim olgeta musik. EM TV i mas senisim ol musik program bilong em olgeta taim bai i mekim ol manmeri i amamas long lukim ol nupela kaset na lokel atis bilong Papua Niugini i kamap.

Narapela poin we brata Gozu i komplek long em long nek na

stail bilong anaunsa Kanawi. Mi laik tok olsem brata Gozu, ating yu no save harim gut nek bilong Kanawi olsem na yu komplek. Tasol mipela planti manmeri amamas long Kanawi bikos nek bilong em long TV i save kamap klia tru we mipela i save harim gut na save long wanem musik o lokel atis grup i pilai. Yu tok nek bilong em i olsem ol waitman

na stail bilong em tu i no olsem ol Papua Niugini manmeri. Tasol mi ting yu mas jeles tasol long Kanawi.

Man ya i kamapim gutpela program tru na mipela i amamas olsem em i stap na program ya i ron gut we planti manmeri i laikim long harim na lukim.

**Pet Bury  
MOSBI**

## Kainantu taun gat giaman sekyuriti

**Dia Edita,**

Mi laik autim wari bilong mi i go long ol sekyuriti bilong kainantu maket long Isten hailans provins.

Dispela ol sekyuriti i save painim wot tru na giaman sasim ol manmeri long kisim mani na putim long poket bilong ol. Wanpela taim mi wok long dring ais blok na wara bilong ais blok i pundaun long graun na wanpela man i kam tokim mi long baim K20 long wokim pipia. Mi lukim olsem i nogat pipia tasol man ya i strong nating. Mi askim em long yunifom na aidi kat bilong em we i ken soim olsem em i sekyuriti man tru o nogat.

Man ya i strong long mi givim K20 tasol mi strong long yunifom na aidi kat bilong em. Olsem na man ya i sem na lusim mi na tekov. Mi lukim olsem long

## MI SOT LONG TINGTING

**Dia Edita,**

Mi gat wanpela hevi long laip bilong mi we mi laikim helpim wantaim.

Mi wanpela marit man na mi gat wanpela pikinini. Meri bilong mi ino save stap gut wantaim mi. Em i save raun wantaim narapela man na em i save kros wantaim mi long olgeta de.

Bai mi wokim wanem long stretim em? Mi laik paitim em tasol mi tingting long lo bilong gavman we i tok long noken paitim meri. Na tu mi laik rausim em. Tasol mi tingting long lo bilong God long wanem mitupela ibin promis pinis long marit olsem mitupela bai ino brukim marit.

Yes ol pren mi laikim sampela helpim long wanem samting tru mi bai mekim long meri bilon mi. Dispela em wanpela bikpela hevi mi gat long laip na sindaun bilong mi na mi askim long helpim.

**Chanel Wangu  
Kapiura plantesen**

## Nebiliya i stap bihain tru long gavman sevis

**Dia Edita,**

Mi wanpela manki Nebiliya long Westen hailans provins na mi laik komplek long memba bilong mipela, Vincent Auwali long nesenel palamen.

Longpela taim tru long bipo yet i kam i no gat wanpela gutpela gavman sevis i save kam long mipela ol pipel bilong Nebiliya.

Olgeta memba mipela i makim i go long haus palamen i no save pait strong long kisim wanpela gutpela helpim na sevis i kam long mipela. Olsem na mi komplek bikos nau Vincent Auwali tu i wankain. Em i bin sanap long tiket bilong PDM pati bilong Pais Wingti. Tasol taim Wingti i stap long gavman, em i no bin tingim ol pipel bilong Nebiliya husat i givim sapot long em i kamap praim minista na givim wanpela ministri i go long Vincent Auwali.

Mipela ol pipel bilong Nebiliya i no gat gutpela amamas nau long dispela gavman bikos mipela i stap yet olsem bipo we i no gat developmen na sevis long ples. Mipela i gat ol skul na haus sik samting tasol gavman i no save sapotim bikos mipela i no gat sapot long gavman. Lida bilong mipela i save stap nating tasol na bilasim sia bilong praim minista. I nogat waspapa long was long ol dispela skul, haus sik, rot na ol arapela helpim we i stap pinis. Olsem na ol i wok long bruk nau na klostu bai olgeta sevis ya i pasim dua.

Nau mipela i save olsem Vincent Auwali i stap long sia bilong oposisen na mipela i save olsem bai i no gat helpim i kam long mipela bikos wasman bilong mipela i nogat sapot na pawa.

Olgeta ileksen taim mipela i makim memba, memba bilong mipela i no save kisim wanpela ministri liklik. Ol i save stap tasol long givim voting pawa na sapot tasol long strongim gavman. Tasol kaikai bilong em i no gat long ol pipel.

Mi askim Vincent Auwali long mekim sampela samting nau long kamapim senis long ol pipel bilong em long Nebiliya o nogat bai em i tok gutbai long 1997 nesenel ileksen.

Em tasol wari na komplek bilong mi. Mi save tu olsem olgeta manmeri bilong ples Nebilia bai sapotim dispela komplek bilong mi.

**Tanu Wati  
HAGEN**



**Dia Edita,**

Mipela ol dispela yangpela i laikim penpren:

**Nem:** Paul Timba

**Krismas:** 20

**Save Laikim:** Ritim ol Baibel ves, salim potu i go long ol pren, pilai ragbi na raitim pas i go long ol pren.

**Nem:** Susan Jack

**Krismas:** 18

**Save Laikim:** Swim, pilai sofbal, lainim musik, go long lotu, stori wantaim ol pren, na serim Baibel ves wantaim ol pren.

**Nem:** Rose Thomity

**Krismas:** 20

**Save Laikim:** Swim, go long lotu, pilai basketbal, harim gospel musik, na raitim Baibel ves.

**Adres:** Hia em adres bilong mipela em Madang Nazarene Church, Box 2023, Madang Pvince. Mipela bai bekim olgeta pas.

**Nem:** Tony Mase

**Krismas:** 19

**Adres:** NGL Safety Services Pty Ltd., Box 1193, Kimbe, West New Britain Province.

**Save Laikim:** Pilai gita na singim ol lotu singsing, go long lotu na serim Baibel wantaim ol arapela kristen manmeri na susa. Sekan na amamas wantaim ol pren.

**Nem:** Patrick Puri

**Krismas:** 20

**Adres:** Ramu Sugar Limited, Box 2183, Warias Office, Gusap, Lae, Morobe Province.

**Save Laikim:** Mi save laikim long ol kristen manmeri i raun wantaim na tilim aidia bilong ol long Baibel, go wantaim long felosip na tu long lotu.

**Nem:** Stiven Kipu

**Krismas:** 16

**Adres:** H.A. Waguf, Box 3736, Lae, Morobe Province.

**Save Laikim:** Pilai gita, harim musik, raitim pas long ol pren, lukim televisen na raun wantaim ol pren.

**Nem:** Alois Buka

**Krismas:** 19

**Adres:** Box 1786, Lae, Morobe Province.

**Save Laikim:** Mi laikim pen pren wantaim ol man na meri bilong narapela provins. Ol samting mi save laikim long mekim na fri taim bilong mi em pilai ragbi, lukim Pepsi Fizz prgram bilong EM TV, ritim pas bilong ol pren meri na go long lotu.

## Rausim Kumul pilaia long Inta Siti resis

**Dia Edita,**

Mi laik komplek long pasin mi lukim long ol ragbi tim bilong wanwan senta insait long dispela Inta Siti ragbi resis. Mi komplek long ol bikpela tim olsem Mosbi Vipers na Goroka Lahanis we ol i gat planti Kumul pilaia i stap long en.

Mi lukim taim ol i save pilaim kain tim olsem Hagen Eagles, Mendi Muruks, Madang Globe Trotters, Lae Bombers na Rabaul Guria, ol i save win isi bikos ol i gat ol biknem Kumul pilaia i stap wantaim ol. Trangu ol arapela tim ya i no gat bikos em ol ples manki na manki anting bilong rot nau tasol i traim long pilai ragbi. **Pati Rumba MOSBI**

**FE  
KILN DRYED  
TIMBER**

100 x 25 Kwila Flooring  
**K1.90** 1/m.  
100 x 25 R/Wood  
Panelling **K2.95** 1/m


### MOULDINGS

100 x 25 Flooring T&G  
150 x 25 weatherboard  
20 mm Quad and square  
50 x 25 Architrave  
100 x 25 Architrave  
42 x 12 Door stops  
32 x 12 Flywire battens  
150 x 50 window sill

### DAR TREATED

75 x 50  
100 x 50  
150 x 50  
Based on random lengths  
All other sizes available  
immediate delivery.

**Phone: 42 4879  
Fax: 42 5494**



# DEPARTMENT OF LANDS AND PHYSICAL PLANNING

## NOTICE TO ALL LEASEHOLDERS

### THE DEPARTMENT WOULD LIKE TO REMIND ALL ITS CLIENTS OF THE FOLLOWING:

1. Lessees of leasehold properties that have not or continue not to comply with or have neglected to observe the improvement covenant or conditions of the lease, and,
2. Have failed to pay the lease rents and or have allowed arrears more than six (6) months, will be required to show cause why that lease should not be forfeited.
3. If lessees of leasehold properties have not received a lease rent advice for 1995 by 15th June, 1995 or if you have any queries about your lease, please contact the relevant officers of the region and/or province where your lease is located.
4. If you have changed address please write your new address on the form below and fill in the information as required and mail it to the address shown or deposit it with the nearest lands office where you are.

## NOTIS I GO LONG OL MAN NA KAMPANI I HOLIM LIS BILONG GRAUN A

### DIPATMEN BILONG LAND I LAIK TOK SAVE LONG OL MAN NA KAMPANIS I HOLIM LIS LONG GRAUN OLSEM:

1. Olgeta man or kampanis i holim lis long graun na i no wok long graun ol i lus tingting long bihainim ol lo long lis bilong graun na.
2. I lus ting ting long baim lis rent to i lusim rent bilong em bai stap moa long six mum bai kisim pas long dipatmen long toksave wai na lis bilong em bai dipatmen i no nap long kisim bek.
3. Sapos yu no kisim lis rent advais bilong 1995 inap long en bilong mum 15 dei June, 1995 or sapos yu gat samplea askim long lis bilong yu. Yu mas o yu ken askim ol officers long region or provins lis bilong yu i stap long en.
4. Sapos yu senisim adress bilong yu, yu mas, putim nupela adres long form i stap aninit long hia na salim long adres i stap o salim or givim long lans opis we yu stap.

### LANDS DEPARTMENT ENA HAHEDIBA HEREANA UMUI DAIDIA TAUNIMANIMA ELAVANA KAMPANI, GAVAMANI ENA MO TANO OABI TAUMUI INA

### HAHEDIBA HEREVANA NA BA DUHAIA NAMO NAMO:

1. Umui daika taunimanima elava bisnis taumui (kompani), gavamani ena lisi tano dia oabi bona una lisi asio ha guguru dia elavana una lisi taravatu dia asio badi nadia bona.
2. Daika taunimanima elava kompani ohe lalo boio emui lisi renti dia asio pay bona emui rent arears vada emia hanai elavana hua taura-toi vada eahanai, ai se reva reva bai atore henimuimu, emui lisi iabi lou dia dalanai. Umui na ai bame ha dibai mai dahaka dainai emui lisi basi abi hai mui, elavana basi abi lou.
3. Bema daidia tano o lisimu taumui rent advice in lagani 1995 do asio davari, na bona 15th June, 1995 elavava mai emui henanadai haida; mani emui kara aola o nohomu bona emui lisi oabi region or provins dial ba henanadai.
4. bema daidia emui adress o sensi neganai, emui adres matamata dia ba tore ina "Form" ai bona ba siai emai ai, elavana ba lao hai lands officers edekahai emui region elavana provins ai e gaukaramu taudia ba heni dia.

NAME OF LESSEE: .....

ADDRESS: .....

DESCRIPTION OF STATE LEASE:

LESSEE NO.: .....

ALLOTMENT	SECTION	TOWN/CITY	PROVINCE
.....	.....	.....	.....

PORTION	MILINCH	FOURMIL	PROVINCE
.....	.....	.....	.....

Authorised by: JOSEPH S. AOAE  
 Secretary,  
 Department of Lands & Physical Planning,  
 PO Box 5665,  
 BOROKO,  
 N.C.D.



# BUK BILONG OL SEVISIS

## \* COFFEE MACHINERY

Montale Pty Ltd Ph: 72 2611  
Fax: 72 2612

Mipela Agen bilong Pinhalense Kopi Masin. Pulpers, Driers, Hullers, Destoners, Gravity Separators, Elevators na sampela moa.

Olgeta Kopi masin em mipela i gat inap. Kam lukim mipela nau mipela inap helivim yu.


## ELECTRONIC



PAPA BILONG OL TV  
SAPOS TV BILONG  
YUELA I BAGARAP  
SEKIM WANTAIM MIPELA

O KAM NA LUKIM MIPELA LONG OLGETA  
LEKTRIK SAMTING YU LAIKIM.

- SPARE PARTS ■ TOOLS ■ EQUIPMENT
- REPAIRS TO T.V.'s, RADIOS, ETC.



We are located at the corner of wards road and Spring Garden Road, Hohola.  
P.O. BOX 3572 BOROKO, N.C.D. PHONE 25 1952 FAX 25 4743

## HAIR & BEAUTY

### TREND'S

We wholesale retail large range of black hair & beauty products.

We also sell hair pieces, hair equipment.

Ground Floor  
Land Mark Building  
Reke St Boroko  
Phone/Fax: 255894  
PO Box 3239 Boroko

## SIGN WRITING

### PUNSIU SIGNWORKS

Signs on cars, trucks, buses, billboards, notice boards.

Phone: 45 7813

## REFRIGERATION & AIRCONDITIONING

### FOR FAST GOOD QUALITY SERVICE

Call Bata's refrigeration, airconditioning & appliance service on Telephone:

**25 8074** or Fax: **25 8588**

## TIMBER SALES

### TRANSWORLD TRADING (PNG) PTY LTD The Blue Truck Timber Company Dia Kastoma,

Mipela i redi long wokim whole-haus baim bilong yu.

Dispela i min olsem mipela bai bringim ol timba, post, nil, ain na ol arapela samting bilong sanapim haus.

Insait long Mosbi yet, mipela no inap sasim kos bilong ka. Ol ples autsait long Mosbi, kos i no dia.

Na sistem i wok olsem: Yu baim. Na bai mipela kisim olgeta samting long haus bilong yu kam.

Ringim mipela long telipon na feks namba **25 5314** (Erima Timber Yard)

## SECONDHAND CLOTHING

### TOP GRADE PAYLESS

New bales just arrived. Why pay more when you can PAYLESS @ payless. Special on Brown Bales from K3 per kg (160 kgs to 200 kgs).

Household, shoes & toys also available, limited stock. 50 kgs mixed bale @ K165. Only with Lucky Draw. Phone 25 1477 Fax: 23 2895







Location: Opp. Hintano Electrical next to Gaby Fashion Varahe St., Gordons

## PRINTING

### PUNSIU SIGNWORKS

Painting, Signwriting and Screen Printing

For more information call 45 7813



**Yu ken edvetais ia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.**



Sapos yu laik advertais, telepon 25 2500 na askim long  
 Phone: Miri Aiori Ext. 214, Jack Mahuru Ext. 217, Joe Naime Ext. 218

**PABLIK NOTIS**



**PUBLIC NOTICE**

**PORT MORESBY SHOW SOCIETY**

The success of this year's Port Moresby show was again made possible by the generous support of its sponsors and the untiring effort of many individuals and organisations. The Society wishes to express sincere appreciation to everybody concerned and in particular:

**Governor General, his excellency  
 Sir Wiwa Korowi (Closing Ceremony)  
 Hon. Bernard Narokobi (Opening of the Show)**

All groups who appeared in the amphitheatre  
 All traditional dance groups  
 Band of the Royal PNG Constabulary  
 Bomana Pony Club  
 Equestrian Riders

Kila Police Youth Group  
 Port Moresby Skydivers  
 Rodeo Riders  
 Charlie Miller Promotions  
 Athletics

Motorbike stunts  
 PNG Defence Force  
 Police Dog Unit

For their generous sponsorship and support  
**Major sponsor**

**Coca Cola Bottlers - Rothmans**

**Ramu Sugar**

Air Niugini Carrier Airconditioning  
 Alu Signs Chin H Meen  
 Brian Bell & Co Dept of Civil Aviation  
 Boroko Foodworld Don Bosco  
 Balawaia Boromakau Electronic Supply Professional  
 Birner Catering Evercrisp  
 Bishop Brothers

**\*Girl Guides**

Ilimo Farm NESS  
 Keynote Music House PNG Fire Service  
 Leahy's Water Carrier Port Moresby Floors  
 Mobil Oil Telikom  
 NCDC Parks and Gardens Ranu Guri Agriculture  
 New Guinea Vending Services Rice Growers  
 NBC

**\* Boy Scouts Association**

Sogeri Primary Produce Taubmans  
 Steamships Trading Company Theodist  
 St John Ambulance Trademart  
 Steel Industries Tasty Bake (John Lenham)  
 Sunifield Bakery Toba Motors  
 Town & Country Towing TNT Air Cargo  
 Tanuabada Dairy Various government department's

Members of the committee and other volunteers Office staff.

Special thanks to the Royal PNG Constabulary, Community Police, Bomana Training College, Office Cadets, the Defence Force Honour Guard and the Band of the Royal PNG Constabulary.

They made the show a success.

**DIPATMEN BILONG LEN TRENSPOT**

**PABLIK TOK SAVE**

**PMV PRAIS GO ANTAP**



Olgeta pablik manmeri long Lae na Mosbi baim ekstra 10 toea na 20 toea taim ol i kalap long PMV bas insait long siti. Dispela senis bai stat long Jun 30.

Long dispela taim yet ol manmeri i save baim 30 toea long Lae na 40 toea long Mosbi taim ol i kalap long ol PMV bas. Dispela prais em bilong 1988 yet.

Siaman bilong National Land Transport Bod, Mista Manzau Yanga i tokaut long dispela senis long namba wan bod miting bilong dispela yia na i winim sapot bilong mekim senis ya i kamap tru.

Em i tok dispela senis long apim ol bas fea i go antap bai kamap tru long Jun 30.

Prais bilong PMV bai i go antap tu long ol ron bilong PMV long ol ples long Sentrel, Morobe na Wes Nu Briten provins. Ol ripot long senis bilong PMV fea i stap long wanwan Provinsal Len Trensport Bod opis. Bod i bin orait long prais bilong ron insait long ol ples tu i mas go antap.

Siaman bilong Bod i tok dispela senis long ol bas fea i go antap em bikos long helpim ol papa bilong PMV na bas long ranim gut sevis bilong ol na abrusim hevi bilong mani insait long kantri nau we prais bilong planti samting i go antap pinis.

**MANZAU YANGA**

Siaman

National Land Transport Board



Please register at the Islander on Sun. June 25 (4-7 pm) or Mon. June 26 (8-10 am).  
 Fax this form to (675) 321-4593 by June 23 to reserve your place at these events.

## OFFICIAL REGISTRATION FORM 1995 PACIFIC ISLANDS NEWS ASSOCIATION CONVENTION

NAME \_\_\_\_\_ ORGANIZATION \_\_\_\_\_  
 ADDRESS \_\_\_\_\_  
 TELEPHONE \_\_\_\_\_ FAX \_\_\_\_\_

I will be able to attend the 1995 PINA Convention on the following days:

Mon. June 26 \_\_\_\_\_ Tues. June 27 \_\_\_\_\_ Wed. June 28 \_\_\_\_\_ Thurs. June 29 \_\_\_\_\_

**REGISTRATION FEES:**

for Observers (not members of PINA) for entire convention	K 100.00
for Observers (not members of PINA) single day fee	K 30.00
for PINA Members (from outside PNG) for entire convention	US \$40.00
for PNG journalists and PINA Members for entire convention	K 10.00

**CONVENTION EVENTS -- Please mark (☒) the events you will be able to attend.**

when	where	what	will you attend?
SUN. JUNE 25 7-9 pm	Islander poolside	Welcoming BBQ hosted by Port Moresby Lord Mayor	<input type="checkbox"/>
MON. JUNE 26 8.30-10 am	Islander ballroom	Official Opening of PINA Convention by Prime Minister	<input type="checkbox"/>
MON. JUNE 26 10-11 am	Islander ballroom	Keynote Address by former Chief Ombudsman Sir Charles Maino	<input type="checkbox"/>
MON. JUNE 26 12 n-1:30 pm	Islander ballroom	Luncheon and Discussion of "The Business of Covering Business"	<input type="checkbox"/>
TUES. JUNE 27 8:30-10:00 am	Islander ballroom	Discussion of "Pacific Vision: How the World Sees the Pacific and Vice Versa"	<input type="checkbox"/>
TUES. JUNE 27 10:30 am-12 n.	Islander ballroom	Discussion of "Covering Crime: The Public's Right to Know"	<input type="checkbox"/>
TUES. JUNE 27 1:00-6:00 pm	Loloata Resort	Retreat and Discussion of Journalist Associations (PINA members only)	<input type="checkbox"/>
WED. JUNE 28 8:30-10:00 am	Islander ballroom	Discussion of "Regional and Political Conflicts" (Bougainville, etc.)	<input type="checkbox"/>
WED. JUNE 28 10:30 am-12 n.	Islander ballroom	Discussion of "Global and Environment Issues Affecting the South Pacific"	<input type="checkbox"/>
WED. JUNE 28 12:00-1:30 pm	Airways Hotel	Luncheon hosted by MRDC; speaker is MRDC Chairman Charles Lepani	<input type="checkbox"/>
THURS. JUNE 29 12:00-1:30 pm	Islander ballroom	Luncheon and Discussion of "Dateline Rabaul: Covering Natural Disasters"	<input type="checkbox"/>
THURS. JUNE 29 2:00-4:30 pm	Islander ballroom	AGM (PINA members only) and Closing of Convention by the Hon. John Momis	<input type="checkbox"/>
THURS. JUNE 29 7:30-11:30 pm	Islander ballroom	PINA Annual Awards Night, sponsored by Tasman Pulp and Paper	<input type="checkbox"/>

Sign up for PINA Workshops (Mon. and Wed. afternoon, Thurs. morning) on the next page.

### WORKSHOP REGISTRATION FORM -- 1995 PINA CONVENTION

YOUR NAME \_\_\_\_\_  
 ADDRESS \_\_\_\_\_  
 PHONE NUMBER \_\_\_\_\_ FAX NUMBER \_\_\_\_\_

CONVENTION WORKSHOPS -- Please mark (☒) the events you will attend -- do not mark more than one event in each time period. Choose the workshops with the same letter if you want to focus on a single topic.

when	where	what	will you attend?
Mon. June 26 1:30 to 3:30 pm	EM-TV, Boroko Islander Private Dining Room ABC, Airvos Ave. Islander Ballroom Islander Board Room	A-1/A-2: Tour of EM-TV (workshop runs to 6:30 pm)	<input type="checkbox"/>
		B-1: Newspaper workshop, "So You Want to Write Well?" with Prof. Ralph Izard	<input type="checkbox"/>
		C-1: Tour of ABC Bureau in Papua New Guinea	<input type="checkbox"/>
		D-1: UNIFEM Seminar: "Reporting with a Human Face"	<input type="checkbox"/>
		F-1: Seminar on "Journalism on a Shoestring" (media cost management and economizing)	<input type="checkbox"/>
Mon. June 26 3:30 to 5:30 pm	The National Islander Private Dining Room Islander Ballroom  Islander Private Dining Room Word Publishing	B-2: Tour of The National newspaper	<input type="checkbox"/>
		C-2: Radio workshop on "Techniques of Good Radio Journalism," led by Peter May	<input type="checkbox"/>
		D-2: UNIFEM Seminar: on "Positive Portrayal of Men and Women in Media"	<input type="checkbox"/>
		F-2: Management seminar on "Effects on Newspapers and Publishing of the Newsprint/Paper Shortage"	<input type="checkbox"/>
Wed. June 28 1:30 to 3:30 pm	Islander Private Dining Room Word Publishing  NAU-FM studio Islander Ballroom  Islander Board Rm. Islander Ballroom	A-3: Television workshop on "Television and Media Production Techniques"	<input type="checkbox"/>
		B-3: Newspaper workshop on "Fundamentals of Good Reporting" and tour of Word Publishing Company	<input type="checkbox"/>
		C-3: Radio workshop and tour of Nau-FM, Port Moresby	<input type="checkbox"/>
		D-3: UNIFEM Seminar: "Beijing '95: Covering the UN Global Conference on Women"	<input type="checkbox"/>
		F-3: Demonstration by FT Wimble of computer technology	<input type="checkbox"/>
Wed. June 28 3:30 to 5:30 pm	EM-TV, Boroko Post-Courier, Islander Private Dining Room Islander Ballroom Islander Ballroom Islander Board Rm.	A-4: Workshop on "Television Interviewing Techniques"	<input type="checkbox"/>
		B-4: Newspaper workshop and tour of Post-Courier	<input type="checkbox"/>
		C-4: Radio Workshop on "Commercial Radio Broadcasting," led by Peter May	<input type="checkbox"/>
		D-4: UNIFEM Seminar: "Gender Concepts & Ideology"	<input type="checkbox"/>
		F-4: Seminar on "Media Advertising & Marketing"	<input type="checkbox"/>
Thur. June 29 8:15-9:45 am	Uni-Tavur newsroom, Gunther Bulding Mtg. Room, UPNG Main Lecture Theatre, UPNG	B-5: Newspaper workshop on "Advanced News Writing"	<input type="checkbox"/>
		D-5: UNIFEM Seminar on "Success Stories: Women Who Have Made it to the Top in Media"	<input type="checkbox"/>
		G-3: Discussion on "Censorship Law and Copyright Regulations in the Pacific"	<input type="checkbox"/>
Thur. June 29 10:15-12 n.	Gunther Building Mtg. Room, UPNG Main Lecture Theatre, UPNG	A-5: Television workshop on "Guerilla TV: Making An Impact with Environmental Documentaries"	<input type="checkbox"/>
		G-4: Discussion on "Journalism Education: Are Universities or Cadetships the Answer?"	<input type="checkbox"/>
Various locations		E-1: Photography workshop (Mon, Wed., and Thurs.)	<input type="checkbox"/>



• (antap) Winter Fosing bilong Mosbi Guria i laik kisim bal long lek bilong Mimlon pilaia insait long Papindo Kap tonamen long Lae. Guria win 2-0. Guria em sempion bilong dispela kap long 9-pela krismas olgeta nau.  
 • (lephan) Straika bilong Rapatona Goroka i holim bal long lek na midfilda bilong Hagen Sunam i ron long sait long blokim em. Dispela em bikpela salens bilong Papindo Kap long Lae.



• Lukaut long ol boi Kange: Ol boi Hagen tu i mekim nais long nesanel basketbal sempionsip long Lae long Jun 9-12.



• Tupela bikman bilong Papindo Treding long Lae (raithan) i givim ol sil bilong Papindo Kap soka taitel i go long Lahi presiden na PNGFA opisel. Long lephan em Minista Andrew Baing, Michael Vee, Dokta Kuam Malai na Benson Nablu. Poto YAKAM KELO



• Sempion tim bilong Wewak husat i winim Momase rijenal soka tonamen long Vanimo long 9-12 Jun.



• Ol susa bilong NS Busu husat i kilim skin long nesanel basketbal sempionsip long Lae long Kwins Betde.

**FRENCH BAKEHAUS**  
  
 • CAKES  
 Weddings & Birthdays  
 Our speciality  
 25 1266 Pom  
 42 5349 Lae

PROVINSAL

# SOKA NIUS

**FRENCH BAKEHAUS**  
  
 • CAKES  
 Weddings & Birthdays  
 Our speciality  
 25 1266 Pom  
 42 5349 Lae

## Nupela soka asosiesen bilong Morobe

MOROBE Soka Federesen (MSF) i laik statim soka tonamen bilong em long 6, 7, 8, 9 Julai long Lae Futbol soka graun (LFA).

Dispela nupela soka asosiesen i bin kamap long dispela we ol i makim nupela eksekutiv long ranim dispela asosiesen. Ol eksekutiv em; John Peka bilong Lae, Luke Temba bilong Salamaua, Hoida Wari bilong Morobe Saut, Paul Kapi bilong Wau na Adam Namis bilong Kaiapit.

Siaman John Peka i tok dispela nupela asosiesen i kamap long pulim bek interes bilong soka insait long olgeta ples na distrik long Morobe provins.

Peka i tok soka tonamen bai kamap long mun Julai na em i laik olgeta tim long Salamaua, Kaiapit, Finsafen, Morobe Saut, Menyamy, Wau, Kuat, Kui, Kabwum, Bulolo, Siassi, Pindiu, Wasu, Mumeng, Bulum, Boana, Situm na Bukawa long kamap long Lae long dispela tonamen.

Peka i tok bipo dispela soka tonamen bilong ol lain long ples i save kamap gut tru long Lae. Dispela em taim Knoll Werner i bin statim namba wan Morobe soka tonamen na olgeta lain long asples na distrik stesin i bin kamap. Taim

Mista Werner i bin lusim Lae na i go bek long kantri bilong em, dispela interes bilong soka long Morobe provins i pundaun olgeta.

Peka i tok wanpela as bilong kamap soka tonamen ya long dispela taim em long helpim ol tim olsem Wau, Kaiapit na Lae long redim skwat bilong long nesenel sempionsip long Julai 21-24 long Mosbi. Ol dispela asosiesen i bin afiliet pinis long nesenel bodi (PNGFA) olsem na ol bai kamap long dispela PNGFA Kap.

Peka i tok Morobe Soka Federesen i laik kamapim soka tonamen ya long Lae long dispela de bai olgeta soka tim i ken i kam na tu ol asosiesen husat i afiliet long PNGFA i ken yusim dispela tonamen long redim skwat bilong em.

Peka i tok dispela em wanpela rot bilong kirapim soka insait long provinsal level pastaim. Bihain ol i ken go aut long rijenal tonamen olsem Momase Rijenal Soka tonamen na bihain i go aut long nesenel tonamen bilong PNGFA. Long dispela as, Morobe i mas redim em yet gut insait long provins level pastaim long em i makim gutpela skwat na i go aut. Dispela em rot tru bilong developim soka long ples na i go antap, Peka i tok.

## Lae na Mosbi bai statim soka salens

TRIPLELA soka asosiesen, Lae Futbol, Lahi Soka na Mosbi Soka Asosiesen i pasim toktok pinis long holim Inta Siti soka resis long mun Oktoba. Dispela soka resis bai i stap namel long Lae na Mosbi.

Long las wiken insait long bung bilong tripela soka seketeri long Lae, Moses Demas bilong Lahi, Leo Anio bilong LFA na Mojeck Selsel bilong PMSA i pasim tok olsem dispela pilai i mas kamap long pulim moa interes.

Ol i pasim toktok olsem wanwan asosiesen yet bai lukautim ron bilong ol pilaia bilong em long balus, haus slip bilong ol pilaia na kaikai. Tasol asosiesen bilong ol bai kisim olgeta mani bilong geit sapos ol i lukautim pilai ya.

Ol i kamap wantaim tingting olsem Mosbi bai kamapim tupela soka tim long pilai egensim LFA na Lahi soka tim. Na gem bai raun long Lae na Mosbi inap long fainal.

Tripela asosiesen bai putim kamap K1,000 long tim bilong ol. Mosbi bai putim K2,000 bikos em

### YAKAM KELO i raitim

bai i gat tupela tim. Dispela K4,000 bai sanap was olsem prais mani sapos dispela Inta Siti resis i no painim wanpela sponsa.

Insait long miting bilong ol, ol i ting long bringim Mosbi Pablik Sevans soka tim i go insait long kik. Tasol wanpela hevi em NCDPSSA i no afiliet long nesenel bodi (PNGFA).

Long dispela as, bai PMSA i kamap wantaim tupela tim long pilaim tupela soka asosiesen bilong Lae. Bai i gat Mosbi 1 na Mosbi 2. Na dispela bai mekim ron bilong dro i go gutpela.

Tripela seketeri ya i wanbel olsem bai gren fainal bilong dispela Inta Siti salens bai kamap long narapela hap na i no long Lae o Mosbi. Ol i pasim tok olsem bai gren fainal i kamap long Goroka.

Tripela asosiesen i wok long lukluk insait long rot bilong stretim dro we dispela pilai bai bihainim. I

gat tingting olsem wanpela tim bilong Mosbi na wanpela tim bilong Lae i mas bung long gren fainal. Tasol i gat arapela tingting tu olsem tupela tim husat i go pas long poin lata bai bung long gren fainal. Arapela tingting i stap olsem bai foapela tim wantaim i pilai pinis na bihain bai ol i go insait long nokaut we 1 i pilaim 3 na 2 i pilaim 4. Wina bilong 1 na 3 bai go redi long gren fainal na lusa bai pilaim lusa bilong 2 na 4. Wina bilong 2 na 4 bai pilaim gren fainal egens wina bilong 1 na 3. Dispela em ol kain dro we tripela seketeri i wok long toktok long en tasol ol i mas putim kamap long wanpela fainal dro.

Tingting bilong kamapim dispela Inta Siti soka salens i bin kamap taim presiden bilong Mosbi Soka Asosiesen, Mark Basausau i tok long kamapim long dispela yia. Dispela tingting tu i kirapim tingting bilong ol lain long Lae na ol i tromoi sapot i go bihain long dispela tingting. Olsem na ol i bung long las wik na pasim dispela tingting.

## Klia long ol mangi Buresong



- Buresong soka tim bilong Mosbi. Ol i stat dispela yia tasol na i pretim planti tim long Mosbi soka resis.

## Elcom soim pawa long Hagen soka

OL pawa manki bilong Elcom i soim bikipela pawa long Hagen soka resis na nau em i stap antap long poin lata bilong Hagen resis.

Elcom i soim bikipela pawa tru long winim planti gem bilong em long raun 1 bilong Hagen soka resis long dispela yia. Olsem na em i go pas long poin lata na redi long holim yet dispela sia bilong em taim raun 2 i stat long dispela wiken.

Ol boi Konowan i ron namba 2 long Elcom. Tasol raun 2 i kamap nau na Konowan inap givim hevi long Elcom na tekova long poin lata.

Ol arapela tim olsem Kumuls, Pascol, Sunam na Telikom i pait strong yet long go atap. Long las em Tarangau i bosim na em bai pait strong long raun 2 long dispela wiken long traim bringim skoa bilong em i go antap long poin lata.

Elcom i soim pawa bilong em long go pas long poin lata taim em i nekim stret ol boi Tarangau wantaim 4-0 skoa long fultaim.

Elcom i soim olsem em i gat bikipela pawa na em inap long katim ol pawa lain bilong Tarangau olsem na em i soim stret dispela pawa bilong em long las wiken.

Long gem bilong ol meri, Konowan husat i lusim Lae las wiken na i go

bek long Hagen bihain long nesenel klap sempionsip i soim bikipela strong bilong em long nekim Pascol 2-0 long fultaim.

Tasol long poin lata bilong ol meri, Konowan bai wok hat liklik long daunim ol susa bilong Kimininga Barekts. Ol meri Kumuls i stap nau antap long poin lata bilong ol meri na Konowan i ron namba 2 long en.

Ol susa bilong PTC, Pascol na Sunam i ron bihain.

Long primia risev resis long las wiken, Blu Kumuls i givim gutpela sas tru long Pascol wantaim 1-0 skoa long fultaim. Dispela em wanpela gutpela gem tasol ol boi bilong Pascol i brukim planti lo olsem na Kumuls i sasim em long fultaim.

Long anda 19 resis, ol yangpela blut bilong Pascol i strong nem bilong klap long katim ol nupela pawa manki bilong Elcom wantaim 2-1 skoa long fultaim. Tim bilong Pascol long meri na primia risev i lus tasol ol junia bilong ol i laik strong nem bilong ol. Olsem na ol i nekim Elcom 2-1 long fultaim.

Hagen Soka Asosiesen (HSA) bai i go insait long raun 2 bilong em long dispela wiken. Ol i pinisim olgeta kik bilong raun 1 na nupela dro bilong pilai i go aut nau long statim raun 2

# Papindo Kap em PNGFA tonamen - Mommers

YAKAM KELO i raitim

## ... "Dispela i no nupela tonamen"

NESENEL Klap soka sempionsip long Lae las wiken em Papindo Kap aninit long lukaut bilong PNGFA, presiden bilong PNGFA, Peter Mommers i tok.

Peter Mommers i mekim dispela toktok long mekim klia ol tok-tok raun olsem dispela nesenel klap sempionsip em nupela tonamen ol i kolim Papindo Kap.

Mommers i tok dispela tonamen em bipo smok kampani, Benson & Hedges i save sponsorim we ol i save kolim B&H Kap. Tasol nau Papindo i sponsorim olsem na ol bai kolim Papindo Kap we bai i kamap long olgeta yia. Papindo i gat tripela moa krismas long sponsorim dispela nesenel klap sempionsip long Lae we Lahi Soka Asosiesen

(LSA) bai lukautim. Papindo i stat sponsorim long 1993 we Lahi Soka Asosiesen i save lukautim.

Dispela toktok paul i bin kamap taim tonamen dairekta bilong PNGFA, Michael Vee i bin stapim tonamen long Fraide 9, Jun long Sir Ignatius Kilage Stedum long Lae.

Michael Vee i tok bai PNGFA i stapim dispela tonamen bikos long bikpela ren long Lae na graun i no gupela long pilai i kamap long en.

Bikpela tok pait i kamap long dispela senis we planti klap opisal na tim menesa i autim ol tingting bilong ol.

Klap menesa bilong Guria Mosbi, Sawi Sitapai i tok Guria i no inap pilai bikos PNGFA i pulaut long tonamen ya.

Augustine Tom bilong Goroka i tok pilai i ken go het yet bikos Fraide em ren tasol ol i mas wet na lukim sapos ren bai stop long Sarere, Sande na Mande.

Long dispela taim, presiden bilong Lahi Soka Asosiesen (LSA) Dokta Kuam Malai i kamap wantaim tingting bilong rausim PNGFA tonamen na kamapim nupela tonamen we ol i kolim Papindo Kap na Lahi bai lukautim pilai ya. Dispela tingting i pulim bikpela sapot na olgeta tim i kam

long wanwan senta i afiliet gen long pilai.

Lae Futbol Asosiesen (LFA) na Lahi Soka Asosiesen (LSA) i poroman wantaim na holim pilai long tupela graun bilong LFA. Long dispela taim, ol i makim Michael Vee long kamap tonamen dairekta gen bilong Papindo Kap.

Tasol long Fraide nait, presiden bilong PNGFA, Peter Mommers i salim toksave i go long Lahi soka opisal olsem em bai kamap long Lae na dispela em PNGFA tonamen tasol aninit long nem bilong sponsa we ol i ken kolim Papindo Kap.

Mommers i tokim Wantok long LFA soka graun olsem sapos dispela i no PNGFA tonamen, bai em i no inap long kamap.

Mommers i tok em i toktok pinis wantaim ol opisal bilong Lahi long dispela senis na ol i wanbel long en.

Pilai i bin kamap long tupela soka graun bilong LFA wantaim na pinis long Mande we ol meri Waliya bilong LFA i winim Mosbi Guria 2-0 long kamap kwin bilong nesenel klap sempionsip long resis bilong ol meri.

Gren fainal bilong ol man i kamap namel long tupela Mosbi tim, Yunivesiti na Guria. Tupela i mekim save i go na dro 1-1 long fultaim na long ekstra taim, tupela i dro yet olsem na ol ogenaising komiti i stap gem bikos ples i go tudak na no gat lait bilong tupela tim i kikim penalti kik.

## Kas bilong boi Mushu Ailan

Nem: Ken Gule

Krismas: 21

Hevi: 61 kilo-grem

Longpela: 173 sentimita

Ples: Mushu Ailan, Is Sepik provins.

Soka Klap: Possinu

Posisen: Lep winga

KEN i stat pilai soka long 1982 taim em i stap long komyuniti skul. Em i bin makim Madang Anda 10 tim long 1982 insait long Junia Coca Cola sempionsip long Goroka, Isten Hailans provins.

Long 1992, Ken i go bek long Wewak, biktaun bilong Is Sepik na em wantaim ol boi statim Possinu soka klap, we i bin kamap long nesenel sempionsip long Lae las wiken.

Ken i gat bikpela tingting yet long pilai soka na strongim Possinu Soka Klap bilong em, na pilai strong long makim Wewak skwat long ol nesenel na rijonal sempionsip. Em i gat bikpela tingting tu long kamap insait long PNG skwat long bihain.


Ken i wokim nem pinis long ol Momase Rijonal tonamen. Na long dispela yia em bai namba wan nesenel resis em i pilai long en.

Ken i stap pinis long Wewak skwat na bai kamap long Mosbi long mun Julai long PNGFA Kap sempionsip.

Ol arapela gem ken i save laikim long pilai ragbi na volibal.

Feveret kaikai em saksak na makao pis.

STORI BILONG PILAIA



Ken Gule.

Ken i tingting long pilai soka yet i go inap long wanem taim em i o inap fit moa long pilai. Ken i bin pilai long olgeta posisen pinis. Na nau em i wokim nating long lep winga.

## Klostu driman bai kamap tru



NEM: John Laskam (singel)

PLES: Oro provins

KRISMAS: 24

HEVI: 164 kg

LONGPELA: 169 cm

KLAP: Sobou soka klap (Lae)

POSISEN: midfilda

FEVERET PNG KOSA: Ludwig Peka

FEVERET PNG PILAIA: Raymond Nasa

FEVERET OVASIS PILAIA: Ian Rush (Liverpool)

ARAPELA SAMTING YU LAIKIM: Lukim vidio, pilai boling na wotapolo, raun long bas, kukim kaikai long bus na singsing kwaia long haus lotu.

FEVERET KAIKAI: Rais na tin pis

MAKIM SKWAT: Lae skwat long Momase rijenal tonamen long Madang 1994.

STORI BILONG PILAIA

Dispela yia John i stap long Lahi soka skwat bilong pilai long nesenel sempionsip long mun Julai.

John i driman long kamap wanpela gutpela pilaia na makim PNG long bihain taim. John i save holim midfil bilong Sobou long Lahi soka asosiesen na em i wanpela gutpela pilaia ol opisal bilong Lahi i save long en.

John i save laikim gutpela pilai i mas kamap long fil. John i bilip olsem gutpela pilai i save helpim man i kamap gutpela pilaia na stended bilong gem tu i save go antap.

John i tok long kamap gutpela pilaia, yu mas harim tok bilong kosa na bihain, kamap long trening na no ken dring bia tumas.



Susa bilong Luteran Yut soka tim long Enga i tromoi bal long Papindo Kap tonamen long Lae.

## Momase lokim Rapatona inap fultaim

RAPATONA i painim hat tru long brukim umben bilong Momase olsem na tupela i dro 0-0 long Sande mein gem bilong primia long Mosbi soka resis.

Rapatona husat i gat planti gutpela na kasperiens pilaia long tim i no gat wanpela gutpela sans long putim bal i go insait long umben bilong Momase. Straika, Daniel Mota i mekim planti ron i go tasol em i wok long abrus na ol fulbek bilong Momase i rausim bal long en. Planti taim tu golkipa bilong Momase i sevim ol strongpela kik bilong Daniel na Jeffery Emang.

Momase i sanap strongpela banis tru long beksait na lokim olgeta sans bilong Rapatona long go skoa.

Long midfil eria, Budah i pait strong tru long setim Max na Kasa long go skoa insait long umben bilong Rapatona. Tasol Rapatona i gat PNG fulbek, Duri

Yarawi na Toru Turia i sanap olsem na Max na Kasa i nogat sans long go insait long skoa.

Long namba tu hap bilong pilai, Daniel Mota i luksave long strongpela difens bilong Momase olsem na em i stat long mekim ol kik long 18 mita mak. Planti kik bilong em i abrusim mak na wanwan em golkipa bilong Momase i sevim.

Momase i stat long ronim bal long winga na winga i krosim ol bal i kam insait long golmak bilong Rapatona. Dispela plen i kamapim sampela hevi long golkipa, Willie Bera bilong Rapatona. Tasol Willie i sambai gut tru na kalap sevim planti kik bilong Momase long rait winga. Kasa na Max i mekim planti ron i go insait long kisim ol bal i kam long winga tasol Willie Bera tu i longpela man na em yet i sevim ol bal ya na buria bilong Momase.

Tupela tim wantaim i dro 0-0 long fultaim. Tasol ol manki

Momase i gat bikpela amamas tru bikos ol i bin pait strong na stapim Rapatona long win. Rapatona em biknem soka tim bilong Mosbi husat i go pas long poin lata bilong PMSA nau. Planti pilaia bilong Rapatona em ol PNG soka skwat pilaia husat bai makim PNG long namba 10 Saut Pasifik Gem long Tahiti long mun Ogas.

Long arapela primia gem, GFC i sasim ol boi Blu Kumuls 3-2 long fultaim. Dispela i bin wanpela gutpela gem tasol ol boi Kumuls i no redi long dispela lus olsem na GFC i mekim ol i kirap nogut na winim gem ya long fultaim.

Ol soldia boi bilong Difens i kisim gut tru 4-pela hom med katres bilong Ela Yunaitet long Sande. Difens i putim strongpela pait tasol ol boi bilong Ela Yunaitet i gat gutpela plen olsem na ol i abrusim ol katres bilong Difens. Long dispela as, ol i sutim daun Difens 4-0 long las wiken.

# PNG boksa gat bilip long winim medel

TUPELA boksa bilong Papua Niugini i gat bikpela bilip long winim gol medel long Tonga long Osenia taitel neks wik. Tupela man ya em John Sam na Henry Kungsi.

John Sam bai pait long batam weit (54kg) na Henry Kungsi long lait weit (60kg).

Nupela nesenel boksing kosa, Peter O'Connor husat i save stap long Bulolo i tok em i gat bilip tu long 12-pela boksa bilong em inap winim tim medel long dispela pait long Tonga.

O'Connor i tok em i save olsem John Sam na Henry bai pait na

winim gol medel. O'Connor i bin luksave long tupela insait long trening bilong ol long Bulolo. Na tu long ol olupela rekot bilong tupela, kosa i save olsem tupela bai winim pait bilong tupela.

Kosa i tok em bai kirap no gut sapos Sam na Kungsi i no winim wanpela medel bikos tupela boksa ya i stap long top fom na i gat moa eksperiens long ol paitman bilong Pasifik rijen.

Sam i no bin stap long las trening long dispela wik taim narapela kosa, Raphael Kora i kisim ol. Tasol i gat luksave olsem nesenel kosa yet i givim em dispela taim

long malolo na stretim ol samting bilong em long go long Tonga long dispela pait.

I gat luksave olsem Peter O'Connor em wanpela level 1 kosa long Australia husat i kosim 8-pela sempion paitman bilong Australia.

O'Connor i tok dispela pait bilong Osenia taitel em bikpela pait tru bikos em bai kamapim sans bilong PNG long pait neks ya insait long Olimpik Gems long Atlanta.

Dispela Osenia taitel long Jun 26-30 bai bringim ol boksa bilong arapela Pasifik ailan olsem

Vanuatu, Fiji, Westen Samoa na Solomon Ailan. Nu Silan bai salim wanpela tim i go yet bikos ol tu bai tingting long winim sans long go pait insait long Olimpik Gems long Atlanta. Australia tu bai kamap long dispela pait.

Sapos PNG i winim wanpela gol o silva medel, bai dispela i givim sans long PNG i go insait long Olimpik Gems neks ya.

Steven Kevi husat em wanpela olupela eksperiens paitman bilong PNG i gat bikpela bilip tu long winim wanpela medel. Kevi i bin winim gol medel long 1991 Saut Pasifik Gems.

Long dispela wik trening, Kevi bin pinis pastaim long ol arapela boksa long wokim 100 pus aps. Na dispela i senisim ol stori olsem Kevi i no fit moa long pait.

Ol arapela tupela husat tu i gat bilip long winim medel em Chavis Kora long 51kg, Howard Gero 54kg na Lynch Pera long 57kg.

O'Connor i ting dispela em wanpela bikpela sans PNG i gat long ol planti krismas i go pinis.

Ol arapela paitman bilong PNG em, Ben Mathews long 60kg, Robin Rowa long 67kg, Michael Kelly long 67kg na John Bolemark long 71kg.

## Moa toktok egensim PNGFA Kap long Mosbi

WANPELA opisal bilong Wewak soka tim husat bai stap insait tu long kik resis bilong Papua Niugini Fut Asosiesen (PNGFA) Kap i no amamas long dispela tonamen i kamap long Mosbi.

PNGFA Kap tonamen bai kamap long Mosbi long Julai 21 i go inap long 24.

Menesa bilong Wewak tim, Yannie Sallei egens tru long Mosbi hostim dispela tonamen.

Bikpela astingting na Sallei egens long Mosbi hostim dispela tonamen em planti taim PNGFA Kap tonamen i save kamap long Mosbi. Na i no long ol arapela soka senta olsem Madang na Lae.

Em i tok long kik resis bilong dispela yia, bikos kik resis i kamap long Mosbi, ol tim bilong ol liklik senta husat i afiliet long PNGFA bai bungim bikpela hevi long go na stap long dispela kik resis.

Em i tok planti senta bai bungim hevi long sait bilong mani long baim balus tiket bilong ol pilaia na opisal, mani bilong

baim kaikai na ples bilong slip na transpot kos bilong kisim ol pilaia i go i kam long pilai.

Sallei tok long sait bilong Wewak, ol i save painim hat tru long kisim gutpela sponsasip. Na planti taim dispela i save kamapim hevi long afiliet long PNGFA na stap insait long ol bikpela kik resis.

"Em i moa gutpela long kain ol bikpela kik resis olsem PNGFA Kap tonamen i mas kamap long ol namel ples o senta olsem Lae na Madang. Dispela bai givim sans na mekim isi long liklik senta long kamap na stap insait long kik resis. Planti liklik senta i no save stap insait long dispela kik resis. Bikos kik resis i save kamap long Mosbi na i kosim ol bikpela mani tumas long go," Sallei tok.

Bihainim dispela egens bilong em, Sallei askim ol opisal na eksekutiv bilong PNGFA long paitim toktok. Na traim long lukluk long sampela gutpela rot long pulim moa senta long stap insait long PNGFA Kap kik resis long ol arapela yia.

Tasol long nau yet, Presiden bilong Wewak Soka Asosiesen, Michael Vee tokaut olsem Wewak bai kamap tu long dispela kik resis bilong PNGFA Kap.

Presiden Vee i tok tim bilong Wewak husat bai stap insait long dispela kik resis em tim husat i bin go long Vanimo long stap insait long kik resis bilong Momas Rijnol Soka tonamen.

Em i tok ol pilaia i wok long kisim malolo bihain long ol i lusim Vanimo na kam bek long Wewak. Na long arapela wik Tunde, ol pilaia bai bung na stap insait long wanpela kem.

Em i tok long kik resis, tim bilong em bai putim kamap gutpela pilai long salensim ol tim bilong ol biknem soka senta olsem Madang, Lae na Mosbi yet.

"Mipela bai traim long soim olsem mipela Wewak i nogat biknem long soka, mipela i ken pilai gutpela soka. Na tu mipela bai soim olsem Wewak tu i gat ol gutpela soka pilaia i stap," Presiden Vee i tok.

## Ol tisa koles bai bung long spot

HOLY Trinity Tisa Koles long Westen hailans provins bai putim kamap wanpela bikpela spot kanivel wantaim ol arapela tisa koles long Papua Niugini long mun Septemba long dispela yia.

Ol koles husat i tok orait pinis long kamap long dispela pilai em Dauli Tisa Koles, Balop Tisa Koles, Madang Tisa Koles na Holy Trinity Tisa Koles. I gat ripot olsem St Benedict Tisa Koles long Wewak i laik kamap tasol i no gat moa ripot i kam yet long ol.

Kain pilai ol sumatin bai kamapim em long ol spot olsem ragbi tas, soka, volibal, basketbal, netbal, sofbal na besbal. Pilai bai stat long tem 3 holide long

### ROBERT BOMA i raitim

Mande na pinis long Trinde. Insait long tripela de pilai ya, bai ol sumatin i kisim ol prais na sil. Dispela em husat koles i win long wan wan spot.

Sumatin husat i go pas long spot na komiti bilong Holy Trinity Tisa Koles, William Raimi tok dispela em namba wan taim long ol koles i holim dispela pilai.

Em i tok tu olsem sapos olgeta samting i go gut, em i ting olsem dispela bai kamap long olgeta yia bihain.

Raimi i tok olsem Holy Trinity bai lukautim dispela bikpela pilai

olsem namba wan taim na bihain, narapela koles i ken lukautim kanivel ya gen.

Em i askim ol koles husat bai kamap long pilai ya long baim K50 registresen fi bilong ol i go pas long soim olsem ol i redi long dispela pilai.

Narapela samting em Raimi askim ol bisnis kampani long Hagen long givim liklik sapot long sponsarim dispela spot kanival bikos nau yet ol i no gat mani long ranim dispela pilai. Tasol ol studen bilong Holy Trinity Koles yet i wok long salim ol kaikai na soim ol piksa long pulim liklik mani bilong lukautim dispela tonamen.



**Nogat rot nau!** • Tupela birua gad yet in bung long bal insait long Mosbi netbal resis long las wiken. Foto: Jack Ami.

## Ailan Ali tingim nem Momase rijen

### ARI HABA i raitim

LIKLIK ailan, Ali long nambis bilong Aitape, Sandaun provins i kamapim biknem long soka insait long Momase Rijenal tonamen long 9-12 Jun.


Tim bilong Ali i bin kisim prais bilong Tim of the match awod. Ol i mekim Vanimo i kirap nogut bikos olgeta lain i ting olsem liklik ailan olsem Ali i no inap kamapim kain pilai olsem. Na tu ol manmeri i no save olsem kain stail bilong soka i stap tu long Ali ailan.

Pilaia bilong Ali, Martin Oka i

tokim Wantok olsem Ali soka tim i makim Aitape 2 long dispela Momase Rijenal tonamen long Vanimo. Ol i no kam bilong pilai strong long winim prais o kamap long gren fainal. Bikpela samting em ol i tingim Sandaun provins na nem Momase rijen long i no ken pundaun.

Oka i tok Ali wantaim narapela tripela liklik ailan i save tingim dispela nem bilong Momase rijen olsem wanpela bikpela nem we i karamapim ol tu. Olsem na ol i mas bung wantaim ol arapela na amamas wantaim long kain pilai olsem o long wok bung long arapela eria bilong bungim ol Momase pipel wantaim.

# WANTOK SPOTS



## WIKEN DRO

### LAE WINFIELD LEAGUE DRAWS Round eight for seniors and round five for Cocoa-Cola juniors

Saturday June 24 1995

#### Outside ground

9.00am	U/17	Royals	vs	Spiders
10.00am	U/17	Magani	vs	Defence
11.00am	U/19	Brothers	vs	Morobe Tigers
12.00pm	U/19	Panthers	vs	Tarangau

#### Inside ground

9.00am	B	Brothers	vs	Magani
10.20am	B	Tarangau	vs	Spiders
11.40am	B	Royals	vs	Panthers
1.00pm	B	Defence	vs	Morobe Tigers
2.30pm	A	Tarangau	vs	Spiders
4.00pm	A	Defence	vs	Morobe Tigers

Sunday June 25 1995

#### Outside ground

9.00am	U/17	Brothers	vs	Morobe Tigers
--------	------	----------	----	---------------

#### Inside ground


9.00am	U/17	Panthers	vs	Tarangau
10.00am	U/19	Royals	vs	Spiders
11.00am	U/19	Magani	vs	Defence
12.00pm	A	Royals	vs	Panthers
1.30pm	A	Brothers	vs	Magani
3.00pm	I/C	Bombers	vs	Rabaul Gurias

### KOIARI RUGBY LEAGUE ASSOCIATION DRAWS FOR SUNDAY 25/6/95 ROUND 1/11

#### B GRADE

No	Team	vs	Team
1	Vakasu Souths	vs	Siri Broncos
2	Doma United	vs	Crystal Lakers
3	Hooks Tigers	vs	Bluff Inn Knites
4	Melbos	vs	Sogeri Choice
5	Country Brothers	vs	Ice Panthers

Bye: Siri Sharks  
First game: B grade only was played last week  
A grade to play only Souths Vs Broncos.



### Ol Wali bilong Madang

• (antap tru) Ol boi Madang Globetrotters husat i lus las wik long Mosbi Vipers long Inta Siti ragbi salens. Trotters i putim kamap gutpela salens tru tasol eksperiens bilong Vipers i winim dispela gem long 34-14.

### Nangu bois

• (aninit) Volibal tim bilong ol manki Wewak husat i pilai insait long Is Sepik provinsal volibal tonamen long 10-12 Jun. *Poto Fuzo Paul*

### PNGFA bai katim SP Gems skwat

SOKA skwat bilong Saut Pasifik Gems i go long Tahiti bai lusim planti pilaia long dispela wik bikos asosiesen bilong ol i no baim afiliesen fi i go long nesanel bodi (PNGFA). Nesanel kosa, Posman Kisakui i tok long dispela wik bai em i sekim rekot bilong PNGFA long painimaut long amaspela asosiesen i no baim yet afiliesen fi i go long PNGFA. Sapos ol asosiesen i no afliet yet, bai PNGFA i rausim ol pilaia bilong ol husat i stap insait long nesanel trening skwat bilong go kik long Tahiti SP Gems long mun Ogas.

Wantok i save olsem ol asosiesen husat i no baim fi bilong ol yet em, Kimbe, Goroka, Hagen na Lae Futbol Asosiesen (LFA). Ol dispela asosiesen i gat ol pilaia bilong ol long SP Gems trening skwat.

Posman i tok dispela i no gutpela pasin tru bikos bai planti gutpela pilaia i lusim sans long makim kantri. Tasol asua i stap long mama asosiesen bilong ol yet long i no stretim rot bilong ol.

Posman i tok dispela em wanpela lo bilong FIFA we olgeta kantri i go kik long SP Gems i mas bihainim. Bikos olgeta pilaia ya bai go aninit long lukaut bilong PNGFA.

Insait long wok redim bilong soka skwat husat bai karim nem bilong PNG long SP Gems ya, wanpela komiti aninit long opis bilong PNG Spot Federesen we ol i kolim Jastifikesen Komiti i oraitim pinis soka tim. Dispela komiti i amamas long wok redim na ol kain trening we soka tim i wok long kisim.

Jastifikesen komiti i skelim sapos soka bai wokim gut long dispela SP Gems long winim wanpela medel samt-ing.

Ol i skelim olsem soka i gat gutpela trening program bilong em bikos PNG tim we Mosbi pilaia i makim long Melanesian Kap long las ya i kamapim gutpela ripot. Ol i kamap namba 3 insait long 7-pela Saut Pasifik kantri husat bai pilai tu long dispela SP Gems.

PNG i pilai wantaim Fiji, Solomon Ailan, Vanuatu na Nu Kaledonia na soim olsem em i ken wokim gut long dispela ya long winim wanpela medel samt-ing long SP Gems.

Dispela Jastifikesen Komiti i skelim na tokaut olsem i moa gutpela sapos dispela soka skwat i ken gat moa-pilaia long Mosbi.

# Yuni na Guria bai pait gen long Bisini dispela Sarere

## YAKAM KELO i raitim

GURIA na Yunivesiti bai bung gen long dispela wiken Sarere long painim wina bilong Papindo Kap nesanel klap sempionsip long Mosbi.

Guria na Yunivesiti i bin dro 1-1 long Lae long 12 Jun na ples i tudak olsem na referi, Paul Pondo i stapim pilai long go moa long penalti kik.

Ol ripot we i kamap long National niuspepa long painimaut sapos Guria i brukim lo long lusim pilai long Lae na bihain kam bek gen i kamap

olsem bikpela toktok nau long ol soka opisal na edministreta.

Tasol nesanel kosa bilong PNG, Posman Kisakui i tok sapos Yunivesiti i bin ting olsem Guria i brukim lo bilong tonamen, watpo em go het na pilaim Guria long gren fainal?. Yunivesiti inap long holim straik na stopim gren fainal long kamap.

Narapela samt-ing tu em Posman i tok Guria i bin toktok tasol long maus long lusim pilai. Tasol em i no mekim wanpela eksen long karim ol kago na go bek long Mosbi. Dispela em olsem tingting bilong ol long lusim

pilai i no go wantaim eksen bilong sapatim muv bilong ol.

Presiden bilong Papua Niugini Futbol Asosiesen (PNGFA) Peter Mommers i bin tokaut tu olsem Papindo Kap em nesanel klap sempionsip bilong PNGFA. Dispela i min tu olsem Guria soka klap i mas pilai bikos em i difending sempion bilong dispela tonamen bilong PNGFA.

Mosbi Soka Asosiesen (PMSA) i orait pinis long holim gen dispela gren fainal bilong Yunivesiti na Guria long dispela wiken.

Yunivesiti i gat planti gutpela PNG pilaia i stap na

inap holim difens na atek bilong Yuni long traime rausim dispela taitel long Guria.

Yunivesiti bai yusim Hanz Gewabing na Komok Jem long fran lain long brukim banis bilong Guria egensim Adam Lema, Michael Baungi, Charles Api na Jara.

PNG midfild pilaia, Desmond Waku bai lukautim ensin rum bilong Yuni long traime abrusim difens bilong Eric Petrus na George Yambre.

Beklain bilong Yuni em Eka, Manu na Rosen na ol bai wok strong long stapim strongpela ron bilong Loise Iki, Ben na Peter Wanis.

Tasol bikpela wok tu bai i stap long han bilong tupela golkipa em Ronald Simon bilong Guria na Francis Kupe bilong Yunivesiti. Tupela golkipa ya i gat bikpela eksperiens long pilai long ol bikpela tonamen olsem na tu long planti gren fainal. Olsem na win bilong tupela tim wantaim bai i stap long han bilong tupela kipa yet long dispela wiken.

Sapos Guria i win long dispela wiken, em bai holim nesanel klap taitel long 9-pela krismas nau. Em i bin winim dispela taitel long 1986 egensim Buresong soka klap bilong Lae.

COLOR



LAE  
BISCUIT



# RAGBI LIG

NIUS

I NO BILONG SALIM

LAE  
BISCUIT



## Ol sapota bilong Warriors laikim Numapo long risain

RODNEY KAMUS i raitim

WANPELA sapota bilong Kundiawa Warriors husat i no laikim nem bilong em long kamap i tok olsem kosa bilong Warriors na olpela Kumul senta Bal Numapo i mas risain long sia bilong em olsem kosa bihain long dispela lus bilong oi egensim Lahanis long las wiken.

Sapota ya i mekim dispela singaut bihain long ol Warriors i pin gat liklik kros namel long oi yet bipo long oi i kisim pilai graun long pilaim oi Lahanis long Banz.

Kosa Bal Numapo long las wiken i bin putim wanpela nupela lainap tru i go insait long dispela pilai we planti ol sapota bilong Warriors i kisim kainkain tingting olgeta.

Tasol dispela nupela sait bilong Numapo i bin preting tru ol Goroka Lahanis i go inap ol Lahanis i winim dispela pilai long 23-16.

Ol nupela pes insait long dispela pilai bilong ol long las wiken em Peter Dee, Amba Dee, Sakias Topol na Robert Ater.

Tupela olpela Lahanis pilaia Samson Kimisopa na Paul Gela i kamap tu long dispela lainap long pilai egensim ol olpela tim meit bilong tupela. Numapo i bin sainim dispela tupela pilaia i no longtaim i go pinis.

Ol pilaia ya i kisim ples bilong Nere Laun, Mathias Kin, Goiye



- Vipers habbek Aquila Emil i salim wanpela pas i go aut na senta bilong Trotters i laik kaikai em. Vipers i winim Trotters 36-14.

Waine, Philip Kandaki na Jack Kola husat em ol i dropim ol long wanem ol i no bin pilai gut.

Tasol planti ol sapota bilong ol Warriors i pilim olsem nau yet i gat kros i stap namel long ol pilaia na dispela bai mekim ol i lus oltaim.

Sapota husat i toktok strong tru i iok olsem Numapo i mas risain long sia bilong em olsem kosa we dispela bai i gen bringim spirit bilong tim i kam insait gen.

Tosal kosa Numapo i bin amamas tru long dispela ol

nupela senis na i tok dispela bai apim stail bilong ol Warriors long pilai. Bihain long dispela pilai bilong ol egensim ol Lahanis long Sande na i tok olsem ol bai mekim sampela nois long poin lata bilong inta siti resis long bihain taim liklik.

Dispela wiken bai ol i pilai egensim ol Mosbi Vipers long Lyold Robson pilai graun long Mosbi.

Numapo i tok olsem ol pilaia i mas lainim long ol rong bilong ol na apim tim i go antap gen.

## Supa Lig bai sapotim ol referi

SUPA Lig bai wok yet long sapotim ol referi bilong Papua Niugini Ragbi Futbal Lig (PNGRFL) long ol referi developmen kosa em Australian Ragbi Lig i lusim pinis.

ARL i bin sapotim PNGRFL long ol referi developmen kosa wantaim ol samting i kam inap long las mun taim olgeta samting namel long dispela tupela kantri i pundaun na PNGRFL i joinim supa lig.

Nu Silan Ragbi Lig husat i bin helpim PNG long sain wantaim Supa Lig i bin tokaut long dispela samting tu long givim helpim bilong ol.

Dairekta bilong ol referi John Numapo i tok bihain

long em i raun long Australia na Nu Silan bihainim singaut bilong ol Supa Lig na i tok olsem gutpela samting long dispela em Supa Lig bai mitim kosa bilong dispela olgeta samting.

Em i tok olsem dispela i no wankain olsem ARL we ol referi asosiesen yet i save mitim kosa bilong bringim ol saveman bilong Australia i kam long ronim ol wok bilong.

Numapo husat i bung wantaim Lig referi kodineta bilong Supa Lig Graham Annesly long het opis bilong ol long Sidni i tok olsem ol biknem referi olsem Bill Harrigan, Stephan Clarke na



- Ol referi olsem Tony Kuni (lephan), Dennis Hale bilong Nu Silan na George Buka bai kisim gutpela sapot long Supa Lig.

Annesly yet i ken kam antap long hia sapos yumi singaut long ol.

Numapo i tok olsem ol dispela referi bai kam antap long givim skul long ol referi na wankain taim tu bai ranim sampela inta siti pilai.

Richard Johnson bilong ARL husat i bin ranim dispela kos na progrem i bin tokim Annesly yet long het opis bilong ol olsem supa lig i mas karim dispela wok long wanem hap em bin lusim.

PNG referi asosiesen bai autim nem bilong wanem referi bilong PNG bai makim yumi long Wol Kap pilai long England.

# Inta Siti poin lata redi long senis

## RODNEY KAMUS i raitim

DISPELA Wiken long raun namba 7 bilong SP Inta Siti Kap resis, bikpela pilai tru bai kamap long Hagen, Mosbi, Lae na Madang taim ol tim i bung gen long pait long dispela bikpela kap.

Tupela gutpela pilai em wanpela bai kamap long Hagen na narapela long Mosbi. Long Hagen em kopetisen lida Hagen Eagles bai bungim grenfainelt tim bilong las yia Goroka Lahanis na long Mosbi em primia tim Mosbi Vipers bai traime bun wantaim Kundiawa Warriors.

### Kundiawa Warriors vs Mosbi Vipers

Wantaim nupela senis kosa bilong Kundiawa Warriors Bal Numapo i mekim long tim bilong em na gutpela sapot ol bai kisim long ol manmeri long Mosbi, Kundiawa Warriors bai mekim bikpela pret tru long Mosbi Vipers.

Taim ol sapota na ol olupela pilaia bilong Warriors em Numapo i rausim ol, dispela i luk olsem ol nupela pilaia i mas pilai hat tru long winim dispela pilai bilong ol sapos ol i laik holim yet ples bilong ol na ol narapela manmeri tu bai i gat bilip yet long wok bilong Numapo.

Long Trinde Numapo i tok olsem ol pilaia bilong em husat i brukim sampela disiplin lo bai kisim mekimsave olsem na ol

bai kamap strong tru long winim pilai bilong ollong dispela wiken egensim Vipers.

Tasol Vipers husat i gat rekot long winim planti pilai bilong ol long dispela yia long Mosbi yet bai ino nap lusim ol Warriors i winim ol isi tasol.

Bihain bikpela win bilong ol egensim Madang Trotters long las wik Sande, ol bai traime hat tru long winim gen dispela bikpela pilai bilong ol long dispela wiken.

Vipers i gat gutpela fowat lain bilong ol long Ben Bire, James Naipao, Michale Mondo, Billy Kambaou na Peter Sterlo wantaim gutpela beklain tru bilong Markus Bai, David Mune, August Darius, Aqula Emil na Elias Paiyo long statim olgeta samting bilong ol.

### Goroka Lahanis vs Hagen Eagles

Dispela pilai bai wanpela strong tru long dispela wiken na sapos hagen eagles i winim, em bai stap yet olsem kompetisen lida tasol sapos Goroka Lahanis i pilai strong na winim ol, Goroka bai i gat sans long go pas long poin lata bilog inta siti resis sapos Mendi Muruks i lusim pilai bilong ol tu egensim Madang long Madang.

Hagen Eagles bihain dispela lus bilong ol long Lae Bombers long las wiken long as graun bilong ol yet bai traime hat tru long pilai egensim ol Lahanis long holim yet ples bilong ol



**Redi tasol** • Tupela wokman bilong St John Ambulens i redi tasol long sailtain long helpim ol pilaia husat i kisim bagarap. Ol i save mekim dispela wok long olgeta taim inta siti reisis i kamap long ol lokel pilai tu.

long poin lata bilong inta siti resis.

Ol Lahanis tu bihain long dispela win bilong ol egensim Kundiawa Warriors i bai tingting strong tru long winim dispela bikpela pilai tasol i luk olsem ol Hagen Eagles i gat moa sans long wanem dispela pilai bai kamap long as graun bilong ol yet na ol bai strong tru long winim.

### Lae Bombers vs Rabaul Guria

Lae Bombers i wok long soim strong bilong ol nau yet long winim tripela pilai bilong ol wantaim na i sindaun na long 6-pela pions bihain long ol i winim Madang, Hagen na Kundiawa na i luk olsem dispela wiken gen bai ol i mekim wankain pasin long Rabaul Guria long Lae.

Lae Bombers i bin kamapim gutpela pilai tru long las wiken egensim ol Hagen Eagles we ol i bagarapim stret sindaun

bilong ol long asgraun bilong ol long Rebiatul pilai graun.

Na dispela wik Sande gen em Rabaul Guria i stap aninit long paia bilong ol gen.

Tasol Rabul Guria nau yet i wok long soim gutpela strong bilong ol long lusim ol pilai bilong ol bihain long givim hatpela taim. Tupela biknem Kumul pilaia bilong bipo Tuksy Karu na Joshua kouoru bai helpim ol long beklain gut tru na but bilong Karu bai givim ol Guria bikpela sans tru long winim dispela bikpela pilai bilong ol.

### Mendi Muruks vs Globetrotters

Madang i gat rekot long dispela yia long winim na dro long tupela pilai bilong em long Ron Albert pilai graun na Muruks i mas lukaut taim ol i kamap long hap.

Las wiken bikpela lus bilong ol long Mosbi Vipers bai mekim ol i wok hat tru long winim dispela bikpela pilai bilong ol.

Tasol Mendi Muruks wanpela tim husat i stap namba wan long poin lata tu i redi tasol long tanim nek bilong ol bilak bokis bilong Madang.

Long dispela olgeta pilai, Mosbi Vipers bai winim Kundiawa Warriors, Hagen Eagles bai winim Goroka Lahanis, Lae Bombers bai winim Rabaul Guria na Mendi Muruks bai winim Madang Trotters.

## RAGBI LIG DRO

### SYDNEY RUGBY LEAGUE

#### LAST WEEKEND'S RESULTS

Newcastle	24	bt	St George	13
Western Reds	18	bt	South Sydney	14
Sydney Tigers	16	bt	South Queensland	12
Penrith	34	bt	Auckland	16
Illawarra	34	bt	Brisbane	18
Manly	36	bt	North Sydney	6

#### POINTS LADDER

	W	D	L	F	A	P
Manly	12	-	-	361	98	24
Newcastle	11	-	1	375	189	22
Canberra	11	-	1	289	127	22
Brisbane	9	-	3	260	182	18
Cronulla	8	-	4	269	137	16
Wests	8	-	4	297	244	16
Bulldogs	7	-	5	219	185	14
Sydney City	7	-	5	254	221	14
Penrith	6	-	6	291	231	12
Norths	5	-	7	317	200	10
Auckland	6	-	6	305	301	10+
Tigers	5	-	7	195	279	10
Western Reds	5	-	7	167	334	10
Illawarra	4	1	7	252	287	9
St George	4	-	8	239	242	8
South Queensland	3	1	8	153	275	7
Parramatta	3	-	9	182	353	6
Gold Coast	2	-	10	198	357	4
Souths	2	-	10	183	348	4
North Queensland	1	-	11	148	362	2

### SYDNEY RUGBY LEAGUE

#### THIS WEEKEND'S DRAWS

Cronulla	vs	St George
Newcastle	vs	Bulldogs
Easts	vs	Canberra
Parramatta	vs	Brisbane
Illawarra	vs	Norths
Manly	vs	Western Reds
North Old	vs	Tigers
South Old	vs	Penrith
Wests	vs	Auckland
Souths	vs	Gold Coast

### LAE WINFIELD LEAGUE DRAWS

Round eight for seniors and round five for Cocoa-Cola Juniors

#### Saturday June 24 1995

##### Outside ground

9.00am	U/17	Royals	vs	Spiders
10.00am	U/17	Magani	vs	Defence
11.00am	U/19	Brothers	vs	Morobe Tigers
12.00pm	U/19	Panthers	vs	Tarangau

##### Inside ground

9.00am	B	Brothers	vs	Magani
10.20am	B	Tarangau	vs	Spiders
11.40am	B	Royals	vs	Panthers
1.00pm	B	Defence	vs	Morobe Tigers
2.30pm	A	Tarangau	vs	Spiders
4.00pm	A	Defence	vs	Morobe Tigers

#### Sunday June 25 1995

##### Outside ground

9.00am	U/17	Brothers	vs	Morobe Tigers
--------	------	----------	----	---------------

##### Inside ground

9.00am	U/17	Panthers	vs	Tarangau
10.00am	U/19	Royals	vs	Spiders
11.00am	U/19	Magani	vs	Defence
12.00pm	A	Royals	vs	Panthers
1.30pm	A	Brothers	vs	Magani
3.00pm	I/C	Bombers	vs	Rabaul Gurias

### KOIARI RUGBY LEAGUE ASSOCIATION

DRAWS FOR SUNDAY 25/6/95

ROUND 1/11

#### B GRADE

No	Team	vs	Team
1	Vakasu Souths	vs	Siri Broncos
2	Doma United	vs	Crystal Lakers
3	Hooks Tigers	vs	Bluff Inn Knites
4	Melbos	vs	Sogeri Choice
5	Country Brothers	vs	loe Panthers

Bye: Siri Sharks

First game: B grade only was played last week  
A grade to play only Souths Vs Broncos.

### PORT MORESBY RUGBY UNION

Rugby Park, Bava street

Saturday June 24, 1995

#### Oval one:

##### D grade

TIME	TEAM	VS	TEAM
1.00	Barians	vs	University

##### C grade

2.00	Barbarians	vs	University
------	------------	----	------------

##### B grade

3.00	Barbarians	vs	University
------	------------	----	------------

##### A grade

4.00	Barbarians	vs	University
------	------------	----	------------

#### Oval Two

##### D grade

1.00	Telikom	vs	Defence
------	---------	----	---------

##### C grade

2.00	Telikom	vs	Defence
------	---------	----	---------

##### B grade

3.00	Telikom	vs	Defence
------	---------	----	---------

##### A grade

4.00	Telikom	vs	Defence
------	---------	----	---------

#### Sunday June 25, 1995

##### Oval one

1.00	Brothers	vs	Harlequins
------	----------	----	------------

##### C grade

2.00	Brothers	vs	Harlequins
------	----------	----	------------

##### B grade

3.00	Brothers	vs	Harlequins
------	----------	----	------------

##### A grade

4.00	Brothers	vs	Harlequins
------	----------	----	------------

#### Oval two

##### D grade

1.00	Air Niugini	vs	Rouals
------	-------------	----	--------

##### C grade

2.00	Air Niugini	vs	Royals
------	-------------	----	--------

##### B grade

3.00	Air Niugini	vs	Royals
------	-------------	----	--------

##### A grade

4.00	Air Niugini	vs	Royals
------	-------------	----	--------

# Brothers bai holim yet taitel

## KUNDIAWA LIG RIPOT

KING bilong Kundiawa Ragbi Futbol Lig Brothers i gat strongpela tingting nau long holim taitel bilong ol yet long dispela sisen.

Dispela klab husat em klostu ol Kundiawa Lig i pinisim taim ol i no baim ol pilaia registresen fi tasol bikpela amamas bilong ol i mas go long ol Goroka Bookmakers long putim K1,105 long helpim ol long dispela sisen.

Dispela klab ya long stat bilong dispela yia i nogat sans long kisim wanpela sponsasip tasol ong Bookmakers bilong Highlands i kam na helpim ol i kamaut.

Olgeta opisal bilong klab i amamas tru long dispela sponsasip na i mekim strongpela tok tok tru olsem ol bai go het long pilai strong long dispela yia na holim taitel bilong ol em ol i kisim long las yia.

Klab ya i gat nem long kamapim planti gutpela pilai

long kantri na wanpela em Bal Numapo na narapela em David Tinemau. Tupela man ya wantaim i kamap Kumul kepten. Ol narapela pilaia em Brown Sinamoi, Peter Launa, John Unagi, Martin Lakari na Beline Tololo.

Klab ya i bin winim 4-pela primiasip stat long 1982 i kam inap long 1986.

Long ol narapela stori, kosa bilong Kundiawa Warriors Bal Numapo i tok olsem em i senisim tim bilong Warriors long wanem i nogat gutpela disiplin i stap long ol pilai long pilai graun na autsait tu. Na dispela ol lain husat em i painim ol long brukim ol dispela samting bai kisim bikpela taim tru.

Em i tok tu olsem wanpela wok bilong em olsem kosa bilong Warriors tu long dispela yia em long lukim olse tim ya i mas kamap gut long mekim nem insait long kantri.

Numapo i sainim pinis tripela olpela Lahanis pilaia Samson Kimisopa, Bobby Mangope na Paul Gela long pilai wantaim tim bilong em long dispela yia resis.

# Hagen Eagles lus long Rebiamaul

Bombers 26 vs Eagles 14

## MICHEAL MONDA i raitim

BIHAIN long ol Mendi Muruks i autim ol Rabaul Guria 28-17 Lae Bombers i bagarapim sindaun bilong ol Hagen Eagles long as graun bilong ol long Rebiamaul pilai graun.

Liklik taim tasol i go insait long namba wan hap bilong pilai, liklik namba 7 bilong ol Bombers i putim wanpela trai stret long hap bilong ol Eagles na winga bilong ol i kikim i go insait long bringim skoa bilong ol long 6-0.

Bihain liklik long namba wan hap yet, ol Bombers i mekim gutpela pilai namel long ol beklain na fowat bilong ol na wanpela moa trai i kamap long bringim skao bilong ol long 12-0 egensim Eagles.

Bekim bek bilong dispela, ol Hagen Eagles i salim bikpela fowat bilong ol Elias

Kamiak i go silip antap long trai lain bilong ol Bombers.

Kik bilong Henry Normen i tok orait tasol na skoa bilong ol i sanaplong 12-6. Tasol Bombers i kisim wanpela penelti gen long apim skoa bilong ol i go antap moa long 114-6.

Tasol ol Eagles i pilim olsem ol i mas pilai hat tru long holim ples bilong ol yet long namba wan ples bilong inta siti resis olsem na ol i salim senta bilong ol long putim wanpela trai na pulim skoa klostu liklik long 14-10.

Skoa inap stap olsem tasol ol Lae Bombers i kamapim gutpela pilai bilong ol gen na dispela taim ol i no isis wantaim ol Eagle. Bihainim ol strongpela takel na gutpela strongpela ron long ol fowat bilong ol, bikpela fowat Philip Phil i go silip antap long trai lain. Kik i go insait na ol i go pas olgeta long 20-10.

Senta bilong ol Eagles i bekim bek dispela trai long

putim skao i go antap long 20-14 taim kik i no go insait tasol ol Bombers i kam bek strong wantaim narapela moa trai na skoa i sanap long 26-14 long fultaim.

Bihain long ol dispela pilai, inta siti resis poin lata i sanap olsem

Mendi Muruks	10
Hagen Eagles	10
Goroka Lahanis	8
Mosbi Vipers	8
Lae Bombers	6
Kundiawa Warriors	3
Madang Trotters	3
Rabaul Guria	0

Dro bilong raun namba 7 long dispela wiken bai sanap olsem

Mosbi (Pom)	vs	Kundiawa
Goroka (Hgn)	vs	Hagen
Madang (Mag)	vs	Mendi
Lae (Lae)	vs	Rabaul

# Tika helpim Waigani long winim NUS taitel

YUNIVESITI bilong Papua Niugini Waigani Campus i mekim planti i toktok long ol bihain long ol i winim primia tim Creative Arts Faculty long kisim 1995 Nesanel Yunien of Student(NUS) Ragbi Lig tropi long Goroka long las wik Sande.

Kepten bilong UPNG Waigani Gabriel Tika husat i bin pilai hat tru i lukim olsem tim bilong em i pinisim gut tru ol mangi long Goroka long winim dispela tropi long 10-4. Em i putim wanpela trai na kikim wanpela penelti long helpim tim bilong em long win.

Pilai long lok, Tika i bin narakain stret long ol strongpela ron bilong em na ol strongpela takel i save bagarapim stret husat man i kam klostu long em.

Tika i putim Waigani antap long skoa bod pastaim taim em i kikim wanpela penelti long 10 minit bilong pilai we ol i go pas 2-0.

Tasol Creative arts i kambek strong tru wantaim wanpela trai i kamap long Robert Anasai long kona na ol i go pas long 4-2.


Dispela trai i kamap bihain long ol gutpela pilai i kamap namel long ol pilai long wanpela sait bilong pilai graun i go olgeta long narapela.

Mogi Kua, Peter Bamna, Eno Tanda na Eddie Tenakanai i

liklik long sais tasol ol i pilai hat tru egensim Waigani.

Tasol i no longpela taim na Waigani i stat long laitim paia bilong ollong pilai strong tru na win Paguk i kisim wanpela gutpela bal na i ron stret i go long trai lain long putim.

Tika i no kikim dispela gol i go insait na skoa i pas long 10-4 i go inap pilai i pinis olgeta.



Taim bilong amamas • Tupela winga bilong Mosbi Vipers, David Mune na August Darius i holimpas bihain long ol i skorim wanpela trai egensim Madang Globe Trotters long last wiken.

# Muruks mekimsave long Guria

## MICHAEL MONDA i raitim

BIHAIN long sampela liklik asua i bin kamap nambaut long ples bilong holim pilai, Rebiamaul Ragbi Lig graun long Hagen i bin holim tupela bikpela pilai long las wiken. Ol pilai ya em bilong inta siti resis namel long Rabaul Guria na Mendi Muruks na Hagen Eagles wantaim Lae Bombers.

Mendi Muruks inap long pilaim dispela gem bilong ol egensim Rabaul Guria long Banz tasol long liklik asua na PNGRFL i karim dispela pilai i kam long Hagen.

Long opim dispela ol pilai, Muruks na Guria i bin stat pastaim na Muruks i winim dispela pilai long 28-17.

Boni Waiwai bilong Mendi Muruks i bin opim skoa wantaim wanpela gutpela trai klostu tasol long pos na Joe Kepilou i kikim isi tasol i go insait na Muruks i go pas long 6-0.

Bihain tasol long dispela Peter Kengi bilong Muruks i putim wanpela moa long surikim skoa i go antap long 12-0.

Taim ol Guria i lukim olsem, kepten bilong ol August Joesepp i kirap na pairapim trai lain bilong ol

ol Muruks tasol Tuksy Karu i no nap long kikim i go insait.

Bihain liklik referi i givim wanpela penelti i go long Guria na Karu i putim tupela isi poms i go antap long bringim skoa bilong ol long 12-6.

Muruks i putim tupela moa trai wanpela i kam long Petrus Thomas na narapela i kam long Thomas Undupia long bringim skoa bilong ol i stap long 22-6 long hap taim.

Long sekan hap bilong pilai ol Guria i pasim toktok pinis na kam insait na wanpela gutpela trai i kamap long kona stret. Karu i

kikim dispela gol i go insait na skoa i sanap long 22-12. Ino long-taim wanpela moa trai i kama na surikim skoa bilong ol Guria i go antaplong 22-16 long wanem Karu i no nap long kikim i go insait.

Ol Muruks i kisim wanpela penelti bihain tasol long dispela na surik skoa bilong ol i go antap long 24-16.

Karu i kikim wanpela fil gol bilong ol Guria na skoa bilong ol i stap long 17 tasol i go inap pilai i pinis. Ol Muruks i putim wanpela moa trai na fainel skoa em 28-17.

# Concordia nekim Minj sait

...na Lahanis mekim wankain long Warriors

**ROBERT BOMA**  
i raitim

CONCORDIA Luthren Hai Skul ragbi tim bilong Nu Saut Wels husat i kam raun long pilai long PNG i winim gen narapela pilai bilong ol egensim wampela sait bilong Minj 22-18 long Minj ragbi lig graun long las wik Sarere.

Pilai ya i bin stat gut tru wantaim spit na tupela sait wantaim i putim olgeta samting i go insait long sait bilong difens na atek.

Ol turis ya i bin putim namba wan pouns bilong ol antap long skoa bod taim Minj sait i mekim wampela liklik rong long 20 mita mak bilong ol yet we i lukim fulbek bilong ol Concordia i skoa aninit stret long gol pos.

Minj referi Solomon Kawi i bin ref gut tru long dispela pilai na i save lukim ol Minj i op sait long planti taim tru.

Ol lain long Minj i lukim dispela kain pasin

i wok long kamap na putim olgeta save ol i gat long pilai i go insait tasol wampela samting ol i nogat em gutpela sapot pilai i no kamap. Ol turis tu i lukim gut olsem olsem na i no givim wampela spes liklik long ol mangi Minj long ron.

Taim pilai i go insait long namba tu hap bilong pilai, olgeta samting em ol mangi long Australia tasol i kisim. Ol sapota tu i stap baksait long ol turis long wanem i nogat wampela Minj pilaia i stap insait long dispela sait.

Long narapela raun 6 pilai bilong inta siti resis, Goroka Lahanis i winim ol Simbu Warriors 29-18 bihain long wampela strongpela pilai tru.

Dispela pilai i sapos long kamap long Goroka tasol bihain dispela trabel bilong ol Lahanis egensim Mendi Muruks tupela wik i go pinis na ol i bringim dispela pilai i kam long Minj.

Stanley Gene na

David Buko i kamap olsem tupela strongpela na stail pilai bilong ol Lahanis.

Kundiawa Warriors maski ol i lus i putim kamap wampela strongpela pilai tru we yu lukimol sapota i no sindaun gut long stat bilong pilai yet i go inap pilai i pinis.

Wampela sapota bilong Warriors husat i no laikim nem bilong em long kamap i ok olsem olpela Kumul senta na kosa bilong Warriors Bal Numapo i mas risain long wok bilong em sapos ol Warriors i lusim narapela pilai bilong ol gen.

Toktok i bin kamaut olsem bipo long dispela pilai bilong ol egensim ol Lahanis, ol pilaia i bin kros liklik na dispela i mekim na ol i lus.

Long ol narapela pilai bilong inta siti, Hagen Eagles i lus long ol Lae Bombers 24-16, Muruks winim Rabaul Guria 34-18 na Vipers kilim Madang 34-14.



**Taim bilong brukim bun...**

• Poto long antap na daunbilò i soim ragbi lig eksen long Mosbi. Pilai i stap namel long Magani na Brothers long las wiken bipo lon inta siti pilai.

## Boera Sailors mekim soim strong bilong ol gen

**RODNEY KAMUS** i raitim

OL Lain Boera Sailors i soim yet olsem ol i wampela strongpela tim insait long resis bilong Sentrel Lig bihain long ol i daunim Balawa Wallabies 22-21 long wampela strongpela pilai tru long las wik Sarere long Mosbi.

Tasol Wallabies i nap tru long winim dispela pilai long wanem ol i no bin kikim konvesen bilong ol long fultaim i go insait stret we bai mekim skoa i sanap long 23-21. Tasol abrus bilong gol kika long kikim bal i go insait long fultaim stret i mekim na ol i lusim dispela pilai.

Ol Wallabies husat i bin stap daunbilò long 17-22 bihain long ol Sailors i putim wampela trai 5 minit bipo fultaim i lukim ol i kirap na pilai strong tru.

Huka Allen wari i putim trai bilong ol Wallabies arere long gol pos we i givim kika Kid Dibura long kikim bal isi tasol i go insait long mak. Tasol but bilong Dibura i no go stret na ol Sailors i winim dispela pilai long Sarere.

Ol Sailors husat i bin soim pawa bilong ol olsem wampela strongpela tim long Sentrel lig i bin putim

skoa bilong ol long 14-8 long namba wan hap bilong pilai wantaim trai i go long Kara Henao, Gorden Menson na Rei Tau na Henao i kikim wampela tasol bilong ol dispela tripela trai.

Ol poin bilong Wallabies i kam long stail faiv-eit bilong ol Moses Matuka husat i putim trai na tu i kikim gol bilong ol.

Long namba tu hap bilong pilai i bin strong tru na tupela sait wantaim i pilai hat tru inap Matuka i kam na putim wampela trai long putim skoa bilong ol Wallabies i pas wantaim ol Sailors long 14-14 long 39 minit.

Matuka i kikim wampela fil go we i lukim ol i go pas long 15-14 inap wampela penelti i go long Sailor i mekim na oli go pas gen long 16-15.

Ol i pilai i go inap long dispela laspela trai bilong ol Wallabies we ol i no kikim i go insait i mekim na ol Sailors i win long 22-21.

Long ol narapela pilai Hanuabada Hawks 20 winim Konebada Panthers 0 na Hiri Tigers wilwilim Rokurokuna 60-0.

## Lagisa bai go pas long Bialla skwat

BIALLA Ragbi Futbol Lig insait long Wes Nu Briten provins i makim pinis wampela skwat bilong ol long pilai egensim Kimbe long Winfield Nesanel Sempionsip bai kamap long Kimbe long July 9.

Long wanakin taim olpela Island Zone fowat Chris Lagisa i

kisim wok olsem kepten bilong Bialla sait taim ol opisal i tokaut long dispela skwat.

Namba tu presiden bilong Bialla Ragbi Lig Rabura Tamura i tok olsem ol i makim dispela skwat long lukluk bilong ol pilaia long wei ol i save pilai na ekspiriens bilong ol.

Dispela Bialla sait em: Lagisa

(kepten), Fred Noah, Conrad Gabu, Nixon Volele, Baldwin, Lobao, Blasius Lagisa, Issac Napkai, Eremas Adavu, Dominic Komle, Jeffrey Willie, Issac Tuarong, Enoch Paraide, Mail Rabaom, Gerard Ania, Bueli Laigi, David Sapau, Kepas Bera, Paul James, Bera Lume na John Valuka. Kosa em Perry Lume.

## Trotters mas gat gutpela faiv-eit

**JAMES KILA** i raitim

MADANG Kalibobo Globetrotters sait bilong Inta Siti Kap resis i mas gat wampela gutpela faiv-eit long stap namel na salim ol bal i go kam gut long ol fowat na ol beklain.

Dispela i bin kamaut long las wiken taim ol i pilaim ol Mosbi Vipers long Mosbi we ol Vipers i winim long 36-14.

Maski ol mangi Madang i putim kamap gutpela pilai long namba wan ten minit bilong pilai, faiv eit bilong ol i no pilai gut long posisen bilong em long makim gut na atekim Aqiula Emil husat i pilai egensim em. Long planti taim pilaia ya i no pilai stret long posisen bilong em.

Hapbek bilong ol Trotters Sam Karara husat i wokhat tru long statim atek long sait bilong em i no kisim wanpla gutpela sapot i kam long narapela hapbek. Faiv-eit bilong ol Trotters John Dako i gutpela long wing em posisen em i save pilai gut long em.

Long dispela i mekim na Aqiula Emil i pilai gut tru mao long dako tasol Karara husat i no kisim wampela sapot tasol bikpela lok fowat Robert Tia olgeta taim i save kam antap long pinisim Emil.

Ol Trotters i putim kamap gutpela salen long namba wan hap bilong pilai tasol ol i pundaun gen long namba tu hap bilong pilai. Tasol i nogat strongpela difen bilong ol na ol i lus.

Namba wan trai bilong ol Vipers long Arbold Krewanty bihain long gutpela pilai i kamap long Elias Piayo na bihain liklik Krewanty i ranawe gen long putim wampela gen na Bire i pinisim olgeta.

Long ol Trotters, Gispe na Tia em tupela man bilong wok strong tru long pasim ol Vipers long ol atek bilong ol.

Tasol ol Vipers i winim pilai long beklain bilong ol namel long Markus Bai, David Mune na winga James miviri i pilai gut tru long ol Vipers.

# NEW technology to serve you better



**IDD  
to the World**

For all telecommunication needs in Papua New Guinea, Telikom gives you world class quality with the newest and best technologies available.

You simply can't get better anywhere.

Think of it, International Direct Dialling to the world gives business immediate access to international markets, and friends can be in touch immediately - distance no problem.

Our upgraded digital exchanges mean that voice calls and computer links get through quickly, accurately and with more clarity than ever before plus all the convenient extras like call forwarding, ring back information, wake up calls, and abbreviated dialling.


We are now on the brink of the cellular phone revolution. A phone you can carry anywhere and use on the move. Imagine the convenience of immediate access to customers and contact with friends anywhere, anytime.

All part of the new technology brought to you by the new Telikom because now we're really talking.

**DIGITAL  
Clarity and Speed**



**MOBILE PHONES  
calls on the move**




THE NEW



# TELIKOM


*Now we're really talking!*



• Liklik trabel i kamap namel long ol Globetrotters na Vipers.



• Bikpela fowat bilong Globetrotters Robert Tio i nogat rot bilong go taim Billy Kamboan i holim em.



• Port Mosbi Ragbi Lig eksen namel long brothers na Magani long las wiken.




• Wapela pilaia bilong Madang i mekim wapela strongpela ron bilong em long las wiken egesim ol Vipers. Vpers i win 36-14.



• Huka bilong Vipers Elias Paiya i nogat rot long go taim ol Madang i pasim em.



• Winga bilong madang i nogat rot long abrusim Vipers hapbek Aquila Emil.



• Mosbi ragbi lig eksen namel long Air Niugini souths na Defence.

# BIHAINIM BENNY



• Michael Brown . . . Kisim bek strong bihain long em i statim pilai bihain long ol arapela wantaim Tigers

GUTPELA Huka Michael Brown i save tingting planti taim bipo olsem em bai kisim ol samting bilong em na tok gutbai long ol Sydney Tigers na go olgeta.

Brown husat i gat 24 krismas i bin stap longpela taim tru long risev gret pilai aninit long Benny Elias. Long planti long posisen bilong em i gat wanpela sans i bin kamap taim ol East i bin mekim kamap wanpela ofa long 1992 i kam long em. Sapos long ol nara-pela pilaia, dispela em olsem mana kaikai i kam long heven.

Maski long dispela hevi bilong mani em ol East i bin gat, ol Roosters i askim em long pilai fes gret olgeta. Brown i tingting long dispela tasol i no kisim.

Planti i tingting olsem dispela disesen bilong em i no gutpela tumas long wanem Elias i tok olsem em bai pilai long tupela sisen moa.

Tasol Brown i no laik lusim ol Tigers olgeta. Em i kamap bikpela long dispela eria na pilaim olgeta junia pilai bilong em long hap na bikpela samting em i laik mekim tru em long werim blak na gol kala.

Olsem na em i werim dispela samting long tupela moa yia. Elias i pinis pilai long 1994 na dispela namba 9 jesi Brown i laikim em i kisim olsem bilong em nau.

Na tripela mun tasol i go insait long dispela pilai, dispela i sapos long bikpela yia bilong em na wanpela askim i stap olsem Brown i laikim tru dispela jesi o nogat.

Go bek gen long gutpela futbol na marit bilong em long Oktoba i tanim 1995 i go olsem wanpela bikpela yia bilong em tru.

Tasol dispela i no kamap hariap tumas long em na em i lukim olsem nogat samting bai kamap bihainim plen bilong em.

Long Wol Sevans long stat bilong dispela yia, Brown i bagarapim lek bilong em we i fosim em long stap aut long namba wan hap bilong sisen.

"Mi bin wet longpela taim tru long kisim dispela ples na dispela samting i kamap-mi bin wari nogut tru," Brown i tok.

"Mi stap long Balmain long wanem mi laikim dispela klab. Na mi save olsem Benny bai pinis klostu.

"Tasol mi no amamas na sapos

mi gat taim, mi bai pinis."

Taim em i pinis long dispela bagarap, Brown i save olsem em i gat planti wok i stap long em. Long stat em i mas pait wantaim yangpela Stephan Scahill long dispela namba 9 jesi.

Scahill i bin pilai gut tru long win bilong ol Tigers antapim ol Penrith, North Queensland na Sydney Rooster.

Taim em i painimaut olsem em i nogat bikpela sans long posiser bilong huka, em i wok long swin planti na ron long nambis long mekim em i kisim bek strong bilong em long dispela posisen.

Taim em i kam bek, ol i givim Brown tupela pilai long risev gret long lukim em i sanap strong gen long lek bilong em. Em i kisim sans bilong em egensim Auckland long fes gret na em i holim strong olgeta long raun 11.

Maski ol i lus 36-12 egensim ol Warriors, Brown i bin wanpela namba wan pilaia bilong ol tru.

Brown i lusim sampela spit bilong em tasol ol dokta i tokim em olsem dispela bai kam bek long em klostu. Em i lukim tu olsem em i mas traime kik moa olsem na em i save mekim moa trening.

Olpela intanesenel Ben Elias em wanpela man husat i save laikim tru pilai bilong Brown. Poro bilong tupela i olsem masta na sumatin na Brown i save amamas oltaim long kisim skul bilong Elias.

"Michael em i wanpela top pilaia-na em i gat kankain stail long givim sevis long skram na dami hap tu long taim bilong pilai," Elias i tok.

"Dispela bagarap i kamap long lek bilong em i holim em bek tasol taim dispela i pinis olgeta i luk olsem neks yia bai em i opim ai bilong kisim seleksen tu.

"Michael i bin gat sans long lusim klab tasol lukim em i stap na em i gat planti gutpela samting nau."

Olgeta samting i kamap gut long Michael nau. Em bai marit long Oktoba long premeri bilong em Cindy na tu em i winim pinis ples bilong em long fes gret.

Long taim ol i wok long traime em, Brown i lainim olsem emi noken wet tasol long kisim ol gutpela samting.

-Rugby League Week

## Gaffey sanap strong long taim nogut

NIGEL Gaffey i pilim olsem em i bruk olgeta olsem wanpela strongpela fowat bilong Sydney City Roosters long ol pilai bilong ol.

Stail bilong em long pilai i lusim em wantaim planti bagarap we planti pipel i pilim olsem i mas orait gen. Tasol em long sampela kain pilai nogut we i bin putim em long saitalin lhap 4-pela wik olgeta.

"Dispela bagarap i bagarapim mi olgeta na mi lusim 7 kilogrem olgeta na mi wik nogut tru," Gaffey i tok.

Tasol sapos futbol i lainim Gaffey wanpela samting, dispela em long sanap strong long taim nogut. Em i lainim long papa bilong em olsem yu no rap tromoi wanpela samting i go nating-kain olsem driman bilong yu wantaim nogat bikpela pait.

Len Gaffey i bin pilaim 9-pela fes gret pilai bilong Cronulla long 1989.

Olsem wanpela kantri bol, na tingim

bek ples bilong em Len i lusim futbol na go bek long Wagga. Na pikinini bilong em i tingim olsem papa bilong em i no save fogivim em yet nau.

"Nau em i no mekim wanpela toktok yet long dispela, mi save olsem papa i mekim rong long lusim Cronulla na go bek long wanem em i wari long ples bilong em," Nigel i tok.

"Em i no save toktok long pilai bilong em tasol ol lain mi toktok wantaim ol i save tok em i save pilai gut tru long senta na winga."

Stail bilong Gaffey long pilai em ol i bin testim long ol junia tim bilong Canberra. Emi pilai long Woden Valley na i save pait oltaim wantaim wanpela yangpela kolt bilong Bolconnen United nem bilong em Bradley Clyde.

Planti i tok olsem Clyde em i wanpela yangpela strong fowat husat i wok long kam antap taim em i gat 17 krismas tasol na Gaffey i stap bakeait long em.

"Mitupela i save pilai hat tru namel long mitupela yet," Gaffey i tok.

"Olgeta i save tok olsem Brad em i wanpela top pilaia na olgeta taim mi laik pinisim win bilong em tasol."

Tasol Gaffey i kisim sans bilong em taim Clyde i kisim wanpela bikpela bagarap long skru bilong em long 1990 sisen.

Dispela i mekim na emi no go long Kangaroo tour tasol dispela i mekim na Gaffey i winim wanpela primiasp medal wantaim Raiders.

Taim Gaffey i waswas long bla long dispela win, em i pilim olsem em i mas lusim Canberra sapos em i laik mekim nem bilong em yet.

Em i joinim Roosters na kamap olsem wanpela namba wan lok long raif bilong em yet.

"Mi lukim olsem Brad tu bai pait long dispela posisen bilong mi olsem na mi mas lusim ol." Em i tok. "Mi stap las 3 yia

wantaim ol Roosters na mi amamas tru.

"Nau yet i gat gutpela pilai i kamap namel long tim," Gaffey i tok. "Klab ya i wok long traim kirapim em yet na ol pilaia husat i sain i wok long komitim ol yet."

"Na mi ting olsem kosa Phil Gould i namba wan tru long dispela hap na em i putim planti gutpela samting i go insait."

Dispela toktok bilong em i trupela long wanem ol i kamapim gutpela pilai tru na winim ol St George long sampela taim i go pinis.

Gaffey i amamas tru long kepten bilong Great Britlan Phil Clarke long joinim ol na dispela i mekim em i mas wok strong moa yet long holim posisen bilong em.

"Mi laik pilai lok long wanem em bai lusim yu long ron longwe tasol sapos ol i putim mi long seken row em bai mi pilai tasol."

-Rugby League Week

# Ples bilong tes

## Kwinslen holim 8-pela spes long Tes tim



• Brett Dallas . . . Origin Tes em inap long givim em Tes spot

I GAT 8-pela ples pinis em ol lain Kwinslen i holim long dispela tes tim bilong Australia long pilai wantaim ol Nu Silan.

Maski ol i winim dispela State of Origin pilai long 3-0 long wanpela bikpela pilai tru long stori bilong State of Origin, kosa bilong Australia Bob Fulton bai ino nap lukluk long ol tumas.

Ol Dispela 8-pela em Mark Coyne, Brett Dallas, Jason Smith, Gary Larson, Wayne Bartrim, Danny Moore, Trevor Gillmiester na Robbie O Davies. Dispela ol lain em ol sapota long Brisbane bai singaut long ol tasol taim Australia i pilaim tes pilai egensim ol Kiwis long dispela wik Fraide long Sincorp Stadium.

Taim kosa Bob Fulton na ol selekta i wok long pilaim dispela seleksen klostu long bros bilong ol long traim testim, ol narapela win bilong ol long bipo i save wankain olsem dispela em ol i wok long mekim nau.

Long lukluk long sait bilong save bilong wanwan, ol lain olsem Paul Harragon, Paul McGregor, Mathew Johns, Rod Wishart na Tim Brasher-i soim tru olsem ol Kwinslen i pilai moa gutpela long ol tasol ol bai kisim wanpela moa sans yet..

Taim Kwinslen i winim dispela state of origin pilai long 3-0, planti lain i gat pawa i lukim olsem em i wanpela gutpela win tasol i no gat gutpela hatwok insait. Ol i tok olsem dispela em laki bilong ol Kwinslen long win na skoa i sapos long 3-0 long sait bilong Nu Saut Wels.

Long dispela sait, ol lain olsem Brasher, Harragon, Wishart na McGregor i gat rait long holim yet jesi bilong ol long namba wan tes

pilai.

Long narapela sait, bikpela skul samting long seleksen em:

•Harragon- em i mekim wanem samting rong, na Tony Hearn long narapela sait i gutpela pilai na ol i ken holim em bilong bihain taim?

•McGregor-namba wan ARL senta na em bin pilai gut tru long Brisbane.

•Ol i traim na testim em na em i save pilai gut tru maski em i mekim sampela rong long wik i go pinis.

•Wishart-stap aninit long presa long las yia long England na em i mas kisim wanpela spes yet.

Geoff Toovey na Brad Fittler bai stap long hapbek na faiv eit na Mark Carrol bai stap wantaim Harragon long fran row na Brad Fittler bai kamap olsem nupela kepten bilong Australia.

Wanpela pilai husat bai ino nap laki olgeta em Trevor Gillmiester bilong Kwinslen husat i gat 31 krismas na i luk olsem em bai wanpela olpela pilai tru long Australia long mekim namba wan pilai bilong em. Tasol seleksen bilong em i luk olsem wanpela lek i go bek baksait.

Sait bilong Australia em ol i tokaut long Mande em: Tim Brasher (NSW), Rod Wishart(NSW), Terry Hill (NSW) Mark Coyne(Q) Brett Dallas (Q) Brad Fittler (NSW), Geoff Toovey (NSW), Jason Smith (Q), Steve Menzies(NSW) Mark Carrol (NSW) Gary Larson(Q), Wayne Bartrim, David Gillespie(NSW). Ol Resev em: Robbie O' Davies, Danny Moore, Adam Miur na Trevor Gillmiester.

-Rugby League Week

# Bikpela mejik

WIN bilong Kwinslen long State of Origin long 3-0 i kamap sait long ol wari bilong ol long ol biknem pilai bilong ol long bipo taim yet wantaim ol amamas bilong ol pilai long ol.

Ol aiwara bilong ol Maroons i pundaun long kainkain taim long las mun i trupela we i soim gutpela poroman pasin em ol olpela Australia i save olsem em i gutpela tru.

Long stat bilong namba wan miting, Chris'Choppy' Close husat i rait han man bilong Fatty Vautin long dispela kempein i save olsem em i stap insait long wanpela samting spesel.

Close i tokaut long dispela wik long wanpela samting em i mekim we em i luk stupid long namba wan taim tim ya i bung long namba wan pilai bilong ol. Em i tingim yet wanem samting kosa Vautin i bin stat toktok taim tim ya i bung wantaim.

"Insait long 5-pela minit tasol, Vautin i holim ol pinis," Close i tok. "Em i wanpela gutpela samting stret. Na bihain Fatty i askim mi long givim sampela toktok long ol.

## Wari bilong Qld i narakain

"Na yu save wanem? Maus bilong mi i no nap toktok olgeta...em i wok long guria na mi wok long traim toktok tasol nogat wanpela toktok i kam autsait.

"Wari i bin stap stret long dispela hap-na mi mekim mi yet i luk stupid. Tasol taim dispela i pinis, mi no pilim wari olgeta.

"Mi pilim olsem mi em wanlain bilong dispela samting we i spesel. Mipela i no save lukluk i go bek bihain long dispela namba wan miting...olgeta samting i kamap gutpela na moa gutpela."

Close wanpela man Kwinslen husat i gat bikpela amamas tru i go insait long dispela origin pilai olsem wanpela man bilong daun-bilo tru na em i tokim RLN long amamas bilong em long dispela kain samting i kamap.

"Em i no nap planti taim bai yu kisim dispela kain sans long bung wantaim dispela ol 17-pela yangpela pilai," Close i tok.

"Olgeta lain long Kwinslen long sait bilong Origin futbol i save wok olsem wanpela femeli na i tru dispela samting i kamap long dispela yia."

Close i toktok long ol rop long baksait bilong em i kirap long taim dispela samting i stat-na Craig Teevan i stat long krai na bihain i stat long danis long bikpela rum wantaim flet meit bilong em taim ol i kolim nem bilong em long pepa bilong tim, na toktok bilong papa bilong Ben Ikin long pikinini bilong em olsem" bodi bilong yu em i no bilong yu yet nau tasol em bilong Kwinslen na tim."

"Wantaim dispela ol kain samting i stap, nogat wanpela samting bai stopim ol gen," Close i tok.

Kodineta bilong tim, man bilong mekim trabel na poroman klostu long Vautin, Close i amamas tru long Vautin.

"Planti skul tumas na trening long ragbi



•Tony Hearn na Chris Close- bel kirap i kamap.


lig long nau i no gutpela tumas," em i tok. "Planti bilong ol i save nogat bikpela laik i stap. Tasol Fatty i gat dispela trupela laik. Em i amamas long stap olsem kosa bilong Kwinslen na tu em i laik pilai long state bilong em.

"Em i wanpela naispela wik tru-na tru mi no nap lus tingting long dispela ol samting."





# PROVINCIAL GOVERNMENT REFORMS



## BRIEF ON INTERIM ARRANGEMENTS

### WHAT WILL HAPPEN WHEN THE PROPOSED ORGANIC LAW ON PROVINCIAL GOVERNMENTS AND LOCAL-LEVEL GOVERNMENTS IS PASSED ON 20 JUNE 1995?

**W**hen the National Parliament passes the Bill on the organic law on provincial governments and Local-Level Governments, there will be an interim or caretaker government, established to look after the affairs of provinces. The interim assembly will come into effect when the head of state summons the first interim assembly meeting within sixty days.

This interim government will remain until the 1997 national elections when the new provincial government system comes into full force.

A government task committee has been established that includes key government departments and agencies to work out the implementation process during the transitional period, so that the reforms are coordinated properly in order not to seriously disturb the delivery of services to people.

### WHO WILL MAKE UP THE INTERIM PROVINCIAL ASSEMBLY?

The Interim provincial Assembly will comprise:

- (i) National members of parliament from the province
- (ii) Members of the previous provincial governments who are heads of local-level governments
- (iii) The premier
- (iv) Three appointed persons.

Where there are no Local-Level Governments, members of the previous provincial governments will be selected and any other person with high standing within the electorate.

The open member in consultation with the provincial members will select such persons.

Where there are local-level governments but the members of the provincial government are not the heads, the open member in consultation with the provincial member, select from amongst the heads of the local-level governments.

The provincial member will become the Interim governor and chairman of the interim assembly. If he does not want to

be the Interim Governor, the Interim Assembly will elect the interim government from amongst the other members of parliament. If the other members of parliament do not want to be governor, the governors will be elected from other members who are heads of local level governments.

Current regional members in the national parliament who hold substantive positions in the executive government, the national parliament and in the opposition will become interim governors. They can resign their position they want to become the interim governor.

The premier of the province will become the interim deputy governor.

The interim provincial assembly will not exceed the total membership of the previous provincial government.

### WHAT POWERS WILL THE INTERIM ASSEMBLY HAVE?

The interim assembly will exercise all the powers of the former provincial government.

The assembly will also exercise powers that are needed for the establishment of an administrative structure that will facilitate the operation of the new organic law (provincial and local-level governments) when the law comes into full operation.

The Interim Assembly will also perform all or any of the powers given to the local-level government until the 1997 national elections or sooner as the local-level governments are able to perform such powers.

### WHO WILL MAKE UP THE INTERIM PROVINCIAL EXECUTIVE COUNCIL?


The interim executive council will consist of:

- (a) The interim governor
- (b) The interim deputy governor
- (c) Other members appointed by the interim assembly

This executive council will exercise and perform all powers and functions of the provincial executive council under the new law.



# PROVINSAL GAVMAN RIFOM



## SOTPELA TOK KLIA BILONG INTERIM ASEMBLI

### WANEM SAMTING BAI KAMAP LONG EDMINISTRETIV SISTEM?

Edministretiv sistem we i sapotim straksa bilong Provinsal Gavman Sistem bilong nau yet, bai go het yet long givim sevis i go long Interim Gavman. Dispela bai stop long operet wanpela yia bihain long ol wok bilong nupela lo i kamap o taim nupela Edministretiv sistem i kamap.

Ol lo bilong Provinsal Gavman, Lokol-Level Gavman na Nesenel Gavman bai go het long mekim ol wok aninit long nupela lo i kamap na ron gut.

Luksave i mas stap olsem Interim Asembli bai no inap egensim o kamapim hevi long Nesenel Kapitel Distrik Komisin (NCDC). NCDC bai karim aut wok long senisim Ekt bilong en long bihainim nupela sistem. Wankain tu long Bogenvil Trensese nel Gavman.

Nesenel Gavman bai go het long givim fanding aninit long ol lo bilong nau yet long ol Interim Asembli. Ol Interim Asembli bai mekim wankain samting aninit long ol lo bilong nau yet.

Long 1997, olgeta provins bai kam aninit long nupela Provinsal Gavman Sistem.

Olgeta wok, kontrak na ol arapela samting we i kam aninit long Provinsal Gavman pastaim long deit bilong nupela Lo bilong Provinsal Gavman i kamap, bai stap olsem ol samting na wok bilong Provinsal na Lokol-Level Gavman.

Olgeta ligel prosiding, abritiesen o eksen egens wanpela Provinsal Gavman o Lokol-Level Gavman bai stap yet bihain long nupela sistem bilong Provinsal na Lokol Gavman i kamap.

### WANEM SAMTING BAI KAMAP LONG OL PROVINSAL GAVMAN BILONG NAU YET?

Provinsal Gavman Sistem bilong nau yet bai stop

long operet insait long 90 de taim Palamen i tokorait na kasetim nupela lo bilong Provinsal Gavman na Lokol-Level Gavman. Dispela 90 de i givim taim long lusim olupela sistem na go insait long olupela sistem.

Ol Provinsal memba bai kisim ol entaitelmen bilong ol long lusim Opis inap 6-pela mun.

Ol Provinsal Gavman husat tem bilong ol i ekspai pastaim long Bil i kisim tokorait bai no inap holik ileksen. Tasol bai go het yet long holim opis inap nupela lo i kamap.

Ol Pablik Sevan bilong nau yet we ol i wok long ol Provins bai go het long wok long karim aut ol wok bilong rifom. Ol senis long Edministresen bai kamap taim ol dipatmen husat i wok wantaim Implementin Komiti i stretim olgeta samting bilong kamapim edministretiv senis.

Taim Palamen i kasetim nupela lo, dispela lo i kamap olsem pablik samting. Ol lain husat i laikim kopi bilong dispela nupela lo i ken kisim long Opis bilong Gavman Printa. Ol senis we i kamap long nupela lo tu i pablik samting.

Em i moa impoten long luksave olsem taim namel long olupela sistem i pinis long karim aut ol wok bilong nupela sistem i bikpela samting o impoten taim. Dispela samting bai no inap kamap hariap o kwiktaim. Ol wok namel long dispela taim i mas kamap gut na stret long givim sevis i go long ol pipel.

Sapos husat i laik kisim moa infomesen long Provinsal Gavman na Lokol-Level Gavman Rifom, i ken rait long:

The Awareness Committee, Constitutional Review Commission, P O Box 471, Waigani o The Working Secretariat, National Task Force, Provincial and Local-Level Governments Reforms, Department of Provincial, Local-Level Governments Affairs, P O Wardstrip, Waigani, NCD.



# PROVINSAL GAVMAN RIFOM



## SOTPELA TOK KLIA BILONG INTERIM ASEMBLI

### WANEM SAMTING BAI KAMAP TAIM PALAMEN I TOKORAIT LONG BIL BILONG OGENIK LO BILONG PROVINSAL GAVMAN NA LOKOL-LEVEL LONG JUN 20 1995?

Taim Nesenel Palamen i pasim o tokorait long Bil bilong Ogenik Lo bilong Provinsal Gavman na Lokol-Level gavman, bai gat wanpela Interim keateka Gavman, we bai kamap long lukautim ol afeas bilong ol Provins. Dispela Interim Asembli bai kamap long karim aut wok taim Het bilong Stet i holim namba wan miting bilong Interim Asembli insait long 60 de.

Dispela Interim Gavman bai stap inap 1997 Nesenel lleksen taim Nupela Provinsal Gavman Sistem i kamap.

Wanpela Gavman tas komiti kamap pinis. Dispela komiti gat ol ki o bikpela Gavman Dipatmen na ejensi long kamapim ol rot na we bilong ranim nupela sistem. Dispela em long lukim olsem ol rifom wok i ron gut long givim ol sevis i go long ol pipel.

### HUSAT BAI STAP INSAIT LONG INTERIM PROVINSAL ASEMBLI?

Dispela Interim Provinsal Asembli bai gat:

- (i) Ol Nesenel Palamen memba bilong wanwan provins.
- (ii) Ol memba bilong olupela provinsal gavman husat i hetman bilong ol Lokol-Level Gavman.
- (iii) Primia.
- (iv) Tripela man we ol atoriti makim.

Ol eria we i nogat ol Lokol-Level Gavman, ol atoriti bai makim ol memba bilong olupela Provinsal Gavman na ol arapela pipel husat i gat bikpela luksave i kam long ol pipel insait long ilektoret.

Open memba aninit long wokbung na helpim bilong ol Provinsal memba bai makim ol dispela lain.

Ol eria we i gat Lokol-Level Gavman tasol ol memba bilong Provinsal Gavman i no stap olsem ol hetman, Open memba aninit long helpim i kam long ol Provinsal memba, bai makim namel long ol hetman bilong Lokol-Level Gavman.

Provinsal memba bai kamap Interim Gavana na Siaman bilong Interim Asembli. Sapos em i no laik long kamap Interim Gavana, Interim Asembli bai makim Interim Gavana namel long ol memba bilong Palamen. Sapos ol arapela memba bilong Palamen i no laik long kamap Gavana, ol atoriti bai makim ol hetman bilong ol Lokol-Level Gavman long kamap ol Gavana.

Ol Rijonol Memba long Palamen husat i holim ol bikpela posisen insait long Eksekutiv Gavman, Nesenel Palamen na Oposisen bai kamap ol Interim Gavana. Ol i ken risain long posisen bilong ol sapos ol i laik kamap Interim Gavana.

Primia bilong Provins bai kamap Interim Deputi Gavana.

Membasip (ol memba) bilong Interim Provinsal Asembli bai no inap abrusim membasip bilong olupela provinsal gavman.

### INTERIM ASEMBLI BAI GAT WANEM KAIN OL PAWA?

Interim Asembli gat kisim na yusim wankain ol pawa bilong olupela Provinsal Gavman.

Asembli bai yusim tu ol pawa we i gat nid long kamapim wanpela edministretiv straksa we bai lukautim na kontrolim operesen bilong nupela Ogenik Lo bilong Provinsal na Lokol-Level Gavman.

Interim Asembli bai yusim tu ol pawa we i go long Lokol-Level Gavman inap 1997 Nesenel lleksen o long sotpela taim sapos Lokol-Level gavman inap yusim ol dispela pawa.

### HUSAT BAI STAP INSAIT LONG INTERIM PROVINSAL EKSEKYUTIV KAUNSIIL?


Interim Eksekutiv Kaunsil bai gat:

- (a) Interim Gavana
- (b) Interim Deputi Gavana
- (c) Ol arapela memba we Interim Asembli makim

Dispela eksekutiv kaunsil bai yusim na karim aut olgeta wok na pawa bilong Provinsal Eksekutiv Kaunsil aninit long nupela lo.



# PROVINCIAL GOVERNMENT REFORMS



## BRIEF ON INTERIM ARRANGEMENTS

### WHAT HAPPENS TO THE ADMINISTRATIVE SYSTEM?

**T**he Administrative System (including staff) which supports the current Provincial Government structure will continue to provide services to the Interim Government. This will stop operating one year after the law comes into force or when a new Administrative system is in place.

Laws of the provincial government, local-level governments and the national government will continue to apply for the purpose of effecting the new law.

Note that the Interim arrangements will NOT affect the existence and operation of the National Capital District Commission (NCDC will work towards amending their act to fall in line with the new system) and the Bougainville Transitional Government.

The national government will continue to provide funding under existing laws to these Interim assemblies and likewise the interim assemblies will continue to source revenue under current laws.

By 1997, all provinces will come under the new provincial government system.

All contracts and agreements entered into, made or addressed to the provincial government before the effective date of the new law on provincial government, remains valid on the new provincial and local-level government.

All legal proceedings, arbitration or action pending against a provincial Government or local-level government remains valid after the system of provincial and Local Government come into place.

### WHAT HAPPENS TO THE PROVINCIAL GOVERNMENTS CURRENTLY IN PLACE?

The current provincial government system will stop operating within ninety days from when the new law on provincial government and local-level governments is passed and gazetted. The ninety days period allows the change from current system into the new system.

The provincial members will be paid their entitlements for the loss of office up to six months.

Provincial Governments that have their terms expire before the bill is passed will not have elections but will be allowed to continue in office until the new law comes into effect.

The current public servants working in provinces will continue work to implement and facilitate the reforms. Changes in the administration will come when relevant Departments working with the implementing Committee finalise details of the administrative changes.

The gazetted copy of the proposed law is a public document and can be obtained from the Government Printers Office. Amendments made to the proposed law are also public documents and must be obtained together with the copy of the main law.

It is important to note that the transitional period is the most important, and this period will not be rushed, but will be done in a coordinated progressive manner so that the delivery of government services to the people is not drastically affected.

should anyone wish to seek further information on the Provincial Government and Local-Level Governments Reforms, write either to:

The Awareness Committee, Constitutional Review Commission, PO Box 471, Waigani.

or

The Working Secretariat, National Task Force, Department of Provincial and Local-Level Governments Affairs, PO Wardstrip, Waigani, NCD.

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.